





五
五
書
書
記
記
集
集

光緒丁酉年圖書集成
局據丹徒徐氏本校印

序

馬陽書
崔萬頰
校訂

竹書紀年者晉太康二年汲郡人發魏襄王家所得也其中竹書數十車多致朽壞脫誤唯紀年一編最爲分曉其所紀始黃帝終魏今王二十年蓋六國時晉魏史官所錄也梁天監中沈約始爲之附注然往往好言符瑞於歷代事實罕有發明數千年以來無有深知虜好能言是書者位山徐先生得而讀之謂是書瘞於秦火未燬之前八十六年縱未卽宣聖筆削之餘當亦不致如古文尙書爲漢儒所僞作也於是於竹書逐年紀載之下暨休文所附注者一一皆爲之統箋誤者訂之疑者釋之闕者補之諸散見於他說者輒而集之經經緯史證據詳確俾從前聚訟盈庭而莫決者並皆折服而無辭此非獨紀年之幸實後來讀紀年者之深幸也竹書堯元年丙子皇極經世以爲在甲辰舜元年己未紀政綱目以爲在丙戌夏仲康五年九月庚戌朔日食虞胤以爲在元年周幽王六年十月辛卯朔日食詩疏引王基謂在共和以前種種謬誤不有竹書烏從取證不有先生之統箋烏從爲竹書取證是紀年之或隱或見上下數千年其有待於先生之發明指示蓋實有數焉存乎其間而非可苟焉已也短不敏繆屬雖校莫贊一辭不敢以是書私爲帳中之祕爰謀之於馬先生葵齋並加懇懇付之剞劂令是書得炳曜於右文之世懸之日月而不刊使天下後世知皇墳帝典以及於春秋戰國實有傳書事事與經史符合豈止數千年長

夜之一炬云青

乾隆十有五年仲冬吉旦學晚齋萬煊謹序

序

千古之大文惟經與史紀年史事也其實元本於經商書稱元祀十有二月乙丑春秋以時繫年日繫月皆紀年例也顧秦火以後尚書有今文古文之疑春秋有左穀公羊之異求其完好無闕微備不疑其惟六國時竹書紀年一編蓋紀年藏于汲冢當周隱王十七年至晉太康初始出殆上天故爲祕情以爲斯文留一綫之真而不使絕滅於煨燼者此也同里位山徐先生年踰八十始注此書字箋句釋援史證經思以補前人之缺釋千古之疑倣鄭氏箋詩之例命曰統箋洵可謂篤信好古者矣先生向爲先君子畏友家丹湖之陽駕一葉來城輒與先君子嘯月吟風互命不朽故所刻有享愚園詩存先生敘之最悉今統箋脫稿貯之巾箱先生不輕以示人適庚午聘修邑乘館地與享愚園爲最近時或過從先生以念舊之情不私枕祕屬余爲讎校字畫辭之再四勿許余竊念紀年晚出事事與經史符合閱數千百年僅得一休文爲之附注多略而不詳其後一行造大衍宗之溫公稽古錄據之雖時時散見他說罕有能覩其全者何繇爲後學之司南也因請爲勉力授梓以公同好俾得與先生所著管

城嶺記山河兩戒考諸書並垂不朽適同學崔君郁岑並加慈惠寶獲我心嗣相與贊其成焉則紀年埋地下數百年不爲蟻蠹所侵蝕一若有神物爲之訶護留傳至今其有待于先生之詮注正非偶也

方今

聖天子經經緯史崇儒右文先生以經學應

召行見蒲輪徵聘得意發揮於以詡揚 盛治鼓吹休明又何止紀年統箋懸之國門藉以行世壽世耶夫紀年史也注史而史學明緣注史而博采經傳賞晰奇疑則注史而實兼以經也況是書始軒皇訖周季遠溯于尙書四代以前補載于春秋二百四十二年之後元元本本同爲千古之大文可不謂天所屬意留傳至今翊運而興者哉昔

乾隆庚午年冬月長至日同里後學葵齋馬陽序

竹書紀年統箋凡例

一紀年一書自周隱王十七年癸於梁襄王冢至晉武太康二年乃得此書凡五百七十九年其時考正者有和嶠東晉衛恆荀勗王庭堅王接潘滔摯虞謝衡諸人皆博物多聞之士晉隋唐諸志皆有是書梁沈約始爲附注約好言符瑞於事實罕有發明今特爲統箋逐事分載以紀其詳

一統箋之下所引書傳辭義相同者則連書之其稍有不同則加又按其確有微驗可辨析者則加據字例皆放此

一是書於紀年中逐字詳注而謂之箋者倣鄭氏詩箋之例所以別於注也謂之統箋者不特於紀年箋之附注箋之諸凡所引書傳間有論誤亦併箋之也

一紀年逐條之下間有細字皆休文附注故各於箋按之上加圈以別之至歷代某帝某王推原其先世發祥之自亦皆大字僅低一字者世誤以爲竹書之本文今並見宋書符瑞志中實亦休文所自撰探後世讖緯諸書而成當時謂之附注以爲竹書本文者由未讀宋書故也乃附注之外又有所爲約按者以其非習聞而自爲立說者也實亦附注之例也

一紀年初癸之歲下距始皇燔書之歲八十六年則是書在未焚之前信而可徵也至今以經傳校之一符合

一紀年始於黃帝蓋黃帝使大撓作甲子自是而後始得以甲子紀年故也周禮外史掌三皇五帝之書易大傳黃帝之前有神農伏羲孔安國書序伏羲神農黃帝爲三皇溫公稽古錄亦始伏羲故特倣司馬承禎三皇補紀之例列之於前非好爲蛇足也

一劉道原通鑑外紀金仁山前編皆依邵堯夫經世紀年以竹書較之多有不合如外丙仲壬經世所無
盾征辰弗集于房經世以爲在仲康元年唐一行大衍推合在仲康五年與竹書合小雅十月之交朔
日辛卯孔仲達疏據王基之說謂在共和以前梁虞翻推合幽王六年乙丑與竹書合如此類不可枚
舉近世耳學者每於通鑑編年下乃云據經世正之殊可嘆也

一紀年最可議者莫如太甲潛出自桐殺伊尹一事方是時齊田和遷康公於海上晉三卿徙桓公於屯
留往往假伊尹放君之名以爲解釋時作紀年者特設爲潛出殺尹一案以見戰國諸君爲臣所放皆
可潛殺其臣也不然前言命尹爲卿士後言祠保衡此獨言潛出殺尹不亦自相矛盾哉故沈約謂此
文與前後不類蓋後人所益

一劉知幾作史通不知殺季歷者爲文丁誤以文丁爲文王韋昭注國語杜預注左傳皆以攜王爲伯服
不知爲王子余臣如此類者甚夥不有竹書烏從而證之此余之統箋所由作也

一紀年雜述稟諸簡端無分先後亦容齋隨筆例也俗儒眇見稟聞多以紀年爲齊東野語稗官臆錄殊
不知晉隋諸史列之中經取證經史毫無差謬古今來博物君子著書立說未有不取證於是書者觀
之雜述了了可見而俗儒轉不之信東廣徵校正竹書而外又有發蒙一記者其亦有感而作者與

一紀年雜述之下凡有譌舛宜辨者只用按字不言箋按蓋自述設聞管見無與於箋注之例故也

一同里馬君晴川好古工詩著書甚富其令嗣長君葵齋續學精進廣讀父書以余爲通家世好過箋注所有紕謬一一是正無隱故是書或罕有譏彈者葵齋力也

一崔子郁岑英年嗜學沈靜寡言嘗見余所纂山河兩戒考管城碩記披閱再四有疑必問余喜其篤志深造非徒以好古博虛名者因併以紀年屬之讎校其有匡余不逮者不敢以年少忽之故並錄其姓字於前

一是刻非余意也余年八十有二始箋注此書閱三寒暑而後成不過以是書譌誤頗多俾稍拈出示兒輩讀史之法初何敢出以問世適馬崔二子來講因出是編以就正二子以余爲世好各受鉛黃悉加是正力爲懲思以授梓或有謂之者曰彼旣與位山有舊何不爲位山藏拙余因辭之二子來復曰合河孫總憲奉新甘大司馬華亭張宮詹皆當代偉人也常以先生所著述達之

天聽近 撫憲衛公以先生經學特薦于

朝何必前工後拙且昔是而今非也余無以應遂聽之

黃帝 在位一百零九年

少昊 附紀年 不錄

帝顓頊 在位七十八年

帝嚳 在位六十二年

帝摯 附在位九年

卷二

帝堯 元丙子在位一百零一年

帝舜 元己未年在位五十年

卷三

夏后禹 元壬子在位八十年

后啟 元癸亥年在位十六年

太康 元癸未年在位四年

仲康 元己丑年在位七年

帝相 元戊戌年在位二十八年 明年丙寅少康生乙酉少康奔有虞甲辰少康使汝艾伐過殺澆伯豷滅戈伯靡殺寒浞乙巳少康自輪歸于夏邑

帝少康 元丙午年在位二十一年

帝杼 元己巳年在位十七年

帝芬 元戊子在位四十四年

帝芒 元壬申年在位五十八年

卷四

帝泄 元辛未年在位二十五年

帝不降 元己亥年在位五十九年 遜位于弟後十年

帝扃 元戊戌年在位十八年

帝廑 元己未年在位八年

帝孔甲 元己巳年在位九年

帝昊 元庚辰年在位三年

帝發 元乙酉年在位七年

帝癸 元壬辰年在位二十一年 自禹至桀十七世有王與無王用歲四百七十一年

卷五

商王湯湯以諸侯十八年代夏歲在癸亥又十有一年而陟共二十九年

外丙元乙亥在位二年

仲壬元丁丑在位四年

太甲元辛巳在位十二年

沃丁元癸巳在位十九年

小庚元壬子在位五年

小甲元丁巳在位十七年

雍己元甲戌在位十二年

太戊元丙戌在位七十五年

仲丁元辛丑在位九年

外壬元庚戌在位十年

河亶甲元庚申在位九年

祖乙元己巳在位十九年

祖辛元戊子在位十四年

開甲元壬寅在位五年

祖丁元丁未_在位九年

南庚元丙辰在位六年

陽甲元壬戌在位四年

盤庚元丙寅在位二十八年

小辛元甲午_在位二年

小乙元丁酉_在位十年

卷六

武丁元丁未_在位五十九年

祖庚元丙午_在位十一年

祖甲元丁巳_在位三十三年

馮辛元庚寅_在位四年

庚丁元甲午_在位八年

武乙元壬寅_在位三十五年

文丁元丁丑_在位十三年

帝乙元庚寅_在位九年

帝辛元己亥_在位五十二年 湯至受二十九王用歲四百九十六年

卷七

周武王以西伯十有二年代殷有天下元辛卯又六年陟先後十七年

成王元丁酉_在位三十七年

康王

元甲戌在位
二十六年

昭王

元庚子在位
十九年

穆王

元己未
在位五十五年

共王

元甲寅
在位十二年

懿王

元丙寅
在位二十五年

孝王

元辛卯
在位九年

夷王

元庚子
在位八年

厲王

元戊申
在位十二年
奔彘又十四年陟

卷九

宣王

元甲戌
在位四十六年

幽王

元庚申
在位十一年

卷十

平王

元辛未
在位五十一年

桓王

元壬戌
在位二十三年

莊王

元乙酉
在位十五年

釐王

元庚子
在位五年

惠王

元乙巳
在位二十五年

襄王

元庚午
在位二十三年

頃王

元癸卯
在位六年

卷十一

匡王

元己酉
在位六年

定王

元乙卯
在位二十一年

簡王

元丙子
在位十四年

靈王

元庚寅
在位二十七年

景王

元丁巳
在位二十五年

敬王

元壬午
在位四十四年

元王

元丙寅
在位七年

貞定王

元癸酉
在位二十八年

哀王

三月附見
考王下

思王

五月附見
考王下

考王

元庚子
在位十五年

威烈王

元丙辰
在位二十四年

安王

元庚辰
在位二十六年

烈王

元丙午
在位七年

卷十二

顯王

元癸丑在位
四十八年

慎靚王

元辛丑在
位六年

隱王

元丁未竹書紀年
終于隱王十六年

大吳庖羲氏

箋按漢律志庖羲繼天而王爲百王先首德始於木故爲帝太昊作閏畧以佃以漁取犧牲故天下號曰庖犧氏司馬公稽古錄曰伏羲之前如天皇地皇人皇有巢之類雖於傳記有

之語多迂怪事不經見臣不敢引獨據周易自伏羲以來敘之今紀年前編始於伏羲以此

太昊之母居於華胥之渚

箋按華胥地名在陝西藍田縣小淵曰渚

履巨人跡意有所動虹且遶之因而始娠生帝於成紀

箋按漢志天水郡有成紀縣今鞏昌府秦州也

以木德王爲風姓

箋按月令春盛德在木其帝太皞太古河圖代姓紀伏羲氏子也因風而生故風姓三墳書以伏羲爲天皇墳爲山

墳

元年卽位都宛

箋按三墳書伏羲氏皇策辭曰惟我承父居方三十二易草木上升君位是先分土於外後登帝位也昭公二十七年左傳梓慎曰陳太皞之虛也詩陳風宛丘之上朱子集

傳曰四方高中
央下曰宛丘

龍馬負圖出河

箋按五帝外紀注曰龍馬者天地之精其爲形也馬身而龍鱗故謂之龍馬高八尺五寸賴幣有翼陷水不沒故聖人在位負圖出於孟河之中焉唐志慈州文城縣有孟門山在

縣西南三十六里舊傳伏羲時有龍馬負圖出此三墳書皇策辭曰命子襄居我飛龍之位主我圖文代我咨於四方上下無或私雖其書或後世所穿鑿而河圖之相傳有由也子華子曰河圖之二與四

抱九而上躋六與八蹈一而下沈載九而履一據三而持七五居中宮敷之所由生一縱一橫敷之所由成子華子程本與孔子同時其所言河圖當自有據又管子小匡篇曰昔人之受命者龜龍假河出

圖洛出書地出乘黃更在孔子之前宋杜鎬對真宗曰河圖洛書蓋聖人以神道設教耳歐陽修作葛氏鼎歌曰馬圖出河龜負疇自古怪說何悠悠朱子曰以河圖洛書爲不足信歐陽公以來已有此說

然終無奈願命繫
辭論語皆有是言

始作八卦

籒按繫傳曰古者庖羲氏之王天下也仰則觀象於天俯則觀法於地觀鳥獸之文與地之宜近取諸身遠取諸物於是始作八卦周禮太卜掌三易一曰連山二曰歸藏杜子春謂連山伏

羲歸藏黃帝般康論易曰昔伏羲始畫八卦觀象以應禮禮合文嘉曰伏羲德洽上下天應以鳥獸文章地應以龜書唐孔氏曰繫辭云河出圖洛出書聖人則之故孔安國馬融王肅姚信等並云伏羲得

河圖而作易是則伏羲雖得河圖並須仰觀俯察以相參正然後畫卦伏羲初畫八卦萬物之象皆在其中故繫辭曰八卦成列象在其中矣雖有萬物之象其萬物變通之理猶自未備故因其八卦而更

重之卦有六爻遂重為六十四卦也繫辭曰因而重之爻在其中矣是也然重卦之人諸儒不同凡有四說王輔嗣等以為伏羲重卦而康成之徒以為神農重卦孫盛以為夏禹重卦史遷等以為文王重

卦其言夏禹及文王重卦者按繫辭神農之時已有蓋取益與噬嗑者以此論之不改自破其神農重卦亦未為得今依輔嗣以伏羲既畫八卦即重為六十四卦為得其實

以龍紀官

籒按昭十七年左傳鄭子曰太皞氏以龍紀故為龍師而龍名杜預曰太皞伏羲氏風姓之祖也有龍瑞故以龍命官外紀太昊命朱襄為飛龍氏造書契吳英為潛龍氏造甲歷大庭為居

龍氏造屋廬渾沌為降龍氏驅民害陰康為土龍氏治田里栗陸為水龍氏繁滋草木神導泉流又立五官以春官為青龍氏又曰蒼龍夏官為赤龍氏秋官為白龍氏冬官為黑龍氏中官為黃龍氏是謂

龍師而龍名

立九相六佐

籒按外紀曰太昊立九相共工為上相柏皇為下相朱襄吳英常居左右栗陸居北赫胥居南昆連居西葛天居東陰康居下又陶潛羣輔錄曰太昊六佐金提主化俗烏明主建福視

獸主災惡紀通為中職仲起為海陸
漢侯為江湖分理宇內而政化大治

制九州

籒按伏羲氏皇策辭曰九州之牧各統其人羣居於外法語曰伏羲始定四海之廣作八卦分九州真源賦曰伏羲別九宮因此制九州鄭康成注易乾靈度曰太一者北辰神名也下行八卦之

宮每四乃還於中央中央者北辰之所居故謂之九宮太一下行九宮從坎宮起自此而從於坤宮而震宮而巽宮所行半矣還息於中央之宮又自此而從於乾宮而兌宮而艮宮而離宮行則周矣上遊息於太一之宮而反紫宮行起此太昊以八卦有九宮因此制九州也

造書契

箋按易繫曰上古結繩而治後世堯人易之以書契物原曰體人氏作繩蓋上古未有文字大事則大結其繩小事則小結其繩至太昊始易以書契也河圖代姓詭天皇命臣飛龍氏造六書周

禮六書一曰象形二曰假借三曰指事四曰會意五曰轉注六曰諧聲是也契約也用禮聘取予以書契曲禮獻粟者執右契注曰兩書一札同而別之也外紀注曰論字學者謂始於倉頡而不謂始於伏

羲倉頡爲黃帝史官或伏羲制字至倉頡而大備或倉頡卽伏羲之臣而共成書契皆無從稽考也今按伏羲時朱襄爲飛龍氏造書契何必疑倉頡爲伏羲之臣也

作甲歷

箋按古三墳羲皇命吳英居潛龍之位主陰陽甲歷咨於四方上下無或差爾雅太歲在甲曰闕逢在寅曰攝提格邢昺疏曰甲至癸爲十日日爲陽寅至丑爲十二辰辰爲陰按漢律書志述三

統曰人統寅木也太狹律長八寸象八卦處戲氏之所以順天地通神明類萬物也是知伏羲已用寅正夏后氏因之而已賈公彥謂連山作於伏羲因於夏后氏此之謂也蓋夏正建寅艮居東北爲寅

春首寅連山首艮其義一也外紀曰伏羲作甲歷起於甲寅支干相配爲十二辰六甲而天道周矣歲以是紀而年不亂月以是紀而時不易東西南北以是紀而方不惑之矣

造琴瑟

箋按琴操伏羲作琴所以禦邪僻防心淫外紀曰伏羲斲木爲琴繩絲爲絃絃二十有七命之曰離徽爾雅大琴謂之離郭璞注或曰琴大者二十七絃未詳長短常猶是伏羲遺制故謂之離離

者以通神明之脫而名之蓋取諸離孫叔然云音多變聲流離也失其旨矣虞故明古琴疏云伏羲時嬰理實梓命下相柏皇爲琴曰丹維曰祖牀正未知出何書又按世本曰瑟伏羲氏作五十絃漢郊祀

志曰秦帝使素女鼓五十絃瑟悲帝禁不止故破其瑟爲二十五絃帝王世紀曰伏羲作瑟三十六絃外紀曰伏羲桓桑爲三十六絃之瑟所以修身理性返其天也魏曹植伏義贊曰瑟以象時神德通玄

爾雅大瑟謂之灑郭曰長八尺一寸廣一尺八寸二十七絃孫叔然云謂之灑者音多變布如灑出也郭云二十七絃未見所出又按楚辭大招曰伏義鸞辯楚勞商只王逸註伏義作瑟造鸞辯之曲吳都

賦或超延露而駕辯皆言太昊作瑟之事也

作立基之樂

箋按河圖代姓紀曰天皇因龍出而紀官因鳳來而作樂王嘉曰應鸞灼土爲墳孝經鈎命決曰伏義樂曰立基外紀曰帝作荒樂歌扶徠詠罔罟以鎮天下之人命曰立本亦曰立基

製嫁娶以儷皮爲禮

箋按上古男女無別伏義始製嫁娶以儷皮爲禮時女媧氏與伏義同母生而神靈佐伏義以重萬民之別而民始不瀆

造干戈

箋按王嘉拾遺記伏羲造干戈以飾武此干戈之始也

在位一百一十五年

陟箋按東吳朱氏曰三皇之號有以爲天皇地人皇者見於秦博士之妄議有以爲伏羲神農燧人者見於梁武帝之膠談有以爲伏羲女媧神農者司馬貞之陋

說紛紛不一皆非也孔安國尙書序曰古者庖羲氏之王天下也始畫八卦造書契以代結繩之政由是文籍生焉伏羲神農黃帝之書謂之三墳言大道也少昊顓頊高辛唐虞之書謂之五典言常道也

或有問於朱子曰三皇所說甚多當以何者爲是朱子曰無處理會常且依孔安國之說五峯以爲天皇地人皇而伏羲神農黃帝堯舜爲五帝却無顓頊高辛之數要之也不可便如此說董氏鼎曰周

禮外史掌三皇五帝之書左氏亦謂楚左史倚相能讀三墳五典則三皇有書明矣而孔子則云庖羲氏始畫八卦上古結繩而治後世聖人易之以書契是庖羲已前且未有字安得有書如此則三皇爲

伏羲神農黃帝之書安國之說近是觀朱子及董氏之言則三皇爲伏羲神農黃帝斷乎其無疑矣朱氏之說如此今竹書紀年始黃帝而不始伏羲者以黃帝已前無年之可紀也無年可紀故始於黃帝

而非遺羲農不錄之謂今仍以羲農補紀於前庶幾於三皇無闕而且於繫傳敘庖羲次神農次黃帝之義爲無悖云

炎帝神農氏

箋按三墳書以神農爲人皇墳爲氣墳漢志神農氏作以火承木故曰炎帝政民耕農故天下號曰神農氏封禪書齊桓公欲封禪管仲曰神農封泰山禪云云炎帝封泰山禪云云注

曰炎帝神農後蓋後世
雙炎帝之號非二也

少典之君娶於有媧氏之女曰安登生神農三日而能言七日而齒具三歲而知稼穡

箋按五帝外紀少典娶有媧女

生炎帝此有媧蓋有媧之訛也國語少典娶有媧女生黃帝豈炎帝與黃帝同父同母乎三皇本紀神農氏母曰安登有媧氏之女爲少典妃以時計之爲得其實媧媧字近而爲故誤耳而世紀曰炎帝之

母曰任己有媧氏女也不知何出

育於姜水故以姜爲姓

箋按世紀曰神農氏姜姓也長於姜水

其起本於烈山號烈山氏

箋按水經注

山西運屬鄉南水南有重山即烈山也一統志烈山在今德安府隨州本作列左傳列山氏之子又作厲禮祭法厲山氏之有天下也

其初國伊又國喬合而稱之又號

伊耆氏

箋按禮明堂位疏曰禮運云伊耆氏始爲耨是報田之祭易
繫神農始作耨田起於神農故說者以伊耆氏爲神農也

元年卽位居陳

箋按左傳陳太皞之虛也杜注今陳
州神農氏代決義有天下始都於此

遷曲阜

箋按曲阜魯地今兗州府曲阜縣炎帝遷此又號大庭氏春秋命歷序曰炎
帝號大庭氏魯有大庭氏之庫禱通紀有大庭氏又有炎帝神農氏妄也

尊師受學

箋按漢書古今人表悉諸神農師呂
氏春秋神農師於悉諸學於老農

作五絃琴

箋按世本神農作琴桓譚新論曰神農氏始削桐爲琴七絃足以通萬物而考理亂也張揖廣
雅曰神農氏琴長三尺六寸六分上有五絃曰宮商角徵羽文王增二絃曰少宮少商則新論

言七絃者殊未確也又絃說文曰琴者禁也神農所作洞越練朱絃樂記清廟之瑟朱絃而疏越鄭注
云朱絃練朱絃則聲濁越瑟底孔也疏通也使兩頭孔相連而通也然則洞越者通洞其底孔言神農
制琴之制製也那爾爾雅疏曰琴長三尺六寸六分五絃者此常用
之琴也象二百六十六日五絃象五行又琴操曰廣六寸象六合也

作耒耜

箋按易繫神農氏作斲木爲耜採木爲耒耨耨之利以教天下蓋取諸益汲
冢周書曰神農作陶治斧斤爲耜鋤耨以墾草莽然後五穀興以助粟蘇實

教天下種穀

箋按汲冢周書曰神農之時天雨粟神農耕而種之呂氏春秋曰神農教曰士有常年
不耕者則天下或受其饑矣女有常年不績者則天下或受其寒矣故夫親耕女親績

立曆日

箋按楊泉物理論曰疇昔神農始治農功正節氣審寒溫以爲早晚之期故立曆日尚書考靈暉
主春者爲星昏中可以種稷主夏者心星昏中可以種黍主秋者虛星昏中可以種麥主冬者昴

星昏中可以斬伐具器械天子南面而坐視四
星之中者知民之緩急則不賦力役敬授民時

日中爲市

箋按日中爲市致天下之民聚天下之貨交易而退各得其所易繫傳曰蓋取諸噬嗑是也日
中者以四方之民道里遠近不同故一以日中爲期俾令販夫販婦貿遷有無者皆得依期而

也至

辨水泉甘苦

箋按河圖曰九州殊題水泉各異利揚角徵會其泉酸以苦梁州商徵接其泉苦以辛兗豫宮徵合其泉甘以苦雍冀商羽合其泉辛以鹹又文子曰汾水漂濁而宜麻澗水通和而宜

麥河水滯濁而宜菽洛水輕利而宜禾澗水多力而宜黍漢水安重而宜竹江水肥仁而宜稻劉氏外紀曰炎帝察水泉甘苦令民知所避就以此也

味嘗草木作方書

箋按神農政典曰病正四百四藥三百六十五過飲乃亂而昏而毒陸景典語曰神農嘗草別穀蒸民乃粒食外紀曰上古民有疾病未知藥石炎帝始味草木之滋察其寒

溫平熱之性辨其君臣佐使之義嘗一日而遇七十毒神而化之遂作方書以療民疾而醫道立矣

建明堂

箋按桓譚新論曰神農氏祀明堂有蓋而無四方則明堂不始於黃帝也

作中天易

箋按鄭康成曰伏羲畫八卦神農重之爲六十四卦周禮太卜掌三易千寶注曰伏羲之易小成爲先天神農之易中成爲中天黃帝之易大成爲後天杜子春曰連山伏羲歸藏黃帝唐孔

氏曰案世譜等書神農又號連山氏黃帝又號歸藏氏是神農之易本於伏羲至黃帝乃別爲歸藏也

有火瑞以火紀官

箋按左傳鄭子曰炎帝氏以火紀故爲火師而火名杜氏曰亦有火瑞故以火命官應劭曰春官爲大火夏官爲鶉火秋官爲西火冬官爲北火中官爲中火

命官分職

箋按外紀曰神農命赤冀爲時曰命巫咸主卜筮命刑天作扶犁之樂命屏封作種書命白阜作地理紀以理天下又按山海經刑天與帝爭神帝乃斷其首而葬之常羊之山刑天以乳爲

目臍爲口操干戚而舞注不言何帝以此計之當卽爲炎帝也又春秋元命包曰神農世怪義生白阜圖地形脈水道御覽以怪義爲白阜母是圖書並起於羲農也

作下謀之樂

箋按孝經鉤命決曰神農樂曰下謀禮明堂位曰土鼓黃桴鞀籥伊耆氏之樂也孔疏曰說者以伊耆爲神農也

時諸侯夙沙氏叛不用帝命其臣箕文諫而被殺炎帝益修厥德夙沙之民自攻其君而來歸其地

汲冢周書曰黃帝時有諸侯夙沙氏於是南至交趾
箋按交趾國北至幽都
即古之幽陵
始以海煮成鹽此夙沙氏其先也
今安南是
東至陽谷
即

谷日所西至三危箋按唐志三危山在沙州燉煌縣東南六十里莫不服從其化

在位一百四十年陟於長沙之茶鄉

箋按漢志長沙茶陵縣莽曰聲鄉師古曰茶音弋奢反又文加反趙雪航曰外紀載伏羲人首蛇身神農人首牛身不知二聖乃開物成

務之祖顯有此怪異之說乎不足信矣殊不審人首蛇身之說猶孔子龜背李廣猿臂班超虎頭燕頤之類耳豈真有牛首蛇身者哉趙氏說泥



晉書東晉傳初太康二年汲郡人不準盜發魏襄王墓或言安釐王冢得竹書數十車其紀年十三篇記夏以來至周幽王爲犬戎所滅以事接之三家分仍述魏事至安釐王之二十年蓋魏國之史書大略與春秋皆多相應其中經傳大異則云夏年多股益干啟位啟殺之太甲殺伊尹文丁殺季歷自周受命至穆王百年非穆王壽百歲也幽王既亡有共伯和者攝行天子事非二相共和也

按幽王當作厲王共伯國卽今之輝縣也其

易經二篇與周易上下經同易繇陰陽卦二篇與周易略同繇辭則異卦下易經一篇似說卦而吳公孫段二篇公孫段與邵陟論易國語三篇言楚晉事名三篇似禮記又似爾雅論語師春一篇書左傳諸卜筮師春似是造書者姓名也瑣語十一篇諸國卜夢妖怪相書也梁丘藏一篇先敘魏之世數次言丘藏金玉事繇書二篇論弋射法生封一篇帝王所封大歷二篇鄒子談天類也穆天子傳五篇言周穆王游行四海見帝臺西王母圖詩一篇畫費之屬也又雜書十九篇周食田法周書論楚事周穆王美人盛姬死事大凡七十五篇七篇簡書折壞不識名題冢中又得銅劍一枚長二尺五寸漆書皆科斗字初發冢者燒策照取寶物及官收之多燼簡斷札文既殘缺不復詮次武帝以其書付祕書校綴次第尋考指歸而以今文寫之暫在著作得觀竹書隨疑分釋皆有義證遷尙書郎

按東晉傳云紀年述魏事至安釐王二十年蓋因史記誤以魏惠王後元

年爲哀王元年也是當從孟子惠王之
後卽爲襄王紀年終襄王二十年也

王接傳時祕書丞衛恆考正汲冢書未訖而遭難佐著作郎東哲述而成之事多證異義時東萊太守陳
留王庭堅難之亦有證據哲又釋難而庭堅已亡散騎侍郎潘滔謂接曰卿才學理議足解二子之紛可
試論之接遂詳其得失擊處謝衡皆博物多聞咸以爲允當

荀勗傳乃得汲冢中古文竹書詔勗撰次之以爲中經列在祕書荀又嘗敘穆傳曰古文穆天子傳者
太康二年汲縣民不準盜發古冢所得書也皆竹簡素絲編以臣勗前所考定古尺度其簡長二尺四寸
以墨書一簡四十字汲冢戰國時魏地也案所得紀年蓋魏惠成王子令王之冢也於世本蓋襄王也案

史記六國年表自令王二十一年至秦始皇三十四年燔書之歲八十六年及至太康二年初得此書凡
五百七十九年按令王當作今王時作書者梁襄王時人書終于襄王未卒之時故曰今王庚開唐書王
道序魯壁魏填倪注云郭璞穆天子傳曰所得紀年蓋魏惠成王令王之冢仍以今歲爲

令及所引穆傳序文皆荀
勗語倪以爲郭氏亦誤

劉知幾史通曰竹書紀年出於晉代學者始知后敢殺益太甲誅伊尹文王殺季歷鄒桓公厲王之子則
與經典所載乖刺甚多李氏維禎曰羣書燕穢典訓凌遲殺益誅尹猶曰頗刑季歷之弑古今大惡而以
之污曠至聖不憂百過鼻乎按紀年文丁紂祖父也囚季歷于塞庫季歷因而死故曰文丁殺季歷文丁
史記作太丁竹書未出世不知有文丁事故誤以文丁爲文王也知幾知紀

年出于晉代而猶不知文王爲文
丁殆得之傳聞其實未見竹書也

杜預左氏傳集解後序曰汲郡汲縣有發冢者大得古書周易上下篇與今正同別有陰陽說而無彖
象文言繫辭疑是時仲尼造之于魯而未播之于遠國也

隋經籍志曰晉太康元年汲郡人發魏襄王家得古竹簡書字皆科斗發冢者不以爲意往往散亂帝命
中書監荀勗令和嶠撰次爲十五部八十七卷多雜碎怪妄不可訓知惟周易紀年最爲分了其周易上
下篇與今正同紀年皆用夏正建寅之月爲歲首起自夏殷周三代王事無諸侯國別唯特紀晉國起自
殤叔次文侯昭侯以至曲沃莊伯盡晉國滅獨記魏事下至魏哀王謂之今王蓋魏國之史記也其書
皆編年相次文意大似春秋經諸所記事多與春秋左氏扶同學者因之以爲春秋則古史記之正法有
所著述多依春秋之體今依其世代編而敘之以見作者之別謂之古史按竹書紀年魏惠王三十六年
改元稱一年是年王與諸侯會
徐州後十五年乃卒史記魏世家魏襄王元年與諸侯會徐州蓋誤以惠王後元一年爲襄王之元年
也因誤以後十五年所卒爲襄王而以紀年所稱今王爲哀王隋志云哀王謂之今王又因史記而誤

魏酈道元注水經河水注引紀年十汾水注引紀年三汲郡古文一滄水注引紀年三古文瑣語一濟水

注引紀年十二漑水注引紀年四洞渦水注引紀年一清水注引紀年一沁水注引紀年四淇水注引紀

年四濁漳水注引紀年七澠水注引紀年二巨馬河水注引紀年一洛水注引紀年三伊水注引紀年二

丹水注引紀年二汝水注引汲冢古文一紀年一潁水注引紀年一渠水注引紀年七汲郡古文一瓠子
河注引紀年一泗水注引紀年三巨洋水注引汲郡古文一汶水注引紀年二粉水注引紀年一淮水注
引紀年二青衣水注引紀年一合計所引竹書紀年者七十有六

晉書儒林傳續咸字孝宗上黨人也傳春秋鄭氏易爲東安太守著遠游志異物志汲冢古文釋皆十卷
行于世

戰國策田華之爲陳軫說秦惠王曰夫晉獻公欲伐郭而憚舟之備存荀息曰周書有言美女破舌乃遭
之女樂以亂其政又欲伐虜而憚宮之奇存荀息曰周書有言美女破老乃遭之美女教之惡宮之奇與
師道注曰汲冢周書美女破老美女破舌武之毀也注云所以毀敵也按美男破老美女破舌見汲冢書
武稱篇郭古號字見國策高誘注

廣川書跋曰祕閣至味舊鼎其銘曰宋公繇餗鼎少監羅崎摹其款識以問廣川董某曰宋世家無公諱
繇者豈宋自爲謚或以茶地舉耶某曰周初惟二王後稱公而微子啟實封于宋非畿內地且不爲謚其

曰宋公果商詞也竹書有宋景公繇而史爲頭曼孫炎以繇爲頭曼合聲以辨周秦之語今考班固漢書

猶有兜繇蓋亦著其聲如此按此言竹書有宋公繇見汲冢師春書漢書作兜繇
見古今人表又彝器有繇女鼎微繇鼎字皆作繇

史記晉世家注引紀年四宋微子世家注引紀年二衛康叔世家注引紀年一燕世家注引紀年五魯周

公世家注引紀年一魏世家注引紀年十五趙世家注引紀年一越世家注引紀年七田完世家注引紀年大韓世家注引紀年五孟嘗君列傳注引紀年四唐開元占經引紀年曰帝辛受時周大睦惠成王元年畫晦十六年邯鄲四睦室多壞晉定公二十五年西山女子化爲丈夫與之妻能生子今王四年碧陽君之諸御產二龍

今本無按呂氏春秋慎勢篇齊簡公有臣曰諸御缺史記越世家諸御千人伐吳索隱曰諸御謂理事之官在軍有職掌者

水經注引竹書紀年曰晉出公六年晉荀瑤城宅陽又梁惠成王元年鄭師邯鄲師于平陽

今本無

黃伯思東觀餘論云案晉太康二年汲郡民不準盜發魏襄王家得古竹書凡七十五篇晉征南將軍杜

預云別有一卷純集左氏傳卜筮事上下次第及其文義皆與左傳同名曰師春師春似是鈔集人名也

今觀中祕所藏師春乃與預說全異預云全集卜筮事而此乃記諸國世次及十二公歲星所在并律呂

謚法等末乃書易象變卦又非專載左氏傳卜筮事繇是知此非預所見師春之全也然預記汲冢他書

中有易陰陽說而無象繫又有紀年三代并晉魏事疑今師春蓋後人雜鈔紀年篇耳然預云紀年起自

夏商周而此自唐虞以降皆錄之預云紀年皆三代王事無諸國別而此皆有諸國預云紀年特記晉國

起殤叔次文侯昭侯而此記晉國世次自唐叔始是三書又與紀年異矣及觀其紀歲星事有杜征南洞

曉陰陽之語繇是知此書亦西晉人集錄而未必盡出汲冢也

今據梁沈約附注定本紀年起黃帝終魏襄王二十年又晉荀勗曰和嶠云紀年起

自黃帝終于魏之今王今王者魏惠成王子是又不
起于唐虞也伯思雖見宋祕書所藏紀年猶未審也

漢書地理志注扶風栒邑瓊引汲郡古文晉武公滅荀文公城荀河南開封瓊引汲郡古文梁惠王發逢
忌之藪以賜民潁川父城應鄉古國周武王弟所封瓊引汲郡古文殷時已自有應國河東北屈瓊引汲

郡古文翟章救鄆至于南屈北海平壽瓊引汲郡古文太康居垆肆羿亦居之築亦居之

按所引汲郡古
文晉紀年文也

臣瓊薛姓資治通鑑晉穆帝永和八年稱太原薛
瓊卽是人也時竹書已出故瓊引紀年以釋史也

方氏通雅曰汲冢楚冢今不能分故有瓊語亂竹書之疑也書史云太康二年汲郡人不準盜魏襄王墓
或言安釐王竹書數十車漆書科斗武帝以付東晉隨疑分釋皆有義證又廣川書跋太公廟碑今在衛
州共縣晉太康十年立碑曰太公望者此縣人太康二年縣之西偏有盜發冢而得竹策之書書藏之年
當秦坑儒之前八十六歲其周志曰文王夢天帝服玄纁以立於令狐之津許氏說文無此字惟曰漢令
解衣耕謂之襄而衛宏字說與郭昭卿字指則有之知許慎所遺古文衆矣昭卿因宏以有記非得是碑
豈知宏之爲有據哉晉紀言咸甯五年盜發汲郡冢與此碑太康二年異知史誤也胡元瑞據武帝咸甯
五年譏升菴太康安釐之誤直未見廣川書跋與書史耶若淮海題跋言太康元年盜發魏襄冢則少游
誤記也不準姓音彪陳鉅昌原治篤引作卞準非少游又言齊文惠太子爲雍州時盜發楚王家得竹簡

書青絲綸簡廣數分長二尺皮節如新王僧虔謂是科斗書記周官所闕文則皆倉頡遺法也法書苑則

言楚昭王墓在習池北南齊建元中盜發冢得古竹簡沈約得數篇示劉繪曰周禮逸文也智按南齊之

雍州卽襄陽此二條正是一事按南史王僧虔傳齊文惠太子鎮雍州有盜發古冢者相傳云是楚王家大獲寶物玉履玉屏風竹簡書青絲綸簡廣數分長二尺皮節如新有十

餘簡以示僧虔云是科斗書考工記周禮所闕文也

廣川書跋曰亞駝王存父以亞爲鳥古文駝作馳周禮其川滹池池故沱也鳥池在周爲滹夷水起北地

東入河顧野王考其地在靈正竹書紀年穆公十一年取靈正今本無

陳明卿四書考曰竹書紀年外丙名勝不書陟年仲壬名庸四年陟而外丙遞至仲壬其間又有小庚小

甲雍己太戊四君絕與孟子不合今按坊刻沈休文附注舊本誤于外丙元年後係以小庚五年小甲十七年雍己十二年太戊三十五年作實車之後卽繼之曰二年陟其爲

外丙之陟年何疑陳氏謂其與孟子絕不相合是亦考之不詳耳余依史遷殷本紀序次甲子元歷校訂之其實絲毫不爽後又見漢魏叢書所刻有汲冢周書紀年一一校訂無訛近刻叢書二十一種者尙仍舊本之誤則亦未較正漢魏叢書故也

尙仍舊本之誤則亦未較正漢魏叢書故也

秦本紀孝公二十四年與晉戰鴈門索隱按紀年云與魏戰岸門今本無

穆傳天子北征于犬戎引注紀年曰取其五王以東天子賓于西王母注引紀年曰穆王十七年西征昆

侖王爰有碩鳥物羽注引紀年曰行積羽千里乃里西土之數注引紀年曰穆王西征還里天下億有九

萬里丁酉天子入于南鄭注引紀年曰穆王元年築祗宮于南鄭留昆歸玉百枚注留昆國見紀年

按在穆王

十五年

天子飲于温山口考鳥注引紀年曰穆王見西王母西王母止之曰有鳥鵠人

今本無

史記孟嘗君列傳魏惠王會宣王東阿南索隱按紀年云惠王後元十一年會平阿十三年會齊威王于

甄今本無

田完世家齊威王三十三年殺其大夫辛索隱曰徐廣及年表並作夫人王邵按紀年云齊桓公十年

弑其君母宣王八年殺其王后

今本無

文選吳都賦注引汲郡地中古文册書曰桀築傾宮飾瑤臺紂作瓊室立玉門班叔皮北征賦注引汲郡古文曰晉武公滅荀以賜大夫原氏黯木華海賦注引紀年曰周穆三十七年征伐大起九師東至于九江叱鼃鼃以爲梁賢良詔注引紀年曰成康之際天下安甯刑措四十年不用陸士衡豪士賦注引紀年曰太甲潛出自桐殺伊尹

唐藝文志紀年十四卷汲冢書又古文瑣語四卷汲冢周書十卷孔晁注周書八卷

張南軒著經世紀年二卷自敘曰太史遷作十二國世表始紀甲子起於成周共和庚申之歲庚申而上

則莫紀焉歷世浸遠其事雜見於諸書靡適折衷則亦傳疑而已本朝嘉祐中康節邵先生雍出於河南窮往知來精極於數作皇極經世書上稽唐堯受命甲辰之元爲編年譜如云外丙仲壬之紀康節以數知之乃合於尙書成湯既沒太甲元年之說成湯之後蓋實傳孫孟子所說特以太丁未立而卒方是時外丙生二年仲壬生四年耳又正武王伐商之年蓋武王嗣位十一年矣故書序稱十有一年而復稱十有三年者字之誤也是類皆自史遷以來傳習之謬一旦使學者曉然其真萬世不可改者也某不自揆輒因先生之歷考自堯甲辰至皇上乾道改元之歲凡三千五百二十有二年列爲六圖命之曰經世紀年以便觀覽間有鄙見則因而明之其大節目有六如孟子謂堯舜三年之喪畢舜禹避堯舜之子而天下歸之然後踐天子位此乃見帝王奉天命之大旨其可闕而弗彰故於甲申書服堯之喪乙酉書踐位之實丙戌書元載格于文祖自乙酉至丁巳是踐位三十有三載也則書薦禹於天與尙書命禹之辭合至癸酉是薦禹十有七年也與孟子之說合於禹受命之際書法亦然然而書稱舜在位五十載陟方乃死則是史官自堯崩之明年通數之耳夏后相二十有八載寒泥弑相明年少康始生於有仍氏凡四十年而後祀夏配天不失舊物寒泥豈可使間有夏之統故缺此四十載不書獨書少康出處而紀元載於復國之歲以見少康四十年經營宗祀絕而復續足以爲萬代中興之冠冕此皆節目之大者其他如夏

以上稱歲商稱祀周始稱年皆考之書可見而周書洪範獨稱祀者是武王不欲臣箕子尚存商歷箕子

之志也

按竹書堯元年實丙子非甲辰堯在位百年以乙卯陟非甲申舜避堯之子三年喪畢乃踐位舜元年己未非丙戌五十年陟方乃死則庚午也禹避舜之子三年喪畢乃踐位禹元年壬子是也

舜薦禹十有七年据竹書則舜卽位三十三年春正月夏后受命於神宗是至五十年帝陟少七年也歲在戊辰非癸酉邵氏測之以數而無所考据宋儒皆依之而不敢改遂肇致斯謬也

陳氏讀書考曰經世紀年廣漢張欽夫用皇極經世譜編其言邵氏以數推知去外丙仲壬之年乃合於

尙書成湯既沒太甲元年之說今按孔氏正義謂劉向班固不見古文謬從史記而張衡通載乃云以紀

年推之外丙仲壬合於歲次尙書殘缺而正義之說誤蓋三代而上帝王曆年遠而難考類如此

朱子文集曰聞此間有竹書紀年須借讀半年方得爾雅注引竹書紀年曰北唐之君來見驪馬是生纒

耳又引逸周書曰文翰若彩鷄成王時蜀人獻之邢昺曰云逸周書曰者今所謂汲冢周書也

巽岩李氏曰汲冢周書隋唐經籍藝文志皆稱此書得之晉太康中汲郡魏安釐王冢孔晁注解或稱十

卷或八卷大抵不殊按此則晉以前初未有此也然劉向班固所錄並著周書七十一篇且謂孔子刪削

之餘而司馬遷記武王克殷事蓋與此合豈西漢世已得入中祕其後稍隱學者不道及盜發冢乃幸復

出耶篇目比漢但闕一耳必班劉司馬所見者也繫之汲冢失其本矣書多駁辭宜孔子所不取抑戰國

處士私相綴續託周爲名孔子亦未必見章句或脫爛難讀更須考求別加是正云

按晉荀勗校定穆天子傳云案所得紀年

蓋魏惠成王子今王之冢也於世本蓋厲王也而坊本竹書誤以今王爲令王矣又按和嶠曰竹書記年起自黃帝終於魏之今王今王者魏惠成王之子時襄王未絕故稱今王明年王卒而此書及紀年並殉葬冢中故襄王不得稱諡若安釐王冢去襄王五十三年而卒是蓋爲襄王之孫安得無襄王二十一年事乎隋唐諸志皆誤

王身州四部稿曰竹書紀年云后桀命扁伐岷山氏岷山氏女於桀二人曰琬曰瑗桀愛之勸其名於君

華之玉又云棄其元妃於洛曰妹喜氏以與伊尹交遂以夏亡則妹喜以棄而亡國非以嬖而亡國也按竹

書原本無以與伊尹交遂以夏亡二句元美乃率意增之以國語有妹喜與伊尹比而亡夏句也讀者不可不知

傅暢晉諸公讚曰荀勗領祕書監太康二年汲冢中得竹書勗躬自撰次注寫以爲中經列於祕書經傳闕文多於證明

孫爽孟子疏曰汲冢紀年梁惠成王九年四月甲寅徙都大梁今據竹書是六年漢書高祖紀臣瓚引汲

合今本

焦氏筆乘曰和嶠竹書紀年沈約注稱舜父母憎舜使其塗廩自下焚之舜服鳥工衣服飛去又使澆井自上填之以石舜服龍工衣自旁而出不知何據以此見紀年低一字者皆沈約注也世以爲竹書本文

大謬

顧甯人日知錄曰據紀年周慎靚王之二年而魏惠卒其明年爲魏襄王之元年又二年燕王噲讓國於

其相子之又二年齊人伐燕取之又二年燕人畔而孟子之書先梁後齊其事皆合然孟子在二國皆不久書中齊事特多又嘗爲卿於齊當有四五年若適梁在惠王之末而襄王立即行故梁事不多謂孟子以惠王三十五年至梁者誤以惠王後元年爲襄王之元年也按紀年顯王三十四年爲魏惠之三十六年改元稱一年顯王在位四十八年陟又

慎釁王嗣立二年魏惠王薨明年襄王立若孟子以魏惠王三十六年至梁則見梁襄王之時當在梁十五年何絕無他事可見史記誤以惠王後元年爲梁襄王元年也而朱子集傳因之

胡應麟彙叢曰汲冢四書皆史也紀年春秋也周書尙書也穆天子傳起居注也盛姬錄逸事家也

廣川書跋太公碑引紀年曰康王六年齊太公卒蓋壽一百一十餘歲按紀年西伯得呂尙在商紂三十二年而紂亡又六年而武王陟又三十七年而成王陟又康王六年而齊太公卒壽百五十有一

春秋後傳曰淮王者改元諸侯改元自汾王以前未有也竹書紀晉國起自殤叔次文侯昭侯以至曲沃

莊伯皆用夏正建寅之月按竹書帝顓頊十三年初作歷象唐大衍日度議曰顓頊歷上元甲寅辰初合朔立春七曜皆值良維之首是紀年起黃帝至戰國皆用建寅之月爲歲首非

謂晉始改用寅月也

王山史撰山志引閻百詩曰史記六國表魏世家皆云惠王在位三十六年始辛亥終丙戌襄王十六年始丁亥終壬寅哀王二十三年始癸卯終乙丑竹書紀年則以襄王十六年上繫於惠成王以爲其改元後之年而自癸卯以後紀二十年事謂之今王今王者杜預以爲哀王是也是竹書紀年有哀王而無襄

王史記有襄王又有哀王世本則又有襄王而無哀王通鑑從竹書紀年而不從史記故以惠王在位凡五十二年始辛亥終壬寅又不從杜預所云之哀王而從世本所有之襄王故以襄王在位為二十二年始癸卯終乙丑今愚以孟子證之史記為近是何也魏世家云惠王三十一年辛巳徙都大梁三十五年乙酉卑禮厚幣以招賢者孟軻等至梁故六國表於三十五年特書曰孟子來三十六年丙戌惠王卒子嗣立是為襄王孟子入而見王出而不似人君之語必如通鑑五十二年始惠卒而襄立孟子入見豈孟子竟久淹於梁如是耶不然以襄王之庸豈能以禮聘孟子而復至梁耶朱子曰七篇之中無更與襄王言者蓋孟子不特不久於梁亦生平未嘗復至梁也史記所以可信也或曰竹書紀年彼既魏史所書魏事必得其真故司馬公從之曰不然惠成王九年四月甲寅徙都大梁不知是年秦孝公始立衛公孫鞅未相魏公子卬未虜地不割秦不偪魏何遽徙都以避之耶卽一徙都事如此尚謂其生卒年月盡可信耶又按六國表魏世家皆云子轝生於魏文侯二十五年辛巳三十八年文侯卒武侯立凡十六年而後惠王立是年已三十矣如紀年文侯五十年卒武侯二十六年卒以生辛巳計之惠王元年已五十三立三十六年卒已八十八更以襄王十六年為改元後之年不一百有四歲乎紀年之不可信如此按竹

王元年辛丑魏文侯立考王十五年陟子威烈王嗣二十四年陟子安王嗣安王十五年甲午魏文侯卒是文侯在位五十四年史記六國表及魏世家皆云子轝生於魏文侯二十五年辛巳三十八年文

侯卒較竹書則文侯在位少十六年也且文侯元年辛丑則二十五年乙丑不得爲辛巳也安王十六年乙未魏武侯元年烈王五年庚戌武侯卒在位十四年無二十六年明年辛亥梁惠王立至周顯王三十四年爲梁惠王三十六年梁復改元稱一年又十六年爲懷觀王之二年梁惠王薨其在位五十二年計生時值祖文侯二十五年則在位時四十三歲矣又加五十一年共九十四歲安得一百有四歲乎若依史記魏世家惠王之後有哀王竹書今王卽哀王何孟子見梁惠王之後卽云見梁襄王無所謂哀王乎晉和嶠謂竹書今王者梁惠王子是也時紀年終襄王二十年襄王猶未薨無諡可紀故曰今王後世臣下稱上曰今上亦猶是也此竹書所可信者與孟子合與世本亦合亦可見孟子至梁當在惠王改元之十四五年其在梁無幾見襄王之後卽去之齊司馬溫公作通鑑乃宗是說有以也山志引杜預說哀王爲今王是亦仍史記年表之誤而轉以宜信者爲不可信也至以梁惠王九年徙都大梁爲不可信謂是時地不割秦不偏何連徙都以避之今據竹書周顯王四年爲梁惠王之六年夏四月甲寅徙都於大梁王發逢忌之藪以賜民漢志陳留浚儀故大梁魏絳自魏徙安邑至惠王自安邑徙大梁臣瓚漢書注曰浚儀有逢陂忌澤此豈盡不可信者耶至誤六年爲九年則但依孫爽孟子陳語而未見竹書故也

竹書紀年統箋卷之一

梁武康沈約休文附注

清宮塗徐文靖位山統箋

黃帝軒轅氏

箋按晉語曰少典娶于有蟠氏生黃帝黃帝以姬水成章昭曰姬水名也鄧康成曰黃帝姓姬炎帝所賜漢律歷志曰黃帝始垂衣裳有軒冕之服故天下號曰軒轅氏

母曰附寶見大電繞北斗樞星光照郊野

星傳曰北斗七星在紫微西垣外第一曰天樞去極二十三度半入張宿九度感而孕二十五月而

生帝于壽丘

箋按水經注渭水又東合涇谷水又西北軒轅谷水注之姚瞻以為黃帝生于天水在上邦縣東七十里軒轅谷皇甫謐以黃帝生壽丘在魯東門北今在兗州曲阜縣東北六里

生而能言龍顏有聖德効百神朝而使之

箋按生一作弱抱樓子黃帝生而能言役使百靈應龍攻蚩尤戰虎豹熊羆四獸之

力

箋按汲冢周書黃帝執蚩尤殺之于中冀通鑑注曰蚩尤姜姓炎帝之裔也好兵喜亂作刀機大將以暴虐天下并諸侯無度炎帝榆罔不能制之令居少皞以臨四方蚩尤益肆其惡出泮水登九渚

以伐炎帝榆罔于空桑炎帝避居涿鹿軒轅乃徵師諸侯與蚩尤戰于涿鹿之野蚩尤作大霧軍士昏迷軒轅為指南車以示四方遂擒蚩尤戮之中冀因名其地曰絕轡之野黃帝本紀曰軒轅教熊羆龍

貅羆虎以與炎帝戰于阪泉之野三戰然後得其志以女媧止淫雨
山海經蚩尤作兵伐黃帝黃帝乃令應龍攻之冀州之野應龍畜水蚩尤請風伯縱大風雨黃帝乃下天女曰魃雨止遂

尤 天下既定聖德光被羣瑞畢臻有屈軼之草生于庭佞人入朝則草指之

箋按田儉子曰黃帝時有草生于庭階若佞臣

入朝則草指之名曰屈軼是以佞人不敢進

箋按已上皆休文附注並見宋志或以為紀年本文大謬

元年帝即位

箋按春秋元命包曰元年者何元宜為一謂之元何曰君之始年也後漢書律歷志曰黃帝造歷元起辛卯宋書禮志曰軒轅高辛夏后氏皆以十三月為正前史疑問曰史稱黃帝始

造甲子則今之甲子是也世史以癸亥紀元則甲子者黃帝之二年也而甲子會紀一書又從黃帝八年始何也今按竹書紀元年不言歲星所在者所以闕疑而示信也三墳書以黃帝為地皇墳為形墳

居有熊

按漢周曰黃帝有熊國君少典之子也皇甫謐曰有熊今河南新鄭是也古有鄗國黃帝之所都水經注曰姚瞻以爲黃帝陳在陳倉輿地志云涿鹿本名彭城黃帝初都遷有熊也括地志

曰涿鹿城在媯州東南五十里本黃帝所都也大抵征戰所至都涿鹿卽位乃都有熊

初制冕服

按易繫曰黃帝堯舜垂衣裳而天下治蓋取諸乾坤禮記冠義孔疏曰鄭目錄云冠義者以其記冠禮成人之義但冠禮起早晚書傳既無正文按略說稱周公對成王云古人冑而句頤

至黃帝時則有冕也黃帝內傳曰帝伐蚩尤乃服袞冕世本黃帝作旃冕命臣胡曹作衣宋衷曰冕冠之垂旒者通典曰黃帝作冕垂旒目不邪視也淮南子汜論訓曰伯余之初作衣也綌麻索縷手經指挂其成猶網羅後世爲之勝覆以便其用高誘注曰伯余黃帝臣一曰伯余黃帝買公彥周禮疏曰凡冕上元下纒前後有旒低前一寸二分故取其俛而謂之冕據周禮司服掌王之五冕祀昊天上帝則服大裘而冕享先王袞冕享先公毳冕射鷩冕祀四望山川毳冕祭社稷五祀緇冕祭羣小祀玄冕大行人以九儀辨諸侯之命上公之禮冕服九章諸侯之禮冕服七章諸伯如之諸子冕服五章諸男如之鄭氏曰冕服者冕所服之衣也今紀年黃帝初制冕服只是始作冕旒及衣服未必別爲等殺如周禮所云

二十年景雲見

按春秋演孔圖曰黃帝之將興黃雲升於堂孝經授神契曰王者德至山陵則景雲出春秋運斗樞曰天子孝則景雲出遊淮南子天文訓曰龍舉而景雲屬後漢鄭顯傳景雲

降集注曰景雲五色雲也晉天文志曰慶雲亦曰景雲此喜氣也太平之應

以雲紀官

按昭公十七年左傳鄭子曰昔黃帝氏以雲紀故爲雲師而雲名杜氏曰黃帝受命有雲瑞故以雲紀事百官師長皆以雲爲名號縉雲氏蓋其一官也應劭曰春官爲青雲夏官爲縉雲

秋官爲白雲冬官爲黑雲中官爲黃雲

有景雲之瑞赤方氣與青方氣相連赤方中有一星凡三星皆黃色以天清明見于攝

提名曰景星

按石氏星經曰攝提六星夾大角星東向三三而居形似鼎足附注有景雲之瑞下乃以景星釋之當由讀史記天官書曰天精而景星見景星者德星也其狀無常

出于有道之國若煙非煙若雲非雲郁郁紛紛蕭索輪囷是謂聊雲蓋出于有道之國殊不審若煙以上謂景星也若煙以下謂景雲也史公述書之休文誤以爲一而讀之殊鹵莽矣拾遺記曰軒轅有黃星之瑞考定歷紀

帝黃服齋于中宮坐于玄扈洛水之上箋按韓詩外傳曰黃帝服黃衣帝黃紳戴黃景星蓋黃星也冠齋于中宮黃繡曰帝坐玄扈洛上與大司馬容光右輔周昌等百二十人臨觀鳳凰嘒圖置帝前一統有鳳凰集不食生蟲不履生草或止帝之志玄扈水王河南府永甯縣西五十里源出陽虛山流入洛

東園或巢于阿閣或鳴于庭其雄自歌其雌自舞箋按韓詩外傳曰鳳凰上帝東園集帝梧桐尚書中阿是則閣有四阿謂之阿閣爾雅鸞鳳其雌麒麟在囿神鳥來儀箋按尚書中候曰黃帝時麒麟在囿

鳳凰海經丹穴之山有鳥曰鳳凰自歌自舞生和平合萬民說文五方神鳥中央曰鳳有大螻如羊大螻如虹帝以土氣勝遂以土德王箋按呂氏春秋

曰昔黃帝祭天先見大螻螻黃帝曰土氣勝劉向別錄曰鄒衍言黃帝土德有螻蛄如牛大螻如虹拾遺記曰軒轅出自有熊之國母曰吳樞以戊己之日生故以土德稱王也

五十七年秋七月庚申鳳凰至箋按一本作五十年京房易傳曰鳳凰高丈二中華古今注曰鳳瑞應之鳥也五色具采其高六尺與鳥之異也

帝祭于洛水箋按帝王世紀曰黃帝時天大霧三日帝遊洛水之上見大魚登舟姓以應之天乃甚雨七日七夜魚流始得圖書今河圖視萌篇是也

庚申天霧三日三夜晝昏帝問天老力牧容成曰於公何如箋按宋志作於分何如軒轅本紀曰帝舉

十五篇陶淵明羣輔錄黃帝七輔天老受天籙博物記容成氏遷歷黃帝臣也天老曰臣聞之國安其主好文則鳳凰居箋按天老曰惟鳳

靈律五音覽九德天下有道得鳳象之一則鳳過之得鳳象之二則鳳翔之得鳳象之三則鳳集之得鳳象之四則春秋下之得鳳象之五則鳳終身居之國亂其主好武則鳳凰

去之今鳳凰翔于東郊而樂之其鳴音中夷則與天相副箋按月令孟秋之月律中夷則國語周景王問律于伶州鳩對曰夷則所以歌詠九則平

問律于伶州鳩對曰夷則所以歌詠九則平

去之今鳳凰翔于東郊而樂之其鳴音中夷則與天相副

明無貳也章昭注七月曰夷則乾九五也管長五寸六分律長五寸七二分二十九分寸以是觀之天有四百五十一夷平也則法也言萬物既成可法則也庚信宮調曲鳳鸞中夷則本此

嚴教以賜帝帝勿犯也乃召史卜之龜焦箋按定九年左傳注曰龜焦兆不成史曰臣不能占也其問之聖人帝曰已問

天老力牧容成矣史北面再拜曰龜不違聖智故燠霧既降箋按宋志作霧既除游于洛水之上見大魚殺五牲

以醯之天乃甚雨七日七夜魚流于海得圖書焉箋按河圖曰黃帝乃齋河洛之間至于鵝泉大盧龍魚折溜而至吳淑事類賦計轅之得大魚謂此也

圖出河龜書作洛赤文篆字以授軒轅箋按篆字當作線廣信樂府龍圖基代德倪魯玉注竹書紀年曰黃帝五十年龍圖出河龜書出洛蓋誤以沈約附注爲紀年

之本也接萬靈于明庭今寒門谷口是也箋按封禪書黃帝接萬靈明庭者甘泉也史記正義曰九壘山中西謂之谷口卽古寒門也在雍州醜泉縣東北四十里

孝經疏曰明庭明堂也

五十九年貫胸氏來賓箋按山海經曰貫胸國人胸有竅博物志曰交趾民在貫胸東宋陸期泛海詩嘗聞交趾郡南與貫胸連是也括地圖曰禹平天下會于會稽之野又南經防風二

神弩射之有迅雷二神恐以刃自貫其心禹哀之乃拔刀療以不死之草皆生是爲貫胸之民今據竹書黃帝時有貫胸氏來賓則圖說妄也

長股氏來賓箋按海外西經曰長股之國在雜常北一曰長脚郭氏曰在赤水東也黃帝時至尸子曰四夷之民有貫胸者有深目者有長股者黃帝之德營致之又淮南墜形訓曰海外三十六國

自西北至西南方有修股民高誘曰修長也股脚以父諱長故其所著諸長字皆曰修

七十七年昌意降居若水箋按水經曰若水出蜀郡旄牛嶺外東南至故關爲若水也又東北至犍道縣入于江史記索隱曰降下也言帝子爲諸侯下居若水也

產帝乾荒箋按山海經曰黃帝妻嫫祖生昌意昌意降居若水生韓流郭氏曰竹書昌意降居若水產帝乾荒乾荒卽韓流也

一百年地裂 箋按開元古經曰尙書說曰黃帝將亡則土裂張衡上書曰土裂者感分

帝陟

箋按張華雜說曰黃帝治天下百年而死大戴禮宰我問孔子曰榮伊言黃帝三百年請問黃帝何人也何以至三百年曰生而人得其利百年死而人畏其神百年亡而人用其教百年漢地理志上

郡陽周橋山在南有黃帝冢武帝紀北巡朔方還祭黃帝冢橋山上曰吾聞黃帝不死今有冢何也或對曰黃帝已僊上天羣臣葬其衣冠郊祀志黃帝得寶鼎堯侯問於鬼與區對曰黃帝得寶鼎神策是

歲己酉朔旦冬至得天之紀終而復始於是黃帝迎日推策後率二十歲得朔旦冬至凡二十推三百八十年黃帝僊登于天史記封禪書公玉帶曰黃帝時雖封泰山然風后封臣岐伯令黃帝東封泰山

禪凡山合符然後不死焉今竹書紀年仍書帝陟則黃帝亦何嘗不死也

帝王之崩皆曰陟書稱新陟王謂新崩也

箋按韓子曰竹書紀年帝王之沒皆曰陟陟昇也謂昇天也尙書康王之誥惟新陟王蔡傳曰陟升遐也成王初崩未葬

未禮故曰新陟王

帝以土德王應地裂而陟葬羣臣有左徹者感思帝德取衣冠几杖而廟饗之

箋按張華史補曰黃帝登

僊其臣左徹者削木象黃帝帥諸侯以朝之七年不還左徹乃立顓頊左徹亦僊去也據此則顓頊前黃帝後中間不得有少昊或謂少昊居西方不在帝位故紀年不載也

諸侯大夫歲時朝焉

箋按史記曰黃帝置左右大監以監萬國漢郊祀志黃帝萬諸侯神靈之封七千世紀曰黃帝時徵諸侯使力牧神黃直討蚩尤氏擒之于涿鹿之野周書黃帝時

有諸侯夙沙氏管子黃帝得六相而天地治神明至蚩尤明乎天道故使爲當時太常察手地利故使爲虞者蒼龍辯乎東方故使爲工師祝融辯乎南方故使爲司徒大封辯乎西方故使爲司馬后土辨

乎北方故使爲李陶潛羣輔錄黃帝七輔夙后受金法天老受天籙五聖受道級知命受絳俗覲紀受變復地典受州絡力牧受淮斥莊子曰黃帝將見大隗于具茨之山方明爲御昌寓參乘於虞咸之野

七聖皆述備子曰黃帝以風后配上台后土配中台五聖配下台故後世以三公爲三台世本黃帝之臣臣胙作服牛相土作駕馬雍父作柝白子則作屏履世本注黃帝始立史官蒼頡沮誦居其職七略

孔甲黃帝之史也呂氏春秋大撓作甲子咸如作虜首羲和作占日常儀作占月后益作占歲高元作室虞姁作舟赤冀作曰乘雅作駕史皇作圖巫彭作醫巫咸作筮伶倫遺律呂榮稷鑄十二鍾淮南子

曰黃帝治天下而力牧泰山稽輔之劉氏歷正問曰黃帝爲蓋天或曰命容成爲之史記黃帝命風后力牧常先大禹以治民天文志黃帝始受河圖關范授規日月星辰之象蔡邕禮志黃帝使岐伯作軍樂凱歌虞喜志林黃帝命風后作指南車五帝外紀黃帝命大容作咸池之樂命共鼓化狐翳木爲舟命邑夷法斗周旋作大輅命俞附岐伯雷公察明堂究息脈巫彭桐君處方餌命隸首作算數命伶倫造律呂命甯封爲陶正赤將爲木正此皆黃帝時諸侯大夫所可考見者

約按帝擊少昊氏

按帝王世紀曰少昊名皞字青陽姬姓也宗師大昊之道故曰少昊

母曰女節見星如虹下流華渚

按卽華胥之渚在豐田縣

既而夢接意感生少昊

按易緯河圖曰女節生白帝朱宣宋均曰朱宣少昊字也是女節乃少昊母而五帝外紀曰少昊金天氏名皞己姓黃帝之子元鷩也母曰嫫祖感大星如

虹下流華渚之祥而生帝以姬姓爲己姓以女節爲嫫祖是皆外紀之誤也

登帝位

按昭十七年傳鄭子曰我高祖少皞皞之立也二十九年傳蔡墨曰少昊有四叔曰重曰修曰該曰熙實能金木及水世不失職遂濟窮桑杜注窮桑少皞之號也賈逵曰處窮桑以登爲

帝蓋未爲帝居魯北既爲帝居魯劉公幹魯都賦曰昔大庭氏肇建厥居少昊受命亦都茲焉前或曰史疑問曰同一少昊元年也而世史以爲癸卯薛史以爲丁未何也是皆爲少昊登帝位之證也

名清不居帝位

按國語晉司空季子曰凡黃帝之子二十五宗其得姓者十四人爲十二姓姬酉祁己滕葢任荀偕結俱依是也惟青陽與蒼林同於黃帝故音爲姬姓韋昭曰青陽金天

帝少昊也皇甫謐曰少昊字青陽據漢律歷志引考德曰少昊曰清清者黃帝之子清湯也是其子孫名皞立魏曹補少昊贊曰祖自軒轅青陽之裔則少昊乃清陽之子非青陽卽少昊也五帝本紀曰清

降居江水地理志曰安陽古江國括地志安陽故城在豫州新蔡縣西南八十里則清陽非少昊而亦不居帝位矣

師又按遠遊章句曰西皇者少昊所居西海之濱山海經東海之外大壑少昊之國然則少昊以金德王故曰金天氏亦曰西皇非必定居西方之謂也

以鳥紀官
按左傳少昊故紀於鳥鳳鳥氏歷正也元鳥氏司分考也伯趙氏司至者也青鳥氏司啓者也丹鳥氏司閉者也祝鳩氏司徒也鵲鳩氏司馬也鴈鳩氏司空也鷓鳩氏司寇也鵲鳩氏司事也五鳩鳩民者也五雉爲五

工正刑器用正度量與民者也九思爲九農正思民無器者也又按皇前書曰少昊之樂曰九淵一作
大淵漢志曰少昊金天氏周禮其樂故易不載序於行序於行者以伏羲木神農火黃帝土少昊金
璣水易雖不載猶得序於五行之次者此也故紀年不紀少昊而沈約補之要以少昊衰而九黎亂德
民神離彛易及紀年不載有由也已上凡低一字者皆沈約附註乃附注之外而又間有約按者非齊
開而自爲
立說者也

帝顓頊高陽氏

箋按家語孔子曰帝顓頊者黃帝之孫昌意之子也宋衷曰顓頊名高陽有天下之號也
郡縣志曰高陽故城在汴州雍丘縣西南二十九里高陽佐少昊有功受封此邑一統志

高陽城在開封府杞縣西二十九里是也外紀曰顓頊自窮桑徙帝工於周爲衛春秋傳曰衛顓頊之
虛也謂之帝工今東郡濮陽是也地理通釋曰顓頊都衛爲帝工後徙高陽稱高陽氏一統志高陽城
在保定府城東南七十里城周迴九里相傳顓頊所築又有顓頊城在河間府任丘縣廢鄆州東北
邢子願三郡記云顓頊所造是始封時高陽在杞縣既有天下亦有高陽在保定及任丘凡三也

母曰女樞見瑤光之星貫月如虹感已于幽房之宮生顓頊於若水

箋按星傳曰北斗第七星曰瑤光
詩含神霧曰瑤光如蜺貫月正白

感女樞生顓頊蜀國春秋曰昌意娶蜀山氏女曰景嫫生乾
荒乾荒娶蜀山氏女曰樞是爲阿女所謂渚子也生顓頊

首戴干戈 箋按風俗通曰顓頊戴干是有
謂清明發節移度蓋象招搖有

聖德生十年而佐少昊二十而登帝位

箋按水經注曰顓頊二十登帝位
承少昊金官之政以水德膺歷矣

元年帝卽位居濮

箋按前史疑問曰同一顓頊元年也而世史以爲丁未薛史以爲辛未何也今竹
書不言無從考也漢志東郡濮陽故帝工許敬宗曰以顓頊所居故謂之帝工

十三年初作曆象

箋按晉志董巴議曰伏羲始造八卦作三畫以象二十四氣黃帝因之初作曆歷顓頊
以今之孟春正月朔日立春五星會于天歷營室也冰凍始泮蟄蟲始發鷄始三號天

曰作時地曰作昌人曰作樂鳥獸萬物莫不應和故顓頊爲歷宗也劉氏歷正問曰顓頊造曆天宋書
禮志曰高陽有虞有周皆以十一月爲正唐志曰度議曰顓頊歷上元甲寅辰初合朔立春七曜皆值

艮維之首蓋重黎受職於顓頊九黎亂德二官咸廢帝堯復其子孫命掌天地四時以及虞夏故本其
所由生命曰顓頊其實夏歷也殷歷更以十一月甲子合朔冬至爲上元周人因之距羲和干祀昏明

中星輒差半次夏時值月節皆當十有二中故因循夏令其後呂不韋得之以爲秦法更考中星斷取
近距以乙卯歲正月己巳合朔立春爲上元洪範傳曰歷始於顓頊上元太始闕蒙攝提格之歲畢隊
之月朔日己巳立春日月俱在營室五度是也秦顓頊歷元起乙卯漢太初歷元起丁丑推而
上之皆不值甲寅猶以日月五緯得得上元本星度故命曰闕逢攝提格之歲而實非甲寅

二十一年作承雲之樂按呂氏春秋曰顓頊爲帝惟天之合正風乃行其音若熙熙漑漑鏘鏘帝顓頊
好其音乃令飛龍作以效八風之音命之曰承雲楚辭遠遊曰張咸池奏承雲兮

王逸注曰承雲卽雲門黃帝樂也又張湛注列子承雲黃帝樂淮南
子有虞氏其樂咸池承雲九招時竹書未出皆未知承雲顓頊樂也

三十年帝產伯鯀按世本黃帝生昌意昌意生顓頊顓頊生鯀李石續博物志曰黃帝產昌意歷顓帝
窮蠲敬康勾芒蟠牛替腹而後及舜則顓帝後凡六世其云顓帝產鯀鯀產文命是爲

禹則顓頊只二世恐無是理矣大抵古人本其所自出皆謂之產如高陽氏有才子八人蒼舒隤鼓檮
戴大陸颺降庭堅仲容叔楚皆以爲顓頊產也乃顓頊在位七十八年此八人者已數十歲矣後高辛

在位六十三年鑿在位九年堯在位七十三年舜始受終于文祖舉而用之謂之八凱則以數十歲之
人用之於一百四十五年之後以爲皆顓頊所產之子有是理乎惟漢律歷志引帝繫曰顓頊五代而

生鯀鯀生禹庶幾爲得其實山海經東海之外大壑少昊孺帝顓頊于此乘其琴瑟羅泌路史曰顓頊
娶鄒屠氏生八子一曰蒼舒卽孺帝陳一中冠編曰孺帝高陽氏元子駱明顓頊三十戴帝元子孺帝

產豬明居天穆之陽皆以山海經有黃帝生豬明豬明生白馬白馬是爲鯀以爲孺帝卽豬明又疑爲
蒼舒皆謬說也以愚論之經所謂孺帝卽顓頊也蓋顓頊生有聖德十年而佐少昊故有孺子之稱又

十年而登帝位謂之孺帝猶後世之稱孺子王也經以其嗣少昊登帝位以臣代君故以少昊孺帝顓
頊連言之若以孺帝爲顓頊元子經何以不曰顓頊孺帝乃曰孺帝顓頊乎經稱豬明生白馬白馬之

後爲鯀與帝繫顓頊五代生
鯀之說約略相似爲可據也

居天穆之陽按山海經天穆之野高二千仞郭璞曰竹
書紀年顓頊產伯鯀是維若陽正謂此也

七十八年帝陟按昭八年傳史趙曰陳顓頊之虛也歲在鶉火是以卒滅陳將如之帝王世紀曰顓頊
平九黎之亂以水事紀官南正重司天以屬神北正黎司地以屬民於是民神不雜萬物

有序顯現在位七十八年年九十八歲歲在鵠火而崩皇覽家墓記顯現陵在漢縣頓工門外廣陽里中山海經曰漢水出嶧嶧之山帝顯瑣葬于陽九嶧葬于陰郭璞曰書云嶧家導濶東流爲漢胡顯明禹貢雖指曰按尚書嶧家導濶東流爲漢山海經所謂漢出嶧嶧山也殊不審經云漢出嶧嶧漢乃嶧爲水經注曰秦始皇置東郡治漢漢水逕其南故曰漢陽也斯蓋漢水出嶧嶧之山十道志曰嶧嶧山卽廣陽山之異名也是矣漢漢字近因致斯誤郭璞注山海經爲之說而胡氏據以釋經誤矣山海經又曰嶧家之山漢水出焉而有流注于河注曰嶧家在武都氏道縣南何由在漢陽乎

術器作亂辛侯滅之箋按器亦作寫山海經祝融降處江水生共工蛙盤子曰祝融爲炎帝裔黃帝之滅之以其弟勾龍爲后土汲冢瑣語子產曰昔共工之畔曰浮游既敗于顯瑣自沉淮淵所謂共工卽術器以術器襲共工之號也

帝嚳高辛氏箋按五帝本紀曰顯瑣崩而元嚳之孫高辛立是爲帝嚳帝王世紀曰帝嚳姬姓也其母不覺生而神異自言其名曰爰外紀曰年十五佐顯帝受封于辛年三十以木德代高陽氏爲天子以其肇基於辛故號高辛氏据雅頌諸詩商周之母止及稷契而不及高辛且諸史及世紀皆不載惟荒史曰高辛氏之母陳豐氏名稷

生而駢齒有聖德箋按風俗通曰帝嚳駢齒上初封辛侯在歸德府城東門內代高陽氏王天下使嚳

人拊鞀鼓擊鍾磬鳳凰鼓翼而舞箋按通歷曰帝嚳平共工之亂作執鼓柷楬塤夔呂氏春秋曰帝嚳命咸黑作爲唐歌九招六列六英有倕作爲磬鼓鍾磬吹箛管塤夔

鞀椎鐘磬此則高辛爲辛侯時平共工之亂乃作塤夔世本辛公作塤謂此也俗誤以爲平王時諸侯暴辛公始作塤豈塤寔至東周始有乎樂記曰聖人作爲執鼓柷楬塤夔其非平王時諸侯明矣

元年帝卽位居亳箋按前史疑問曰同一帝嚳元年也而世史以爲己丑何也今竹書不之虛在禹貢豫州河洛之間括地志亳邑故城在洛州西十四里本帝嚳之虛商湯之都也

十六年帝使重帥師滅有邰箋按山海經顯現生老童世本老童娶于根水氏謂之騶福產重及黎昭二十九年左傳蔡墨曰少昊氏使重爲勾芒世不失職楚語觀射父曰顯瑣命

南正重以司天卽是人也周書穆王命左史戎夫作記曰斧小不勝柯者亡昔有鄒之君尚儉誠博損職羣臣卑讓上下不睦後君少弱禁伐不行重氏伐之鄒君以亡是也

四十五年帝錫唐侯命

箋按孔安國傳曰堯年十六以唐侯升爲天子皇甫謐曰堯十五而佐帝受封于唐爲諸侯据竹書堯封唐在高辛之四十五年又十有八年而高辛始崩又擊

立九年而廢堯始以唐侯升爲天子加以受封時約十餘歲堯年近四十矣傳以爲十六升爲天子亦未必然也

六十三年帝陟

箋按帝王世紀曰高辛氏以人事紀官勾芒爲木正祝融爲火正蓐收爲金正元冥爲水正后土爲土正是五行之官分職而治諸侯於是化被天下遂作樂六章以康帝位在位

七十年年百五歲而崩据竹書則在位止六十三年少七年一統志帝譽陵在歸德府城東南四十五里

帝子擊立九年而廢

箋按世本帝譽四妃元妃有郇氏女曰姜嫄生后稷次妃有嬖氏女曰簡狄生契次妃陳鄩氏女曰慶都生帝堯次妃嬖氏女生帝譽衛宏曰擊立九年而唐侯

德盛因禪位焉

竹書紀年統鑑卷之二

帝堯陶唐氏

箋按夏書曰惟彼陶唐有此冀方左傳范宣子曰祖自虞以上爲陶唐氏孔氏書傳曰陶唐帝堯氏都許慎說文解字云陶正再成也在濟陰顏師古曰陶正有堯城堯嘗居之後居于

唐故號陶唐氏据竹書帝堯八十九年作泮宮于陶九十年帝遊居于陶則臣瓚禮先居唐後居陶故號陶唐氏也世紀曰帝堯始封於唐中山唐縣是也唐水在西北入唐河後又徙晉陽詩唐風譜曰唐

帝堯舊都之地今曰太原晉陽堯始居此後遷河東平陽括地志今晉州所治平陽故城是也又按陸氏釋文曰堯唐帝名史記索隱曰堯謚也放勳名姓伊祁氏一統志保定府完縣西三十里有伊祁山

本堯母所居据舜典帝曰格汝舜禹謨帝曰格汝禹堯舜禹宜皆是名雖周書證法有翼善傳聖曰堯仁義盛明曰舜淵源流道曰禹蓋因上世之名號陳之爲謚爲後世所取法耳豈君之命臣不呼其名

而有像呼其謚之理

母曰慶都生于斗維之野常有黃雲覆其上

箋按春秋合誠圖曰堯母慶都生而神異常有黃雲覆上及長觀于三河常有龍隨之

一旦龍負圖而至其文要曰亦受天祐

箋按亦疑作赤許慎說文曰慶都出觀于河有赤龍負圖而至曰赤龍受天之圖

眉八彩鬚髮長七尺

二寸

箋按春秋元命包曰堯眉八彩面銳上豐下足履翼宿

箋按春秋感精符曰堯翼之精星在南方曰既而陰風四合赤龍

感之孕十四月而生堯于丹陵

箋按四書考曰高辛丁亥歲生堯于丹陵異紀曰堯母慶都孕十四月而生堯

其狀如圖及長身長十尺有聖

德封于唐

箋按漢中山國唐縣也

夢攀天而上

箋按後漢書和熹郭后紀后嘗夢捫天占夢者言堯夢扳天而上即此也

元年丙子帝即位

箋按晦庵朱子曰溫公初作綱年起于威烈王後又添至共和後又作稽古繼始自古然共和已上之年已不能推矣獨邵康節卻推至堯元年皇極經世書中可見今考

皇極經世書堯元年甲辰又歷甲辰至乙卯在位七十二年以竹書紀年校之堯元年丙子則九年甲申十九年甲午二十九年甲辰堯元年不得為甲辰也

居冀

箋按夏書曰維彼陶唐有此冀方孔傳曰陶唐帝堯氏都禹貢冀州既冀州地也故竹書曰居冀

命羲和歷象

箋按堯典曰乃命羲和欽若昊天歷象日月星辰敬授人時分命羲仲宅嵎夷曰暘谷實賓出日平秩東作日永星鳥以殷仲春申命羲叔宅南交平秩南訛敬致日中星火以正仲夏

分命和仲宅西曰暘谷實饒納日平秩西成宵中星虛以殷仲秋申命和叔宅朔方曰暘都平在朔易日短星昴以正仲冬孔傳曰星四方中星辰日月所會歷象其分節實公彥周禮疏曰楚語堯復育重

黎之後重黎之後即羲和也春秋文選鉤曰唐堯即位羲和立渾儀唐大衍日度讞曰古歷日有常度天周為歲終故係星度于節氣其說似是而非故久而益差虞喜覺之使天為天歲為歲乃立差法追

其變使五十年退一度何承天以為太過乃倍其年而反不及皇極取二家中教為七十五年蓋近之矣考古史及日官候簿以通法之三十九分太為一歲之差自帝堯演紀之端在虛一度及今開元甲

子却三十六度而乾策復初矣日在虛一則鳥火虛昴皆以仲月昏中合于堯典綱絃依大明歷四十五年差一度則冬至在虛危而夏至火已過中矣梁武帝據虞劇歷百八十六年差一度則唐虞之際

日在斗牛間而冬至昂尚未中以爲皆承開後節前月却使然而此經終始一歲之事不容頗有四閏故追風因爲之說曰若冬至昂中則夏至秋分星火星虛皆在未正之西若以夏至火中秋分虛中則冬至昂在巳正之東互有盈縮不足以爲歲差證是又不然今以四象分天北正元枵中虛九度東正大火中房二度南正鶉火中七星七度西正大梁中昂七度總晝夜刻以約周天命距中星則春分南正中天秋分北正中天冬至之昏西正在午東十八度夏至之昏東正在午西十八度晷潏使然也冬至日在虛一度則春分昏張一度中秋分虛九度中冬至胃二度中昂距星直午正之東十二度夏至星十一度中心後星直午正之西十二度四序進退不踰午正間而追風以爲不叶非也

五年初巡狩四岳

箋按堯典帝曰咨四岳傳曰四岳卽上羲和之四子分掌四岳之諸侯舜典五觀一巡狩羣后四朝傳曰各會朝于方岳之下凡四處故曰四朝堯舜同道舜攝則然堯又可

知王制天子五年一巡狩鄭氏曰五年者虞夏之制也周則十二歲一巡狩白虎通曰巡者循也狩者牧也王者爲天循行以牧人也五年再闢天道大備故五年一巡狩今據竹書五年一巡狩自堯防也王制之始與記曰合滙縣有堯山堯巡狩至于此立行臺也是堯巡狩之事也

七年有麟

箋按春秋運斗樞曰衛星得則麒麟生漢人壽公羊傳曰麟者仁獸也有王者則至何休曰狀如麋一角而戴肉設武備而不爲害所以爲仁也上有聖帝明王天下太平乃至孔叢子曰鉅

商獲麟孔子觀之乃歌曰唐虞之世麟鳳遊今非其時來何求麟兮麟兮使我心憂蓋謂此也

十二年初治兵

箋接爾雅曰出爲治兵尙威武也周禮大司馬職中秋教治兵隱五年傳三年而治兵春秋提要曰治兵習戰也申明軍法以整齊之也莊子曰昔者堯攻叢枝胥敖國爲虛厲身

爲刑戮又曰昔者堯問於舜曰我欲伐宗廟胥敖南面而不釋然其故何也又六韜曰堯與有苗戰于丹水之陽此堯之治兵蓋有以用之也

十六年渠搜氏來賓

箋按禹貢織皮昆侖折支渠搜武帝紀北發渠搜晉灼曰地理志朔方有渠搜縣臣瓚曰禹貢渠搜在雍州西此渠搜在朔方又按揚雄曰大漢左東海右渠搜前番屬

後陶塗東南一尉西北一候注會稽東部都尉燧煌玉門關候則渠搜在西爲右不在北涼土異物志古渠搜國在大宛北界隋書西域傳撒汗國都葱嶺之西五百餘里古渠搜國也東去姑勒千里去瓜

州五千五百里大業中遣使朝貢則禹貢時之渠搜不在朔方陸氏禹貢釋文亦引漢志在朔方非也

十九年命共工治河

箋按堯典帝曰疇咨若予采驩兜曰共工方鳩僝功鄭氏曰共工水官名馬融曰勝具也据竹書共工治河錫命在堯十九年改命伯鯀治河在堯六十一年則此四十

餘年中皆共工治河而靜言庸違象恭滔天莊子釋文曰堯六十四年流共工于幽都則共工之流抑已晚矣乃既流之後依然怙惡不悛左氏傳謂其婿言庸回服讒蒐慝天下之民謂之窮奇山海經有禹攻共工國山周左史戎夫記曰昔有共工自賢自以無臣久空大官下官交亂民無所附唐氏伐之共工以亡荀子曰禹伐共工是也今順天府密雲縣東北五十里有共城蓋舜流共工處也

二十九年春儵儵氏來朝貢沒羽

箋按魯語仲尼曰儵儵氏三尺短之至也山海經曰有小人名曰儵儵之國幾姓馬融廣成頌納儵儵之珍羽庚信哀江南賦西盡浮玉南琛

沒羽謂此也

四十二年景星見于翼

箋按孫氏璠應書曰景星者天曜也狀如半月生于晦朔助月爲明王者不私入則見星傳曰翼二十二星二十度秒在太微垣南史記律書曰翼者言萬物皆有

羽翼也春秋感精符曰堯翼之精故是時景星見于翼也

五十年帝遊于首山乘素車玄駒

箋按沈約宋書曰堯升首山遵河濬有五老游焉宣二年傳曰初宣子田于首山杜注首山在河東蒲坂縣東南卽是山也後世因名爲堯山

地理志蒲坂有堯山也五帝紀帝放助富而不驕貴而不舒彤車乘白馬此云乘素車元駒亦是類也

五十三年帝祭于洛

箋按通鑑注曰洛水源出西安府洛南縣冢嶺山東流經盧氏永甯宜陽洛陽偃師鞏等縣入河尚書中候曰帝堯修禮河洛味爽禮備榮光出河休氣四塞又東沉璧

于洛日稷赤光起元龜負書背甲赤文成字遂禱于舜

五十八年帝使后稷放帝子朱于丹水

箋按帝王世紀曰堯娶散宜氏女曰女皇生丹朱荊州記曰丹水縣在丹州堯子朱之所封也漢志曰陶唐氏讓天下于虞使子朱

處于丹淵爲諸侯尙書益稷篇禹曰無若丹朱傲惟慢遊是好傲虐是作罔晝夜頷頷罔水行舟朋淫于家用殄厥世此丹朱之所以見放也括地志丹朱故城在鄧州內鄉縣西南百三十里賈公彥周官序曰初堯天官爲稷據此則稷爲天官故放帝子朱命之

六十一年命崇伯鯀治河

箋按史記索隱曰鯀帝顓頊之子字熙堯典曰帝曰咨四岳湯湯洪水方割蕩蕩懷山襄陵浩浩滔滔天下民其咨有能俾乂兪曰於鯀哉帝曰吁嚱哉方命兪

族岳曰異哉試可乃已帝曰往欽哉孔傳曰堯知其性狠戾犯族未明其所能而據衆言可試故遂用之何孟春曰堯之用鯀九載之民命亦可試乎宋初試策以發問而不能答予曰後漢鄭興傳有言堯知鯀不可用而用之者是屈己之明因人之心也又張華博物志曰昔鯀董注洪水而故占大明曰不吉有初無後蓋謂此也今按竹書紀年顓頊三十載產鯀似鯀爲顓頊子矣然產鯀之後四十八年而顓頊陟又歷高辛氏六十三年堯九年堯即位六十一年始命崇伯鯀治河計前後相距一百八十一年而堯始命之治河無是理矣漢書律歷志顓頊五代而生鯀是爲得之又世紀鯀封崇伯國在秦晉之間王伯厚曰趙寧侵崇是也實字記垓城臨泗水秦地志云垓城古崇國未知孰是

六十九年黜崇伯鯀

箋按周語太子晉曰其在有虞有密伯鯀播其滔心稱遂共工之過堯用鯀之于羽山連山易曰有崇伯鯀伏于羽山之野又按一統志羽山在淮安府贛榆縣西北八

十里卽舜葬鯀處山下有羽澤左傳鯀爲黃能入于羽淵卽此孔安國舜典傳曰羽山東裔在海中今登州府蓬萊縣有羽山實字記云在縣東十五里卽鯀葬處有鯀城在縣南六十里

七十年春正月帝使四岳錫虞舜命

箋按堯真曰帝曰咨四岳朕在位七十載汝能庸命巽朕位岳曰否德忝帝位曰明明揚側陋師錫帝曰有齔在下曰虞舜帝曰兪予聞

五帝本紀曰堯立七十年得舜是矣

帝在位七十年景星出翼鳳凰在庭

箋按風俗通曰景星者大星也月或不見景星常見可以夜作有益於人民也尙書中候握河紀堯卽位七十年鳳凰止庭伯禹拜

曰昔帝軒提象鳳凰阿閣又荀子解蔽篇詩曰鳳凰秋秋其翼若于其鳴若簫有鳳有鳳樂帝之心注曰逸詩也帝蓋謂堯也 朱草生 箋按續博物志朱草狀如桑栽長三四尺枝葉皆丹汁如

血朔望生落如嘉禾秀箋按春秋感精符曰德洽于地則嘉禾生 甘露潤醴泉出箋按列星圖曰天乳

占明潤則甘露降尚書中候曰帝堯日月如合璧五星如聯珠箋按尚書中候曰天地開闢甲子冬至

至德之萌日月若通曰孝道至則蓬蒲 連璧五星若貫珠廚中自生肉其薄如筴搖動則風生食物寒而不臭名曰筴脯箋按脯一作薄白虎

出庖厨不搖自扇于飲食清涼助供養也宋書符瑞志筴脯一名倚扇帝王世紀作筴脯又有草夾階而生月朔始生一莢月半而生十五莢十六

日以後日落一莢及晦而盡月小則一莢焦而不落名曰莢莢一曰歷莢箋按田俛子曰莢為天子 洪

水既平歸功于舜將以天下禪之乃潔齊修壇場于河洛擇良日率舜等升首山遵河洛有五老遊焉

蓋五星之精也相謂曰河圖將來告帝期知我者重瞳黃姚箋按史記正義曰舜生于姚虛 五老因飛

為流星上入昴箋按論語比考識仲尼曰吾聞帝堯率舜等升首山觀河洛乃有五老游焉 二月辛丑

昧明禮備至於日昃榮光出河休氣四塞箋按尚書中候曰帝堯卽政七十載修壇河洛仲月辛日昧

是年事也箋按尚書中候曰堯沉璧 乃有龍馬銜甲赤文綠色綠壇而上箋按宋志

吐甲圖而去甲似龜背廣九尺其圖以白玉為檢箋按書卷之裝簽謂之曰檢漢武紀金 赤土為口

泥以黃金約以青繩箋按河圖曰舜以太尉卽位與三公臨觀于河黃龍五采負文曰闕色授帝舜言

虞夏當受天命箋按宋志曰闕色授帝舜言虞夏殷周秦漢當受天命此 帝乃寫其言藏于東序後二

年二月仲辛率羣臣沈璧于洛禮畢退侯至于下景赤光起元龜負書而出背甲赤文成字止于壇

按箋尚書中候曰堯沉璧于洛玄龜負書出背甲赤文朱字上壇場沉璧于河黑龜出赤文題其書言當禪舜遂讓舜箋按帝王世紀曰堯率羣臣刻璧

意今中候運

七十七年帝命二女嬪于虞

箋按堯典釐降二女于媯汭嬪于虞孔疏曰媯水在河東虞鄉縣歷山西流至蒲坂南入河舜居其旁周武王賜陳胡公之姓爲媯爲舜居媯水故也

舜仕堯朝不家于京師而令二女歸虞者蓋舜以大孝示法使妻歸事于其親以帝之賢女事頑驕男姑美其能行婦道故云嬪于虞又按列女傳二女長曰娥皇次曰女英世本作女嬪大戴禮作女媯

七十三年春正月舜受終于文祖

箋按舜典曰正月上日受終于文祖孔傳曰上日期日也終謂堯終帝位之事文祖者堯文德之祖廟史記索隱曰尚書帝命驗曰五府五帝

之廟蒼曰靈府赤曰文祖黃曰神升白曰顯紀黑曰玄矩唐虞謂之五府夏謂之世室殷謂之重屋周謂之明堂皆祀五帝之所也

七十四年虞舜初巡狩四岳

箋按尚書大傳曰維元祀巡狩四岳八伯樂正定樂名元祀代泰山貢兩伯之樂焉東岳陽伯之樂舞佶離其歌聲比余謠名曰哲陽羲伯之樂舞鸞哉

其歌聲比大謠名曰南陽中祀大交霍山貢兩伯之樂焉夏伯之樂舞謨或其歌聲比中謠名曰初慮

義伯之樂舞將陽其歌聲比大謠名曰朱于秋祀柳穀華山貢兩伯之樂焉秋伯之樂舞蔡倣其歌聲

比小謠名曰零落和伯之樂舞玄鶴其歌聲比中謠名曰歸來冬祀幽都弘山貢兩伯之樂焉冬伯之樂舞齊落歌曰緜緜并論八音四會歸格于禰祖用特按元祀春之首祀非元年之謂文中子曰舜一

七十五年司空禹治河

箋按舜典曰兪曰伯禹作司空孔傳曰禹代鯀爲崇伯入爲天子司空鄭注曰初

非常官也禹貢導河積石至于龍門東至于華陰東至于底柱又東至于孟津東過洛汭至于大伾北過降水至于大陸又北播爲九河同爲逆河入于海宋易說禹貢疆理考曰河自廓州積石軍北東北

流一百五十里至化成縣南八十步東流一百四十里至鄆州龍支縣西南六十里積石山在縣四九十八里又三百九十里至河州枹罕縣南五十里積石在縣西北七十里一名唐述山今人曰龍支縣

山爲大積石此山名小積石又三百里至蘭州五泉縣北二十里東北流三百八十里至會州之會甯縣西北有黃河堰又五百三十里至靈州之迴樂縣枕黃河後魏刁雍開富平支山舊渠通河漑田之

地又經靈武縣又一千餘里至西受降城東流一百八十里至天德軍又二百里至中受降城又三百里至東受降城三城皆唐張仁愿所築並在河岸以遏突厥河轉南流三百五十里至朔方之鄆陽縣

西二十里又三百七十四里至嵐州之合河縣西二里又七十里至石州之臨泉縣北二十里又經定胡縣西二百步孟門關在縣西一百步又經平夷縣五十里又四百二十里至隰州之永和縣六十里

又經大甯縣又二百里至慈州之吉昌縣北六十里又經文城縣孟門山在縣西南三十六里河中行山如槽水流懸注七十餘尺俗名石槽與龍門相對卽龍門之上口爲河之巨阨又一百八十里至河

中府之龍門縣北二十五里乃龍門口河自積石至龍門計四千七百二十三里又二百里至陝州之西北對河爲華州華陰縣河經太華之北故曰華陰河至此東流經陝州之黃城縣又五十里至陝石

縣有底柱山在河中又三百五十里至河南府王屋縣南五十里又至河陽縣後爲孟州南城四面臨河謂之孟平津古謂之孟津東百里至今蒙縣有五社渡洛水入河謂之洛口亦名什谷張儀所謂下

兵三川塞什谷之口者也又經汜水縣本漢成皋縣一名虎牢三百九十里至衛州汲縣南五十里謂之棘津亦謂之石濟津東北流至黎陽縣大伾山在縣南七里俗號爲黎山二百五十里至相州臨河

縣南五里又八十里至澧州頓丘縣南二十五里北流一百二十里至魏州之貴鄉縣大河故瀆在縣西二里俗云王莽河東北流二百一十里至貝州經城縣枯河在縣東十里又二百一十里至冀州南

宮縣泚水故瀆在縣東南六里又北二三百里至趙州之隆平齋爲大陸縣孔傳曰大陸澤名北分爲九河以殺其溢同合爲一大河名逆河而入海也董鼎曰天下大勢西北高而東南下九水惟河爲大

水患惟河爲急河始入于雍而經于冀則冀當河之下流而竟又其下流之入海處所以禹之功役自冀而竟則疏濟之下流也自青而徐則疏淮之下流也自揚而荆則疏江漢之下流也河濟淮江漢五

水之下流既通水患平已十之七八矣然上流不濬則猶有壅塞於是自荆而豫以潞伊洛之源自豫而梁以潞江漢之源自梁而雍以潞河渭之源從北而東從東而南從南而西從西而又北治水之功

畢矣

七十六年司空伐曹魏之戎克之

箋按古今人表陸終妃女澁生六子五曰曹姓章昭曰曹祝融之後左傳詹桓伯曰魏吾西土也盟會圖曰魏贏姓呂氏春秋曰堯觀于丹水

之浦以服南蠻舜却苗民更易其俗禹攻曹魏屈整以行其教高誘曰屈整不知出何書也

八十六年司空入觀費用玄圭

箋按尚書璣璣曰玄圭出刻曰延喜之玉注曰禹功既成天佩以玄圭也是時玄圭出而禹得之因以爲贊禹貢曰禹錫玄圭告厥成功爾雅曰

錫與也則禹錫猶堯典師錫之錫謂入觀而以圭與帝爲贊也孔傳曰禹功暨加于四海故堯賜玄圭以彰顯之則是當言錫禹矣何言禹錫竹書稱費用玄圭其義自明白虎通曰臣見君所以有贊何贊者贊也贊已之誠致己之懼也

八十七年初建十有二州

箋按周公職錄曰黃帝受命風后受圖割地布九州祭法共工氏之緇九州也其子曰后土能平九州則自古止有九州無十二州尚書大傳云兆十有二州

注兆域也爲營域以祭十有二州之分星也舜典肇十有二州孔傳曰禹治水之後舜分冀州爲幽州并州分青州爲營州始置十有二州陸氏釋文曰十有二州謂冀兗青徐荆揚豫梁雍并幽營也時舜以冀青地廣始分衡水西北爲并州燕以北爲幽州青州東北跨海爲營州故竹書謂初建十有二州也世史類編曰堯甲子八十一歲分十二州封十二山滂川舜攝政九載也据竹書在堯八十七歲舜

受終之五載也

八十九年作游宮于陶

箋按史記曰堯作游成陽漢志曰濟陰定陶詩風曹國也昔堯作游成陽舜漁雷澤故其民猶有先王之遺風如瀉曰作起也成陽在定陶師古曰作游者言爲宮

室游止之處也

九十年帝游居于陶

箋按郡國志濟陰定陶縣古陶縣所居又臣瓚注漢書曰堯初居唐後居陶故曰陶唐顏師古非之以爲堯嘗居陶後居唐今据竹書堯九十歲始居陶瓚是也

九十七年司空巡十有二州

箋按堯卽位五年初巡狩四岳七十四年虞舜初巡狩四岳是以舜代堯巡也堯八十七年初建十有二州後十年司空巡十二州是以禹代舜巡也舜

典章十有二州以舜攝位時事也故係之舜漢書谷永傳堯遭洪水之災天下分絕爲十二州制遠之道微以其本堯時事也故係之堯其說與竹書同

一百年帝陟于陶

箋接堯元丙子終乙卯凡一百年異苑晉太康三年冬大塞南州人見二鶴語曰今歲不滅堯崩年呂氏春秋曰堯葬穀林帝王世紀曰堯在位九十八年一百一十八歲

乃殂葬于濟陰之成陽西北四十里是爲穀林堯娶散宜氏女曰女皇生丹朱又有庶子九人皆不肖故以天下命舜今据竹書堯在位百年世紀少二年也

帝子丹朱避舜于房陵舜讓不克

箋按地理志房陵縣屬漢中郡顏師古曰今謂之房州此丹朱所避也附注云房陵是据世本舜封丹朱於房一統志房縣在鄖陽府城

西南三百一十里舜封堯子丹朱于房卽此

朱遂封于房爲虞賓三年舜卽天子之位

箋按春秋爲房子國後漢獻帝紀贊曰永作虞賓注虞賓謂舜以堯子丹

朱爲賓尙書曰虞賓在位是也

帝舜有虞氏

箋按帝王世紀曰舜嬪于虞因以爲虞氏今河東太陽西山上虞城是

母曰握登見大虹意感而生舜于姚墟

箋按帝王世紀曰舜姚姓也其先出自顓頊顓頊生窮蟬窮蟬子敬康敬康生勾芒勾芒子橋牛橋牛生善瞽瞍瞍妻曰暹登

見大虹意感而生舜于姚墟故姓姚氏字都君括地志姚墟在濮州雷澤縣東十三里

目重瞳子故名重華

箋按春秋演孔圖曰舜重瞳子是謂重明上應攝提以象三光又後漢郭

暉傳曰步重華于南野太子賢注重華舜字也

龍顏大口黑色

箋按孝經援神契曰舜龍顏重瞳大口手握哀

身長六尺一寸舜父母憎舜使其塗廩

自下焚之舜服鳥工衣服飛去

箋按通史曰瞽瞍使舜澹虞舜告堯二女女曰時其焚汝鴟汝衣裳鳥工往舜旣登虞得免去也

又使浚井自上填之

以石舜服龍工衣自旁而出

箋按通史曰舜穿井又告二女女曰去汝裳衣龍工往入井瞽瞍與象下土實井舜從他井出去也郭璞山海經注曰二女戲舜尚能以鳥工龍裳

救井廩之難又南史江豐辭婚表曰何瑀闕龍工之姿而捐軀于深井蓋謂此也

耕于歷

箋按史記舜耕于歷山灑于雷澤耨于河澗作什器子壽正就時于負夏郡國志河東蒲坂有雷首山亦

名歷山舜所耕處括
地志歷山南有舜井

夢眉長與髮等遂登庸

箋按世紀曰堯見舜于貳宮南面而問政乃試以五典舜有大功二十故夢眉與髮等堯乃賜舜以昭華之玉老而命舜代己攝政

元年己未帝卽位

箋按舜元年卽位世史以爲甲申袁史以爲丙辰紀政綱目以爲丙戌惟竹書以爲己未蓋帝堯崩于乙卯舜避朱南河雖三年喪畢不遽卽位至四年己未乃卽位者孟子

所謂然後之中國踐天子位也又按帝王世紀曰舜攝政二十八年而堯崩三年喪畢舜年八十一以仲冬甲子月次于畢始卽真以土承火色尙黃以正月元日格于文祖年百歲也據孔安國注通服堯

喪三年在位共三十年之數凡壽一百一十一歲後漢書
襄楷傳注舜年一百一十二歲則世紀言百歲者非也

居冀

箋按舜都蒲坂今平陽府蒲州也亦冀冀州之地故曰居冀

作大韶之樂

箋按尙書大傳虞夏傳曰維五紀奏鍾石論人聲及乃鳥獸咸舞于前秋養耆老而春食孤子乃勃然韶樂興于大麓之野執事還歸二年謏然作大唐之歌此蓋原大韶所由作也五

紀者十二年爲一紀舜三十
徽庸三十在位是五紀也

卽帝位冀莢生于階鳳凰巢于庭擊石拊石以歌九韶百獸率舞景星出于房

箋按石氏曰房四星爲天子明堂歲始布政之

堂地出乘黃之馬

箋按管子小匡篇昔人之受命者河出圖洛出書地出乘黃房元齡注曰乘黃神馬也又周書王會解云白民乘黃乘黃似騏驎背有兩角

三年命皋陶作刑

箋按舜典曰帝曰皋陶汝作士五刑有服五服三就五流有宅五宅三居惟明克允王肅曰惟明其罪能使之信服是旌信于彼也

九年西王母來朝

箋按地理志金城臨羌縣西北至塞外有西王母石室儼海鹽池西有須臾池有弱水昆侖山祠大戴記曰舜以天德嗣堯西王母獻其白瑄世本曰舜時西王母獻白瑄及

瓊帷書靈滙誌曰舜受終西王母獻益地
國歌陽詢曰西王母得益地之圖來獻

西王母來朝獻白環玉珞

箋按瑞應圖曰黃帝時西王母獻白環舜時又獻之晉志曰舜時西王母獻朝華之瑤以玉爲之及漢章帝時零陵文學奚景于冷道舜祠下得白玉瑤

一枚或以爲舜時西王母所獻云意是時王母以玉瑤獻舜舜或賜象鼻亭去冷道不遠故于舜祠下得此

十四年卿雲見

箋按晉天文志曰慶雲亦曰景雲卽卿雲也帝舜卿雲之歌曰卿雲爛兮糺縵縵兮糺聚也言慶雲叢聚也後世不知多有譏糺爲亂者宋陳文則引卿雲之歌作禮縵縵沈約

宋書符瑞志亦作禮字皆誤以糺爲亂也惟吳淑雲賦或申歌于虞舜注引尙書大傳曰糺縵縵兮止此作糺可證書傳之誤

命禹代虞事

箋按帝王世紀曰禹在位七十四年舜始薦之于天

舜在位十有四年奏鐘石笙箎未罷而天大霖雨疾風登屋拔木

箋按登誤宋志作發

桴鼓播地鐘磬亂行舜人

頓伏樂正狂走舜乃擁堵持衡而笑

箋按堵一本作擊宋志作桴擁堵持衡据周禮凡懸鐘磬之全爲堵半爲桴謂鐘磬各八共十六枚而在一處則此作堵者是也

曰明哉天下非一人之天下也亦乃見于鐘石笙箎乎乃薦禹于天使行天子事于時和氣普應屢雲

興焉若烟非烟若雲非雲郁郁紛紛蕭索輪囷百工相和而歌卿雲帝乃倡之曰卿雲爛兮禮縵縵兮

箋按尙書大傳冬伯之樂舞齊落歌曰縵縵不知卽此否禮亦糺爲

日月光華旦復旦兮羣臣咸進稽首曰明明上天爛然星陳日月光

華弘予一人帝乃再歌曰日月有常星辰有行四時從經萬姓允誠於予論樂配天之靈選于聖賢莫

不成聽鑿乎鼓之軒乎舞之

箋按大傳義伯之樂舞鑿哉

精華以竭褰裳去之於是八風循通

箋按循宋志作修

慶雲叢聚

蟠龍奮迅于其藏蛟魚踊躍于其淵龜鼈咸出其穴遷虞而事夏舜乃設壇于河依堯故事至于下昆

榮光休氣至黃龍負圖長三十二尺廣九尺出于壇畔赤文綠錯其文言當禪禹

箋按春秋運斗樞曰舜為天子東巡臨觀

黃龍五采負圖出畫舜前

十五年帝命夏后有事于太室

箋按水經注曰河南陽翟縣有夏亭城夏禹始封于此為夏國是禹以司空受封于夏故至是改稱為夏后也山海經曰半石山東五十里曰少室

山又東三十里曰太室山郭注曰即中岳嵩高山也孔氏書疏曰有事祭也禮器曰齊人將有事于泰山是亦以有事為祭也

十七年春二月入學初用萬

箋按夏小正曰二月丁亥萬舞入學丁亥者吉日也萬舞者干戚舞也入學也者大學也詩簡兮簡兮方將萬舞毛傳曰以干羽為萬舞是萬舞兼用干

羽乃夏制也仲尼燕居曰夏籥序興陳氏曰夏籥禹大夏之籥曲以籥吹之也据此則是所吹者籥而所舞者干羽也虞書舞于羽于兩階亦兼干羽而言也左傳隱五年考仲子之宮將萬焉公問羽數于衆仲對曰天子用八諸侯用六是萬舞不專用干兼用羽也孔氏詩疏曰萬舞名也萬舞為干舞不兼羽籥以春秋云萬入去籥別文公羊傳曰籥者何籥舞萬者何干舞言干則有戚矣禮記曰朱干玉戚冕而舞大武言籥則有羽矣籥師曰教國子舞羽吹籥是干羽之異也然籥可吹不可舞既云文舞即當舞羽何又舍羽而舞籥是則公羊之誤也樂師舞羽吹籥蓋教國子以舞羽不言舞干羽者皆文耳

二十五五年息慎氏來朝貢弓矢

箋按鄭康成曰息慎或謂之肅慎東北夷山海經大荒之中有山名曰不咸有肅慎氏之國郭璞曰今肅慎國去襄平三千餘里其人營工射弓長

四尺勁彊箭以楛為之長尺五寸青石為鏃

二十九年帝命子義鈞封于商

箋按世紀曰纘皇無子女英生商均据竹書則本名義均以封于商曰商均呂氏春秋去私篇舜有子九人高誘曰國語云舜有商均此曰九子不

知出何書也又按山海經曰帝俊生季鯀是與均為二也其他七人無聞焉

三十年葬后育子涓

附注曰后有娥皇也○篋按地理志扶風陳倉縣有黃帝孫舜妻有冢謂蓋御廟有冢也漢志注誤育爲盲顯元涓水注引此亦作舜妻盲冢子數百年無辨其非者

不有竹書何由知其爲有哉楚辭湘君湘夫人君不行兮夷由帝子降兮北渚朱子榮注曰君謂湘君
奠之長女娥皇爲舜正妃者也帝子謂湘夫人奠之次女女英舜次妃也今據竹書云堯七十一年二
女嬋虞其後三十年堯崩舜在位又五十年崩于蒼梧之野計二女二十而嫁已並百歲何有百歲之
妃后從行巡省溺死湘江而世仍稱之爲帝子乎况攬弓有曰舜崩于蒼梧之野蓋三妃未之從其不
得溺于湘江明矣今竹書載帝舜三十年葬后有子涓班志載舜妻有冢劉向傳舜葬蒼梧二妃不從
者皆與竹書合則從行而溺于湘江者又何人乎王逸注以娥皇女英隨湘水涓焉其貽誤後學爲不
少矣

三十二年帝命夏后總師遂陟方岳

篋按大禹謨帝曰格汝禹朕宅帝位三十有三載覽期倦于勤汝惟不怠徧歷四方以朝諸侯也若謂付託得人舜遂可巡陟方岳又何謂倦于勤乎周書立政曰以陟禹

之迹方行天下至于海表罔有不服則陟方屬禹可知爾雅釋詁格陟躋登升也文選吳都賦凌劉淵林曰陟升也方道也則是方岳者四方之岳如東方岱西方華南方衡之類陟則升于四方之岳也

三十三年春正月夏后受命于神宗

篋按大禹謨曰正月朔日受命于神宗率百官若帝之初孔傳曰受舜終事之命神宗文祖之宗廟言神尊之尙書帝命驗帝者承天立

五府赤曰文祖黃曰神斗則舜受終于文祖卽赤府也禹受終于神宗卽黃府也神宗蓋神斗也

遂復九州

篋按襄四年傳虞人之箴曰茫茫禹跡盡爲九州禹貢冀州既載濟河惟兗州海岱惟青州海岱及淮惟徐州淮海惟揚州荆及衡陽惟荊州荆河惟豫州華陽黑水惟梁州黑水西河惟雍

州王伯厚地理通釋曰孔氏云禹治水之後舜分冀爲幽并分青爲營馬氏云禹平水土置九州舜以冀州之北廣大分置并州燕齊遼遠分燕爲幽齊爲營漢地理志云堯遭洪水天下分絕爲十二州禹平水土更置九州列五服與孔馬之說異愚謂舜典言肇十有二州咨十有二牧而後命禹平水土當以漢志爲正今據竹書堯七十五年司空禹治河八十六年司空入觀費用玄圭八十七年初建十有

二州九十七年司空巡十有二州舜三十三年夏后受命於神宗遂復九州則是禹平水土舜始分十有二州尙書封十有二山濬川川但言濬則是水土之既平可知若禹未治水之前洪水滔天懷山襄陵何從而封山濬川此當以孔氏之傳爲正若馬氏禹平水土置九州舜始分十有二州則謬矣周公職錄黃帝割地布九州杜佑通典顧頤置九州世紀言九州顧頤所建帝嚳受之則堯嗣位焉本是九州至舜分十二州故曰肇禹受命遂復九州以前原有九州故曰復又按世紀云禹平水土還爲九州今禹貢是也其時九州之地凡二千四百三十萬八千二十四頃定鑿者九百一十萬八千二十四頃不鑿者一千五百萬二千頃四海之內東西二萬八千里南北二萬六千里出水者八千里受水者八千里名山五千三百五十徑六萬四千五百六十七出鐵之山四百六十七出鐵之山三千六百九以供用財

三十五年帝命夏后征有苗

箋按大禹謨帝曰咨禹惟是有苗弗率汝徂征禹乃會羣后誓于師曰蠢茲有苗昏迷不恭侮慢自賢反道敗德肆予以爾衆士奉辭伐罪三旬苗民逆命益贊于禹曰至誠感神矧茲有苗禹拜昌言班師振旅帝乃調敷文德舞于羽于兩階七旬有苗格孔傳曰三苗國名緡雲氏之後爲諸侯號饗發左傳文十八年史克曰緡雲氏有不才子貪于飲食鬻于貨賄天下之民以比三凶謂之饗發山海經苗民益姓魏策吳起曰昔者三苗之居左有彭蠡之波右有洞庭之水汝山在其南而衡山在其北恃此險也

有苗氏來朝

箋按夏本紀三危既度三苗大序索隱曰鄧氏引河圖及地說云三危山在鳥鼠西南與岐山相連後漢郡國志隴西首陽縣鳥鼠同穴山渭水出劉昭引地道記曰有三危山三苗所

處水經注曰渭水東歷大利又東南流苗谷水注之三苗所居故有苗谷通鑑前編堯七十六載竄三苗于三危當猶是竄之隴西之地舜三十五載有苗氏來朝其在子羣后之例可知山海經苗民益姓顧頤後昭九年傳曰允姓之姦居于瓜州杜氏曰允姓之祖與三苗俱放于三危瓜州今敦煌也穆天子傳曰乙丑天子東征鰥蠻送天子至于長沙之山伯天曰重離氏之先三苗氏之口處郭璞曰三苗舜所竄于三危者是則長沙之山卽後漢書注三危山在沙州東南者也韓非子曰三苗有成駒亡國之臣也其遠竄于瓜沙者蓋此輩耳

四十二年玄都氏來朝貢寶玉

箋按汲冢周書曰昔玄都實鬼道廢人事天謀臣不用龜策是從神巫用國哲士在外玄都以亡又按春秋定八年穀梁傳注寶玉者封圭也范甯

曰始對之圭也。據書敘湯伐三股，俘厥寶玉，則美玉皆謂之寶玉也。

四十七年冬，隕霜不殺草木。箋按春秋僖三十三年十有二月，隕霜不殺草，五行傳曰：劉歆以爲草妖也。

四十九年，帝居于鳴條。箋按郡國志：河東安邑，帝王世紀曰：縣西有鳴條陌，括地志：高厓原在安邑縣北，其南坂口，卽古鳴條陌。按舜都蒲坂，距鳴條二百餘里，舜居鳴條，亦如堯居城陽。

也。又困學紀聞以舜卒鳴條，在今陳留之平丘。

五十年，帝陟。箋按舜與曰：舜五十載，陟方乃死。蔡傳曰：陟方，猶言升遐也。韓昌黎曰：竹書紀年，帝王之沒，皆方乃死者，所以釋陟爲死也。地之勢東南下，如言舜巡狩而死，宜言下方不得言陟方也。按此得之，但不當以陟爲絕句耳。方，猶云徂，手方之方。陟方而死，猶云徂落而死也。史記言舜巡守崩于蒼梧之野，孟子言舜卒于鳴條，未知孰是。今據竹書四十九年，舜居于鳴條，五十年，帝陟，則是與孟子合也。書所言陟方，蓋鳴條有陟方之館耳。竹書舜二十三年命夏后，總師遂陟方岳，可謂遂徂落于四岳乎。宋穎延之祭虞

帝文百齡賦：世萬里陟方，後魏溫子昇舜廟碑：陟方之駕，遂往蒼梧之窆，不歸則陟方，非徂落之謂可知矣。

義均封于商，是謂商均。箋按史記：曹相國世家：攻下邑，以西至虞正，義曰：虞城縣在宋州北五十里，古虞國，商均所封一統志：虞城縣在歸德府城東北六十里，當時并商丘，皆在國

內，故曰：**后育娥皇也。**箋按地理志：扶風陳倉縣有舜妻，有蒼梧之山，帝崩，遂葬焉。今海州，箋按帝王世紀曰：舜妻，有蒼梧之山，帝崩，遂葬焉。今海州，箋按帝王世紀曰：舜

薦禹于天，使禹攝政。有苗氏叛，南征，崩于鳴條，殯以瓦棺，葬于蒼梧。九疑山之陽，是爲零陵，方輿紀勝曰：蒼梧，山，山海經注，卽九疑也。在今永州府道州甯遠縣南六十里，湘中記曰：九山相似，行者疑惑，故曰九疑。據世紀，則舜以征有苗，遺死，何三十五年命夏后，征有苗，至十五年，後舜年百有十歲，轉又自征有苗，何舜之不憚煩耶。司馬溫公詩：虞舜在倦，勸薦禹爲天子，豈有復南巡，迢迢渡湘水，蓋以此也。

王應麟困學紀聞曰：世傳舜葬蒼梧之野，孟子以爲卒于鳴條。呂氏春秋：舜葬于紀，蒼梧山在海州界，近宮之紀，城鳴條在陳留之平丘。今考九域志：海州東海縣有蒼梧山，與休文附注正同，則舜不當遷

辨于零陵
庶爲得之

竹書紀年統箋卷之三

帝禹夏后氏

箋按紀年曰帝舜十四年命禹代虞事十五年帝命夏后有事于太室時禹受封爲夏伯稱爲夏后禹有天下因以爲氏也南軒通鑑前編曰禹踐天子之位于韓注引通志曰禹受帝舜之

禪踐天子之位于安邑卽韓國也此大謬矣漢志潁川陽翟夏禹國周末韓景侯自新鄭徙此應劭曰夏禹都也世紀曰禹受封爲夏伯在禹貢豫州外方南於秦漢屬潁川本韓地今河南陽翟是也外紀曰禹都安邑或云平陽亦云晉陽及韓韓亦謂陽翟耳南軒引通志謂安邑卽韓國謬矣

母曰修己出行見流星貫昴夢接意感

箋按帝王世紀曰鮫納有莘氏女曰志是爲修己元命包曰昴七星十一度帝位明卽昴星光大 既而吞神珠

修己背剖而生禹于石紐

箋按李石續博物志曰慈苴一名籌珠禮緯曰禹母修己吞薏苡而生禹因姓姁氏揚雄蜀本紀曰禹本汝山郡廣柔縣人也生于石紐迺甲開山圖榮

氏解曰女狄暮汲石紐山下泉水中得月精如鷄子愛而含之不覺吞遂有娠十四月生夏禹晉輟記劉元海曰大禹出于西戎文王生于西夷顧惟德所授耳括地志石紐山在茂州汶川縣西七十二里

虎鼻口兩耳參鏤

箋按鏤當作漏禮別名記曰禹耳三首戴鈎鈐 箋按星傳曰鈎九星鈐一星其星明則道大昌 胸有玉斗

帝王世紀曰禹胸有玉斗

足文履已故名文命長有聖德長九尺九寸 箋按續博物志曰禹長九尺九寸 夢自洗于河取水飲之又

有白狐九尾之瑞

箋按趙疇吳越春秋曰禹年三十未娶行塗山恐時暮失嗣曰吾之妻必有應矣乃有白狐九尾而造于禹於是塗山人歌曰綏綏白狐九尾麗麗成于家室我都攸昌

禹曰娶塗山女一統志漢當塗縣城在今懷遠縣塗山北麓下卽古塗山氏之國

當堯之時舜舉之禹觀于河有長人白面魚身出曰吾河精

也呼禹曰文命治水言乾授禹河圖言治水之事乃退入于淵

箋按世紀曰禹名文命字高密水經注曰禹理水觀于河見白面長人魚身出

曰吾河精也授禹
河圖而還于淵
禹治水既畢天錫元珪以告成功
一統志岷山在岷州衛城北山黑無樹木洮水經

其下相傳夏禹見長
夏道將興草木暢茂青龍止于郊祝融之神降于崇山乃受舜禪即天子之位
人受黑玉書於此

漢郊祀志曰夏得木德青龍止于郊草木暢茂括地圖曰夏德盛二龍降之帝使范
氏御之以行國語曰夏之興也祖融降于崇山注曰祖融祝融也崇書字古通用耳
洛出龜書是為洪

範
箋按尚書洪範曰天乃錫禹洪範九疇孔傳曰天與禹洛出書神龜魚文而出列于背有數至于九
範禹遂因而第之以成九類一統志龜巢在河南府永甯縣西洛水北岸立醴水濱乃夏禹治水洛書

呈瑞
三年喪畢都于陽城
箋按世本曰禹都陽城徐堅曰夏
禹在陽城蓋避舜子商均非都也

元年壬子帝即位
箋按舜在位五十年元己未崩戊申而已
酉庚戌辛亥三年喪畢故禹元年為壬子

居冀
箋按都縣志安邑故城在陝州夏縣東北十五里禹所都也世紀曰堯都
平陽舜都蒲坂禹都安邑相去不盈二百里皆在冀州故竹書總曰居冀

頌夏時于邦國
箋按禮運曰孔子曰吾欲觀夏道是故之杞而不足徵也吾得夏時焉太史公曰孔子正
夏時學者多傳夏小正云夏小正序曰孔子得夏時于杞而鄭注月令文辭大抵嚴約不

類秦漢以來信其為有夏氏之遺書其間星昏日伏見中正當鄉若寒暑日風冰雪雨旱之節草木穠秀
之候羽毛鱗蠃蠕動之屬蓋與朔望鄉避陟降離風鳴吻之應罔不具紀而王政民事蠶桑蓋夏之月令

也唐志大衍歷議曰夏小正雖頗疎簡失傳乃羲和遺迹何承天循大戴之說復用夏時更以正月甲子
夜半合朔兩水為上元進乘夏歷退非周正故近代推月令小正者多不與古合開元歷推夏時立春日

在營室之末昏東井二度中古歷以參右肩為距方當南正故小正曰正月初昏斗杓懸在下魁枕參首
所以著參中也季春在昴十一度半去參距星十八度故曰三月參則伏立夏日在井四度昏角中南門

右星入角距西五度其左星入角距東六度故曰四月初昏南門正昴則見五月節日在與鬼一度半參
去日道最遠以渾儀度之參始見其肩股猶在濁中房星正中故曰五月參則見初昏大火中八月參

中則曙失傳也辰伏則參見非中也十月初昏南門見亦失傳也定星方中則南門伏非昏見也仁山金
氏曰八月參中則日當作參見爾岐張氏曰金氏之說本大衍議曰八月參中則曙失傳也辰伏則參見

非中也故曰當作參見不知八月辰伏自以昏時伏參中自以平旦中何得以昏時之伏而例平旦之參謂其始見乎

三年阜陶薨

箋按阜陶字庭堅見左傳後漢書馮衍顯志賦阜陶釣于雷澤兮賴虞舜而後親太子賢注曰呂氏春秋曰舜陶于河濱漁于雷澤今言阜陶未詳皇甫謐曰阜陶生于曲阜偃地故帝

因之而以賜姓曰偃堯禪舜命之作士舜禪禹禹卽舜位以阜陶最賢薦之于天將有禪之之意未及禪會陶卒水經注曰六縣故阜陶國也禹封其少子奉其祀今縣都陂中有大家民傳曰公琴者阜陶冢也

楚人謂冢爲琴矣按琴乃岑之

爲耳鄭云楚人謂冢爲琴非

五年巡狩會諸侯于塗山

箋按王制曰天子五年一巡狩五年者虞夏之制也哀七年傳諸大夫對孟孫曰禹合諸侯于塗山執玉帛者萬國杜氏曰諸侯執玉附庸執帛塗山在壽春

東北地理通釋曰在壽春東北濠州鍾離縣西九十五里山前有禹會村尚書禹娶于塗山辛壬癸甲天問禹身獻功降省下土焉得彼塗山女而通之于台桑卽此塗山也一統志塗山在懷遠縣東南八里又

皇侃注孝經曰春秋稱禹會諸侯于塗山執玉帛者萬國言禹要服之內地方七千里而置九州九州之中有方百里七十里五十里之國計有萬國也

南巡狩濟江中流

箋按呂氏春秋曰禹自塗山巡省南土

有二黃龍負舟舟人皆懼

箋按吳越春秋曰禹南渡江黃龍負舟

禹笑曰吾受命

于天屈力以養人生性也死命也奚憂龍哉龍于是曳尾而逝

箋按水經注江水又右楊岐北山山東有城故華容縣尉舊治也大江又東左

合于夏口又東左得候臺水口又右得龍穴水口江浦右迤也北對虎洲又洲北有龍巢地名也昔禹南濟江黃龍夾舟禹笑曰吾受命于天何憂龍哉故水地取名矣

八年春會諸侯于會稽

箋按吳越春秋曰禹巡天下登茅山以朝羣臣乃大會計治國之道更名茅山曰會稽水經注曰會稽山古防山也亦謂之爲茅山又曰棟山左傳禹會諸侯于塗

山預注塗山在壽春東北非也余按國語仲尼曰昔禹致羣神于會稽之山防風氏後至殺之蓋上明親承聖旨錄爲實證故塗山有會稽之名今據竹書禹會塗山在五年會稽在八年先後懸殊非一地矣

鄭注承劉向說苑之說不知其非

殺防風氏

箋按國語仲尼曰防風汪罔氏守封禺之山者也今湖州府武康縣是也世說會稽有防風鬼屢見城邑常鼓雷門上脚乘至地晉橫陽令賀紹義鼓琴防風聞琴聲在賀中庭舞

夏六月雨金子夏邑

箋按帝王世紀曰夏禹時天雨金蒼頡時雨粟天鏡曰天雨金爲兵喪徐堅曰唐虞以前都名不著自夏以後各有所稱曰虎通曰夏爲夏邑商爲商邑周爲京師

秋八月帝陟于會稽

箋按吳越春秋禹老而嘆曰吾年壽將盡止死斯乎乃命羣臣葬我於會稽之山越絕書禹葬會稽烏爲之芸地理志會稽山陰縣會稽山在南山上有禹冢禹井墨子曰

禹葬會稽之山既葬收餘壤其上墮若參耕之畝則止矣

禹立四十五年

箋按竹書帝舜十四年壬申命禹代虞事至舜五十載戊申凡三十七年舜陟而已西庚戌辛亥三年喪畢禹卽位元年壬子八年己未凡四十五年帝王世紀曰禹年七十

四舜始薦之于天薦後十二年始使禹攝行天子事五年舜崩禹除喪明年始卽真年百歲崩於會稽

禹薦益于天七年禹崩三年喪畢天下歸敗

人表禹娶塗山氏女曰女嬭生啓漢書武帝紀行幸緜氏詔曰朕用事華山至于中岳見夏后啓母石應劭曰啓生而母化爲石文穎曰在嵩高山下陳氏仁錫曰啓一名會見紀年述山易作余又曰建見年代

應山海經作夏后開避漢諱也

帝敗

箋按夏本紀禹子啓賢天下屬意焉禹崩雖薦益益之佐禹日踐天下未洽故諸侯皆去益而朝啓

元年癸亥帝卽位于夏邑

箋按郡國志潁川陽翟禹所都蓋禹始封于此爲夏伯啓卽能居此故曰夏邑帝王世紀曰禹都平陽或在安邑或在晉陽何以知此夏邑非安邑平陽諸地

也以啓嘗諸侯于陽翟之鈞臺故知啓卽位于夏邑卽陽翟是也

大饗諸侯于鈞臺諸侯從

箋按昭四年傳椒舉言于楚子曰夏啓有鈞臺之饗杜注河南陽翟有鈞臺水經注曰嶠水東逕三封山東南歷大陵西連山易曰啓筮享啓享神于大陵

之上卽鈞臺也一統志鈞臺在禹州城北門外又周禮掌實曰上公三饗是天子於諸侯稱饗也

帝歸于冀都箋按括地志安邑故城在絳州夏縣東北十五里本夏之都

大饗諸侯于瑋臺箋按易歸藏曰昔者夏后啓筮享神于晉之虛作爲瑋臺于水之陽王融曲水園詩序夏后雨龍獻瑋臺之上謂此也

二年費侯伯益出就國箋按秦本紀大業取少典之子曰女華生大費與禹平水土已成帝錫玄圭禹受曰非予能成亦大費爲輔帝舜曰咨爾費贊禹功其勳爾旃是爲柏翳索隱曰尙

書謂之伯益又按莊十六年傳滑伯同盟于幽杜預曰滑國都費河南緄氏縣伯益封費宜卽此也

王帥師伐有扈大戰于甘附注有扈在始平鄠縣○箋按書敘曰啓與有扈戰于甘之野作甘誓馬融曰甘有扈氏南郊地名前漢志扶風鄠縣有扈谷亭後志有甘亭楚辭天問曰該

乘季德厥父是臧胡終弊于有扈牧夫牛羊洪興祖注啓象乘禹之末德而禹善之授以天下有扈以堯舜與賢啓獨與子故伐啓啓伐滅之有扈遂爲牧豎也据韓非子曰有扈氏有失度黷兜氏有孤男三苗有成駒桀有侯侈紂有崇侯虎晉有侵施此六臣者亡國之臣也則啓之伐扈當別有說未必如洪氏所云

六年伯益薨祠之箋按天問曰啓代益作后卒然離讎洪氏補注引汲冢書曰益爲啓所殺今据竹書益薨于帝啓六年啓方且祠之何有殺之之事漢律歷志曰壽王言化益爲天子代禹嘗

不合經術亦是類也又按唐書宗室世系表臯陶字庭堅爲堯大理生益益生恩成歷虞夏商世爲大理

八年帝使孟涂如巴涖訟箋按山海經曰夏后啓之臣孟涂是司神于巴巴人訟于孟涂之所其衣有血者乃執之是請生居丹山西郭璞曰今建平郡丹陽城秭歸縣東七里卽孟涂

所居也

十年帝巡狩舞九韶于天穆之野箋按山海經曰天穆之野高二千仞開焉得始歌九韶郭氏曰竹書夏后開歌九韶史記樂書曰招音韶卽舜樂簫韶九成故曰九招又天穆

之野一曰大穆之野又曰大遺之野文心雕龍曰帝嚳之世咸墨爲頌以歌九招九招古樂名也

十一年放王季子武觀于西河

附注曰武觀卽五觀也今頓正衛縣○箋按王季子啓之第五子也昭元年傳趙孟曰虞有三苗夏有觀扈商有姚邲周有徐奄杜注觀國今頓正

衛縣國語士驪曰啓有五觀韋昭曰五觀啓子太康昆弟也水經注曰淇水又北逕頓正縣故城西古文尙書以爲觀地矣蓋太康第五君之號爲五觀者也据此五觀卽武觀也夏本紀謂帝太康失國昆弟五人須于洛汭作五子之歌則五子遠大禹之戒以作歌必皆爲啓之賢子竹書武觀則武是一人之名不得爲五人矣古今人表啓子昆弟五人號五觀路史后啓五庶俱封于觀是爲五觀皆誤又禹貢浮于積石至于龍門西河孔疏曰河在冀州之西故謂之西河時夏啓都冀則觀在西河也

十五年武觀以西河叛

箋按武觀既放于西河至此以西河叛漢于此置睢觀縣屬東郡謂此也

彭伯壽帥師征西河武觀來歸

箋按史記正義曰彭城徐州所理縣州東外城古之彭國也周書嘗夢解曰其在啓之五子忘伯禹之命假國無正用胥與作亂遂亡厥國皇天哀禹賜

以彭壽思正夏略謂此也

十六年陟

箋按六當作八據竹書太康元年癸未則后啓之陟當在庚辰蓋辛巳壬午三年喪畢而太康卽位是六當作八也

帝太康

箋按夏本紀夏后帝啓崩子太康立

元年癸未帝卽位居斟鄩

箋按前漢書薛瓚注曰斟尋在河南汲郡古文太康居斟尋又昭二十三年傳王師晉師圍郊郊尋潰杜注河南鞏縣有地名鄩中括地志故鄩城在洛州鞏

縣西南五十八里書序曰太康失邦昆弟五人須于洛汭此卽太康之居爲近洛也

敗于洛表

箋按夏書曰太康尸位以逸豫乃盤遊無度敗于有洛之表十旬弗返有窮后羿因民弗忍距于河孔傳曰洛水之南蔡傳羿因民不堪命距太康于河北使不得返

羿入居斟鄩

箋按襄四年傳曰夏之方衰也后羿自鉅遷于窮石晉地記曰河南有窮谷羿國于有窮者卽此也漢志北海平壽縣臣瓚引汲郡古文太康居斟尋羿亦居之時斟尋又自河南遷北

海也

四年陟

箋按寰宇記曰拱州太康縣城太康所築故以名一統志太康縣在開封府城東南二百一十里本夏太康所築城時太康爲羿所距不得返國故陟于此

帝仲康

箋按夏本紀太康崩弟仲康立

元年己丑帝卽位居斟鄩

箋按孔氏書疏曰羿廢太康猶立仲康不自立則是時羿居斟尋而立仲康故仲康亦居斟尋也

五年秋九月庚戌朔日有食之

箋按唐志曰度議曰夏后氏四百二十二年日却差五度太康後二年戊子歲冬至應在女十一度書曰乃季秋九月朔辰弗集于房劉炫曰房所

次之舍也集會合也不合則日蝕可知或以房爲房星知不然者且日之所在正可推而知之君子慎疑當以日在之宿爲文近代善曆者推仲康時九月合朔已在房星北矣按房者辰之所次星者所次之名其揆一也又春秋傳辰在斗柄天策熒熒降婁之初辰尾之末君子言之不以爲隱何獨致疑于房星哉新曆仲康五年己巳歲九月庚戌朔日蝕在房二度實測以爲仲康元年非也今據竹書日食在仲康

五年與大衍正同

命杼侯帥師征羲和

箋按書堯典疏曰夏王仲康之時杼侯命掌六師顧命陳寶有杼之舞衣故知古有杼國書杼征敘曰羲和而淫廢時亂日杼往征之作杼征

六年錫昆吾命作伯

箋按語史伯曰昆吾爲夏伯矣韋昭曰昆吾祝融之後陸終第二子名樊爲己姓封于昆吾昆吾衛是也其後夏衰昆吾爲夏伯墨子曰昔夏后開使飛廉採金于山

以鑄鼎于昆吾

是昆吾初爲侯國至是爲以九命爲伯也哀十七年傳衛侯夢見人登昆吾之觀北面而譟曰登此昆吾之虛括地志昆吾故城在濮陽縣西二十里

七年陟世子相出居商丘

箋按劉道原通鑑外紀相爲羿所逐失國居商丘本此王伯厚地理通釋以相居商丘爲相居帝王之誤非是蓋相先居商丘卽位後十五年始徙帝王也

依邳侯

附注一作依同姓諸侯攝禮攝尋○箋按襄九年傳薛宰曰吾祖奚仲居薛爲夏車正奚仲遷于邳杜注奚仲爲夏禹掌車服大夫太康地記曰奚仲遷于邳謂之下邳臣瓚曰有上邳故曰下邳

依邳侯

附注一作依同姓諸侯攝禮攝尋○箋按襄九年傳薛宰曰吾祖奚仲居薛爲夏車正奚仲遷于邳杜注奚仲爲夏禹掌車服大夫太康地記曰奚仲遷于邳謂之下邳臣瓚曰有上邳故曰下邳

蓋太康敗于唐表則邳侯世蒙車服自必從之從太康及仲
康至此凡十一年相在商工與邳近其依于邳侯理或然也

帝相按夏本紀仲康崩子帝相立

元年戊戌帝即位居商按杜預曰宋商商工三名一地括地志曰古商工又羿所封之地是羿居斟尋而立仲康又就封于商而立相故仲康及相皆依之以爲居也

征淮夷按淮夷謂淮水上之夷也昭四年傳曰商有徐奄杜注徐卽淮夷非也魯頌保有晁釋遠荒徐宅至于海邦淮夷蠻貊是淮夷與徐爲二昭四年徐子淮夷會申楚執徐子秋楚子淮夷伐吳是

會申時有淮夷有徐伐吳時既執徐子又有淮夷徐非卽淮夷明矣又按世本云淮夷爲姓此杜氏所由誤也

三年征風及黃夷按後漢列傳東夷九種有風夷黃夷

七年于夷來賓按東夷傳有于夷太子賢注曰后相七年于夷來賓

八年寒泥殺羿按襄四年傳曰寒泥伯明氏之讒子弟也伯明氏棄之夷羿收之泥行媚于內而施賂于外外內咸服羿歸自田家衆殺之皇甫謐曰寒泥殺羿于桃梧而烹之以食其子其子

不忍食之死于窮門晉志濟南平壽縣古寒國寒泥封此世本寒姪姓古今人表作韓泥師古曰羿之相也

使其子澆居過按左氏傳泥因羿室生澆及豷澆于過處豷于戈晉地道記東萊掖縣有過鄉北有過亭是古之過國括地志故過鄉在萊州掖縣西北二十里史記索隱曰過猶姓國

九年相居于斟灌按薛瓚曰相居斟灌東部灌是也括地志斟灌故城在青州壽光縣東五十四里眺相與羿居商工羿既見殺故相出居斟灌也

十五年商侯相土作乘馬按襄九年傳陶唐氏之火正閼伯居商工相土因之商頌相土烈烈海外有截王肅曰相土在夏爲司馬之職掌征伐也孔疏曰相土是昭明之子契之孫

也前漢刑法志殷周以兵治天下天下既定而猶立司馬之官四邑爲工工十六井也有戎馬一匹牛三頭四工爲甸甸六十四井也有戎馬四匹兵車一乘牛十二頭甲十三人卒七十二人是爲乘馬之

法此當是相土所作乘馬遺制故商人因之而立司馬之官以相土在夏爲司馬也若易繫服牛乘馬其來已久不始於相土矣世本黃帝之臣臣胥作服牛相土作駕馬則古時有相土作乘馬非夏后時相土也

遂遷于商工

箋按此商工當爲帝王蓋因前有商工而讓也世本契居番昭明居砥石相土居商工荀子成相篇契玄王生昭明居于砥石遷于商工左傳闕伯居商工相土因之杜預曰宋商商工

三名一地一統志商工在歸德府城西南三里高百邑一名闕伯臺則商卽商工也安得又從商而遂遷商工乎其云遂遷者蓋以相土作乘馬以兵車衛相遂遷帝工如詩所謂載犛于戈爰方啓行者非以相土作乘馬而自遷帝工也漢志東郡濮陽故帝工左傳衛遷于帝工衛成公夢康叔曰相奄子享杜注相居帝工今濮陽唐高宗封泰山次濮陽問此爲帝工何也許敬宗曰昔顓頊始居此地以王天下其後夏后相因之春秋時衛成公自楚工徙此左氏稱相奄子享以舊地也由顓頊所居故曰帝工時后相自遷濮遷此則當爲帝工無疑

二十年寒泥滅戈

箋按太史公曰禹後分封用國爲姓有戈氏戈本夏同姓路史以戈爲己姓非也哀十二年傳闕人城嵩戈錫杜氏曰戈在宋鄭之間括地志泥旣滅戈因遂封種于戈

二十六年寒泥使其子澆帥師滅斟灌

箋按襄四年傳魏絳曰澆用師滅斟灌及斟尋京相璠曰故斟尋國西北去濶亭九里是斟尋雖在河南亦嘗與斟灌相依共事故

后相依斟灌以居也時帝相居斟灌十八年至是廢用師滅斟灌者蓋弑帝相之漸也

二十七年澆伐斟鄩大戰于澶澤其舟滅之

箋按澆論語作稟稟盪舟蓋謂澆伐斟尋大戰于澶而覆其舟也先儒皆謂稟多力能陸地行舟震矣又按山海經澶水

出鄆鄆箕縣屋箕山東北遷都昌縣東又東北入于海稟伐斟尋戰于是水而覆其舟淮南子澶水出覆舟山蓋因是以立名也今本作駁舟駁乃覆也

二十八年寒泥使其子澆弑帝

箋按相居斟灌澆滅斟灌而不弑帝者以尚有斟尋在也澆斟尋旣滅遂敢于弑帝

后緡歸于有仍

箋按哀元年傳伍員曰昔有過澆殺斟灌以伐斟尋滅夏后相后緡方娠逃出自竇歸于有仍貞遂曰有仍后緡之國緡有仍之姓古今人表作有仍又昭二十八年傳昔有仍氏生女

顯皇后嬖妾之此
有仍氏之先也

伯靡出奔鬲

箋按杜預曰靡夏遺臣事羿者皇甫謐曰穆夏之遺臣曰靡事羿羿死逃于有鬲氏今據竹書帝相八年塞涅殺羿至二十八年帝相被殺羿死二十一年矣而伯靡始奔有鬲靡豈因

羿死而始奔乎安見其爲夏臣事羿者蓋靡乃夏之遺臣也
以事帝相者故相弑而遂奔有鬲耳應劭曰鬲偃姓皋陶之後

斟灌之墟是爲帝王后緡方娠逃出自竄歸于有仍伯靡奔有鬲氏

箋按杜預曰今平原鬲縣括地志故鬲縣在德州安德縣西北十五

里

夏世子少康生

丙寅年

少康自有仍奔虞

乙酉年○箋按哀元年傳曰后緡歸于有仍生少康焉爲仍牧正饒使椒求之逃奔有虞爲之庖正以除其害虞思于是妻之以二姚邑諸綸杜注虞舜後郡國志梁國虞縣

有綸城少康色水經注曰汧水

東逕虞縣故城北古虞國也

伯靡自鬲帥斟灌之師以伐昆

箋按襄四年傳曰靡自有鬲氏收二國之燼以滅昆而立少康杜注燼遺民胡氏曰少康歷高冥人臣子哉經營四十年然後克殄元凶

祀夏配天
不失舊物

世子少康使汝艾伐過殺澆

甲辰年○箋按哀元年傳使女艾謀澆杜注女艾少康臣謀候也

伯子杼帥師滅戈

箋按襄四年傳曰后杼滅澆于戈稱后杼者蓋伯子杼也哀元年傳曰使季杼誘澆杜注澆澆弟也季杼少康子后杼也今據竹書伯子杼蓋后杼也其帥師滅戈先使其弟

季杼誘之耳時少康二子伯與季並名杼杜云季杼卽后杼非也

伯靡殺寒泥

箋按泥所恃澆與豷耳澆豷既滅則寒泥勢孤故伯靡于是殺之

少康自綸歸于夏邑

乙巳年○箋按已上曩年者管紀年之本文也少康丙寅生乙酉奔虞年二十甲辰殺澆年三十九乙巳歸于夏邑年四十通典宋州虞城縣有綸城卽少康邑在縣東

南二十五里也方輿紀勝少康中輿復還安邑今平陽府解州安邑縣

明年后緡生少康

箋按附注稱明年以羿澆不當紀年故承上帝相二十年既長爲仍牧正箋按王肅曰牧正牧官之

長瑟澆能戒之澆使椒求之

箋按林堯臣曰椒澆臣將至仍少康逃奔有虞爲之庖正以除其害虞思于是妻之

以二姚而邑諸綸

箋按杜預曰思有虞君也姚虞姓史記吳大伯世家伍員曰少康奔有虞有虞思夏德不以虞思爲虞君之名與此異也有田一成有衆一旅

賈逵曰方十里爲成五百人爲旅

能布其德而兆其謀以收夏衆撫其官職箋按爲仍牧正以下皆哀元年左傳文夏之遺臣伯靡自有

鬲氏收二斟之燼以伐泥

箋按二斟謂斟灌斟鄩

恃澆皆康娛日忘其惡而不爲備少康使汝艾謀澆初泥娶

雄狐氏

箋按楚辭天問曰泥娶雄狐氏妻爰謀何羿之射革而交香揆之朱子集注曰言泥娶于雄狐女氏眩惑愛之遂與泥謀殺羿也

有子早死其婦曰女岐寡居

澆強圍往至其戶陽有所求女岐爲之縫裳共舍而宿

箋按天問曰女岐縫裳而館同爰止王逸注曰女岐澆嫂也

汝艾夜使人襲

斷其首乃女岐也澆既多力又善告艾乃田獵放犬逐獸因嗾澆顛隕乃斬澆以歸于少康

箋按天問曰何少康

逐犬而顛隕厥言謂此

于是夏衆滅泥奉少康歸于夏邑

箋按帝王世紀曰禹自安邑都晉陽曾孫帝相遷帝工子少康中興還手奮都復禹之迹也河東安邑夏禹都

故曰諸侯如聞之

箋按如聞誤當作始聞蓋少康復歸夏邑皆少康父子及伯靡二斟之所經營而諸侯不與故至是始聞之也

立爲天子祀夏配天不失舊

物箋按哀元年傳伍員曰祀夏配天不失舊物

帝少康箋按夏本紀帝相崩子帝少康立索隱曰帝相自被箕殺中閒經羿浞二氏蓋三數十年而此紀總不言之直云帝相崩子少康立蓋疎略之甚然按吳世家稱引伍子胥曰昔有過氏殺斟灌以

伐斟尋滅夏后帝相相之妃后緡方娠逃于有仍而生少康爲有仍牧正有過又欲殺少康少康奔有虞所職甚詳蓋史公之意不與羿浞以代夏故詳于彼而略于此也

元年丙午帝卽位諸侯來朝賓虞公箋按少康既歸于夏邑諸侯始聞故至是而來朝以共尊爲天子也

二年方夷來賓箋按後漢東夷傳有方夷注曰少康卽位方夷來賓也

三年復田稷箋按周本紀曰后稷之典在陶唐虞夏之際皆有令德后稷卒子不窋立不窋末年夏后氏政衰去稷不務不窋以失其官而辨戎狄之間一統志慶陽府屬實雍州之域屬之先不窋所居

號北爾春秋時爲義渠戎國海內經曰后稷是播百穀稷之孫曰叔均是始爲牛耕是始爲國郭夔曰得封爲國當卽謂復田稷之時也皇王大紀以公劉遷豳附于少康之甲子未可據也文二年傳文武不先

不窋杜注不窋后稷子

后稷之後不窋失官箋按括地志不窋故城在慶州弘化縣南三里是失官而自竄于戎狄以居此也至是而復

十一月使商侯冥治河箋按古今人表冥根圉之子昌若之孫相土之曾孫也祭法冥勳其官鄭注曰其官玄冥宋衷曰冥爲司空

十八年遷于原箋按部國志河內積縣有原鄉左傳杜注沁水西北有原城蓋少康自夏邑遷原也

二十一年陟箋按是年丙寅歷丁卯戊辰喪畢而帝杼卽位

帝杼箋按夏本紀帝少康崩子帝杼立索隱子杼世本云帝杼作甲卽帝杼也

元年己巳帝卽位居原

箋按水經注濟有二源東源出原城今孟州西北有古原城路史曰帝杼卽位居原卽其地也

五年自原遷于老工

箋按定十五年鄭罕達敗宋師于老工杜注宋地一統志老工在開封府陳留縣北四十里有老工城地名考略曰縣有老工城見陳留風俗傳

八年征于東海及三壽得一狐九尾

箋按魯頌曰三壽作朋又曰遂荒大東至于海邦今據竹書征于東海及三壽則三壽疑東海古國名近魯者也璠應圖曰六合一統則

九尾
狐見

十三年商侯冥死于河

箋按魯語展禽曰冥勤其官而水死故商人郊冥而宗湯章昭曰冥舞後六世孫爲夏水官勤于其職而死于水陳澹禮記集說曰冥卽玄冥也水死未聞不有竹書烏

從而証之又按漢禮樂志曰高始生玄王師古曰毛鄭說詩以玄王卽高也此志既有高又有玄王則玄王非高一人矣

十七年陟

箋按是年己酉歷丙戌丁亥喪畢而帝杼卽位

杼或作帝字一曰伯杼

箋按伯杼少康之元子帝字字乃二譌也

杼能帥禹者也故夏后氏報焉

箋按魯語展禽曰杼能帥禹者也故夏后氏報焉章

昭曰杼禹後七世少康之子季杼也能興夏道者今據竹書伯子杼嗣少康爲天子則己爲夏后矣又何俟夏后始報之手蓋伯杼少康元子而季杼其少子也所謂杼能帥禹者乃季杼耳左傳曰使季杼誘陸水經注曰大越之國秦爲山陰縣會稽郡治也夏后少康封少子季杼以奉禹祀則季杼與伯杼爲二而休文附注乃係之伯杼之下混矣顏魯公吳興地記烏程有杼山言夏后七世主杼巡狩至此則亦臆度

之辭耳蓋以禹啓太康仲康相少康伯杼凡七世也

帝杼

箋按夏本紀帝杼崩子帝槐立世本作帝杼與紀年同

元年戊子帝卽位

箋按帝杼卽位不言居某者當亦嗣父后老工也

三年九夷來御

箋按劉歆謂九夷在徐州營魯之間爾雅後漢東夷傳夷有九種此東夷也韞圖策張儀曰楚破南陽九夷內沛許鄢陵危又李斯曰惠王用張儀之計南取漢中包九夷此西

南諸夷也又按周禮地官之屬師氏居虎門之左使其屬帥四夷之隸各以其兵服守王之門外則當日九夷來御亦或有使之環衛王宮者乎穆傳虞人次御郭氏曰以次侍御備有所問則來御亦謂來侍御也

十六年洛伯用與河伯馮夷鬪

箋按歸藏曰昔者河伯筮與洛戰而枚卜昆吾占之不吉當卽爲是時也河伯洛伯皆當時諸侯伯靈用與馮夷其名也穆天子傳曰天子西征驚

行至于陽紆之山河伯無夷之所都居也惟河宗氏河宗伯天逆天子燕然之山郭璞注曰無夷馮夷也蓋馮夷爲伯天之遠祖夏帝芬時諸侯也水經注曰竹書紀年洛伯用與河伯馮夷鬪蓋洛水之神其說非矣

三十三年封昆吾氏子于有蘇

箋按韋昭曰蘇己姓國唐書世系表顯頊裔孫樊封于昆吾昆吾之子封于蘇其地鄆西蘇城是路史懷之武德有蘇故城與世系表異

三十六年作囿土

箋按周禮大司寇以囿土聚放罷民凡害人者置之囿土而施職事焉鄭氏注曰囿土者

土也然則帝芬之囿土蓋卽夏臺也

四十四年陟

箋按是年爲辛未而帝芒踰年改元

芬或曰芬發

箋按世本作芬附注或曰芬發也

帝芒

箋按夏本紀帝槐崩子帝芒立

元年帝卽位

箋按是年爲壬申

以玄珪賓于河

箋按堯八十六年司空入黷費用玄珪瑞應圖曰王者勤苦以憂天下厚人薄己則玄珪出蓋禹功既成天以賜禹至是而帝芒乃用以賓河也

十三年冬狩于海獲大魚

箋按星經曰天魚一星在尾後河中星明則海出大魚初學記引紀年曰后荒卽位元年以玄珪賓于河狩于海獲大魚誤合爲一年事也

三十三年商侯遷于殷

箋按商頌宅殷土芒芒鄭箋曰自契至湯八遷始居亳之殷地據竹書帝芒二十三年商侯遷于殷上距商侯冥死于河八十有二年此遷殷蓋玄冥之子子亥也

世本相土居商工冥往河治水子亥遷殷孔甲復歸商工則此遷殷者正殷侯子亥也孔甲乃上甲之孫國語所謂上甲微能帥契者玄冥之孫子亥之子也計夏后帝芒二十三年下距湯始居亳之殷地自六

十年其時已先稱殷周氏曰商人稱殷自盤庚始自此以前惟稱商而已據竹書商在夏已稱殷安在湯始居殷盤庚遷殷改商曰殷乎

五十八年陟

箋按是年爲己巳

芒芒曰帝荒

箋按史記索隱芒音亡都誕生又音荒也

竹書紀年注箋卷之四

帝泄

箋按夏本紀帝芒崩子帝泄立

元年辛未帝卽位

十二年殷侯子亥賓于有易有易殺而放之

箋按子亥遷殷見世本據竹書則子亥爲冥子遷殷在夏后帝芬二十三年至是三十八年矣山海經困民之國有人曰

王亥託于有易河伯僕牛有易殺王亥取僕牛郭注云河伯僕牛皆人姓名誤河伯僑前所云河伯

備伯是也僕牛地名也殷侯亥賓于有易託處于河伯僕牛之地有易乃殺王亥取僕牛如文八年取武城昭八年取鄭之例不得以河伯僕牛皆爲人姓名也又困民之國郭氏不注襄十四年傳若困民之主墮神絕望社稷無主將安用之林唐翁注困民之主曰困苦其民以主其國山海經困民之國常如是

十六年殷侯微以河伯之師伐有易殺其君緜臣箋按郭璞曰上甲微殷之賢王假師以義伐罪故河伯不得不助滅之

殷侯子亥賓于有易而淫焉有易之君緜臣殺而放之故殷上甲微假師于河伯以伐有易滅之殺其

君緜臣中葉襄而上甲微復興故殷人報焉箋按前漢書古今人表帝譽妃簡邊生高嵩五世孫冥冥子城師古曰城音該據竹書該卽亥也天閭該乘季德又

作該是亥讀爲該也該子微滅有易所以報父之讐也國語曰上甲微能帥契者也故殷人報焉

二十一年命吠夷白夷元夷風夷黃夷箋按後漢西羌傳昔夏后氏大康失國四夷背叛及后相卽位乃征吠夷七年然後來賓至于后泄始加爵命由是服從

注引竹書紀年曰后泄二十一年命吠夷白夷赤夷元夷風夷陽夷

二十五年陟

帝不降箋按夏本紀帝泄崩子帝不降立世本作帝降

元年己亥帝卽位

六年伐九苑箋按史記張良曰關中北有胡苑之利索隱曰苑馬牧也馬生于胡又接水經注苑川水出天水勇士縣之子城南山東北流歷子城川苑川水又北入于海疑卽爲九苑之故地也據

籙法原曰不降席崇最久九苑一符備可稱述蓋不降自卽位至陟年共六十九年也

三十五年殷滅皮氏箋按周左史戎夫記曰信不行義不立則哲士陵君政而生亂皮氏以亡謂此也括地志絳州龍門縣西一里八十步卽古皮氏城也

五十九年遜位于弟扁

箋按是年丁酉帝不降遜位於弟帝扁

帝扁

箋按夏本紀帝不降崩弟帝扁立今据竹書不降讓位于弟後十年始崩是史誤也

元年戊戌帝卽位

十年帝不降陟

箋按是年爲丁未

三代之世內禪惟不降實有聖德

十八年陟

箋按帝厘元年爲己未則帝崩崩年當是戊午十八疑二十之誤

帝厘

箋按夏本紀帝崩子帝厘立

一名盾甲

元年己未帝卽位居西河

箋按河在冀州之西曰西河

四年作西音

箋按呂氏春秋曰殷整甲徙宅西河猶思故處實始作爲西音今据竹書殷王河盥甲名整自相遷置無宅西河作西音之事惟夏后啓甲卽位元年居西河四年作西音而呂氏誤記

殷整甲也梁劉勰文心雕龍夏甲噴于東陽東音以發殷整思于西河西音以興是又以不韋誤矣

昆吾氏遷于許

附注己姓名契封于衛夏衰爲伯遷于舊許○箋按郡國志濮陽古昆吾國左傳昭十二年楚靈王曰昔我皇祖伯父昆吾舊許是宅是昆吾自衛而遷許也左傳許太岳之胤也

杜注許神農之後堯四岳也迂齋云申呂齊許皆四岳後堯讓許由卽其一也堯典咨四岳汝能庸命巽朕位是讓許由之實地理志潁川許縣故許國許後遷葉又遷夷又遷析卽白羽又遷容城故以潁川之許爲舊許今開封府許州卽昆吾所遷地也

八年天有妖孽十日並出

箋按高士傳堯讓天下于許由由曰十日並出而燭火不熄其光也不亦難乎此蓋以堯德光破如十日並照所謂就之如日也世誤以堯時果有十日堯命

羿射十日中其九矣觀竹書帝履八年十日並出而以妖孽書之豈堯時先有十日而不書乎其後樂二十九年兩日並出漢書五行志周靈王時有異如日者五晉愍帝建興五年三日並照唐書突厥傳五

日並出三月連明是皆妖孽之類也

其年陟

箋按帝履元年己未八年陟則是丙寅據孔甲元年己巳則中間尚隔丁卯戊辰二歲蓋孔甲居喪二年而卽位也夏制皆然

帝孔甲

箋按夏本紀帝履崩立帝不降之子孔甲

元年乙巳帝卽位居西河

箋按是己巳云乙巳誤

虜豕韋氏使劉累豢龍

箋按昭二十三年傳蔡墨對魏獻子曰昔有颺叔安有裔子曰董父實甚好龍能求其善欲以飲食之龍多歸之乃擾畜龍以服事帝舜帝賜之姓曰董氏曰豢龍

封諸豢川及夏后孔甲不能食而未獲豢龍氏陶唐氏既衰其後有劉累學擾龍于豢龍氏以事孔甲能飲食之夏后嘉之賜氏曰御龍以更豕韋之後杜預曰更代也以劉累代彭姓之豕韋鄭語曰醜夷董姓

祝融後王符曰醜夷豢龍則夏滅之今平陽聞喜縣有董澤一名豢龍池見昭二十九年傳路史堯長子監明早死封其子式于留留累其後也以豢龍事夏

三年王政于豢山

箋按呂氏春秋曰夏孔甲遊于東陽田于豢山天大風晦冥孔甲迷惑入于民室郡國志泰山南城縣有東陽城孔甲田于東陽豢山

五年作東音

箋按呂氏春秋曰夏后氏孔甲作破斧之歌實始爲東音

七年劉累遷于魯陽

箋按夏本紀劉累學擾龍以事孔甲龍一雌死以食夏后夏后使求懼而遷去括地志劉累故城在洛州緱氏縣南五十五里左傳曰遷于魯陽竹書曰遷于魯陽地理

志南陽魯陽縣有魯山古魯縣御龍氏所遷魯博物志劉累遷魯立堯祠于山一統志魯山在汝州魯山縣東一百八十里

王好事鬼神肆行淫亂諸侯化之夏政始衰

箋按夏本紀孔甲立好方鬼神事淫亂

田于東陽賁山天大風晦盲孔甲迷

惑入于民室

箋按山海經和山上無草木而多瑤碧實惟河之九都神泰逢司之是好居于賁山之陽

主人方乳或曰后來見夏日也之子必大吉

或又曰不勝也之子必有殃孔甲聞之曰以爲余一人子夫誰殃之乃取其子以歸既長爲斧所戕乃

作破斧之歌是爲東音劉累所畜龍一雌死潛醢以食夏后饗之既而使求之懼而遷于魯陽其後爲

范氏

箋按左傳襄二十四年范宣子曰昔句之祖自虞以上爲陶唐氏在夏爲御龍氏在商爲豕韋氏在周爲唐杜氏晉主夏盟爲范氏括地圖曰夏德盛二龍降之禹使范氏御之而行蓋因宣子之

言而推原之也

九年

箋按劉向列仙傳師門能使火爲夏孔甲龍師孔甲不能修其心意殺而埋之野外一旦風雨迎之訖則山木皆燔孔甲禍而禱之未還而道死又按陶弘景刀劍錄云夏孔甲在位四十年以八

年九月歲次甲辰采牛首山鍛鑄劍一銘曰甲括竹書則孔甲八年乃壬子非甲辰又在位九年而禱無四十年

殷侯復歸于商

箋按上甲微以帝芒二十三年遷殷至孔甲九年凡一百三十五年復歸商王計下距湯之居毫僅二十五年則此復歸商王者當是湯祖父主壬及主癸也

帝昊

箋按夏本紀孔甲崩子帝皋立

昊一作皐

元年庚辰帝即位

使豕韋氏復國

附注夏喪昆吾豕韋氏相繼爲伯○箋按孔甲元年廢豕韋氏至是復之郡國志東郡白馬縣有韋城古豕韋氏之國蓋彭姓之豕韋也

三年

箋按傳三十二年傳豕韋叔曰靖有二駿焉其南復夏后皋之葬也杜注皋夏桀之祖父

帝發

箋按夏本紀帝崩子帝發立素
應按世本帝崩生發及樂與此異

一名后敬或曰發惠

元年乙酉帝卽位

諸侯賓于玉門再保壙

箋按玉門當作玉門昭十八年傳鄭祁于四鄆杜注鄆城也爾雅謂之壙釋名曰壙容也所以隱蔽形容也尙書大傳曰天子貢庸鄆康成注貢大也言大牆正

直也案語曰孔子觀四門之壙是有一門卽有一門之壙也史記項羽紀成阜北門徐廣曰成阜北門曰玉門後漢東夷傳夏后太康失德夷人始辟自少康已後世服王化遂賓于玉門獻其樂舞今按竹

書帝發崩樂卽位居樹尋則樹尋在河南時帝發必先居河南之地樂因居之去成阜不遠是諸侯賓于玉門當卽此也月令注都邑之城曰保

會于上池

箋按會于池水之上曰上池猶郡在洛水之上則曰上洛是也

諸夷入舞

箋按孝經緯曰東夷之樂曰鞀南夷之樂曰任西夷之樂曰侏離北夷之樂曰禁五經通義曰舞四夷之樂明德澤廣被四表也東夷之樂持矛舞助時之生南夷之樂持羽舞助時之養賈

公彥周禮疏曰凡舞夷樂者皆門外爲之此言諸夷入舞者不知其舞于門外否也

七年陟泰山震

箋按泰岱也王者更姓改物有事于泰山所以著代也泰山震則將有代起而王者此其兆也

帝癸

箋按夏本紀帝癸崩子帝履癸立

一名桀

元年壬辰帝卽位居斟鄩

箋按括地志故鄩城在洛州鞏縣西南五十八里蓋桀所居也國策吳起對魏武侯曰夏桀之居左河濟右泰華伊闕在其南羊腸在其北

三年築傾宮

箋按淮南墜形訓傾宮旋室高誘曰傾宮宮滿一項旋以璇玉飾宮也左思吳都賦思比屋于傾宮畢結瑤而構瓊劉淵林注曰汲郡地中古文冊書曰桀築傾宮飾瑤臺紂作瓊室立

門玉

毀容臺

箋按周紀表商容之閭鄭康成曰商家樂官知禮容所以禮譽爾容臺
儒林傳孝文帝時徐生以容爲禮官大夫是也桀毀容臺則禮樂廢矣

吠夷入于岐以叛

箋按吠音犬韋昭曰春秋以
爲犬戎小顏曰卽昆夷也

六年岐踵戎來賓

箋按岐一作歧淮南墜形訓有歧踵民高誘注歧踵不至地以五指行呂氏春秋嘗
染篇夏桀染于羊辛岐踵戎是也大荒北經曰歧踵國在拘纓東其爲人大兩足亦大

一曰大踵郭璞曰其人行腳跟不着地也孝經鉤命決曰焦僂歧踵重譯欵塞
也又按山海經曰流沙行五百里有山曰歧踵之山或卽爲歧踵國故地也

十年五星錯行

箋按漢志曰歲星曰東方春木於人五常仁也五事貌也仁虧視失逆春令傷木氣罰見
歲星熒惑曰南方夏火禮也視也禮虧視失逆夏令傷火氣罰見熒惑太白曰西方秋金

義也言也義虧言失逆秋令傷金氣罰見太白辰星曰北方冬水知也聽也知虧聽失逆冬令傷水氣罰
見辰星填星曰中央季夏土信也思心也仁義禮知以信爲主貌言視聽以心爲主故四星皆失填星乃
爲之動易緯河圖曰日月五星同道起牽牛女虛危室壁奎婁胃昂皆行其南九尺畢北七尺觜參北一
丈三尺貫東井出鬼南六尺柳北六尺出星張翼北一丈三尺軫北三尺貫角亢出辰南二尺出房左右
股間出心北四尺出尾北九尺出箕北六尺貫南斗復至牛此日月五星所行之常道也荆州占曰五星
者五行之精也王者施恩布德正直清虛則五星順度出入應時人君無德遠君子近小人則五星逆行
變色出入不時

夜中星隕如雨

按箋春秋莊公七年夏四月辛卯夜中星隕如雨公羊傳曰如雨者非雨也非雨則曷爲
謂之如雨不修春秋曰雨星不及地尺而復君子修之曰星隕如雨竹書夏桀十年星隕

如雨者紀年
法春秋文也

地震

箋按周語曰夫天地之氣陽伏而不
能出陰迫而不能蒸如有地震

伊洛竭

箋按伯陽甫曰昔伊洛竭而夏亡韋昭曰禹都陽城伊洛所近謂此也余謂
桀居緡尋在鞏洛則伊洛最近何必遠追神禹乎又禹避丹朱陽城非都也

十一年會諸侯于仍有緡氏逃歸遂滅有緡按昭四年傳椒舉曰夏桀爲仍之會有緡叛之山海經

仍之謠春秋昭二十三年齊侯伐宋圍緡杜注緡宋邑高平昌邑縣東南有東緡郡國志山陽東緡縣春秋時曰緡

十三年遷于河南按周書度邑篇武王曰吾將因有夏之居南望過于三塗北瞻有河是在大河之南也

初作鞏按爾雅鞏御不驚鞏者也郭璞曰徒晚鞏車後漢陰就外戚驥貴并丹譏之曰昔樂乘人車豈此耶又周禮鄉師之職大軍旅會同正治其徒役與其鞏鞏鄭注曰鞏駕馬聲人執行司馬法曰

夏后氏謂鞏曰余車殷曰胡奴車周曰輻鞏夏后氏二十八人而鞏殷十八人而鞏周十五人而鞏通典曰夏后氏末代制鞏是也

十四年扁帥師伐岷山附注一作山民○按楚辭天問曰桀伐蒙山何所得焉王逸注曰蒙山國名也言夏桀征伐蒙山之國而得妹嬃也今據竹書桀伐岷山卽蒙山也岷山女嬃二

人曰琬曰琰非妹嬃也妹嬃有施氏女非岷山也逸注並誤

桀命扁伐山民山民女于桀二人曰琬曰琰后愛二人女無子焉斲其名于荝華之玉荝是琬華是琰

按歐陽詢藝文類聚引紀年曰桀伐珉山珉山莊王女而棄其元妃于洛曰妹喜按國語曰若夏于桀二女曰琬曰琰今本竹書無莊王事知遺佚多矣

以未喜女焉注按天問曰妹嬃何肆湯何極焉似亦以妹嬃見棄爲問又列女傳曰夏桀既棄禮義淫于婦人求四方美女積之後宮作瀾漫之

樂則琬琰亦其一也又按管子地數篇曰女華者桀之所愛也曲逆者桀之所善也湯管事之以千金女

華卽女琰也以刻于華曰女華又按國語曰未喜與伊尹比而亡夏樂府折楊柳行曰未喜殺龍逢桀放

於鳴條甚其罪耳王弼州四部稿曰竹書紀年桀棄其元妃于洛曰妹喜氏則妹嬃以乘而亡國非以變而亡國也據此則與桀奔南巢者疑爲琬琰而非妹喜也淮南子曰湯放桀于歷山與妹喜同舟浮

江奔南巢之山未足據也

十五年商侯履遷于亳

附注成湯元年○箋按孔甲九年殷侯復歸于商
工至此又自商工而遷亳湯居亳與葛爲鄰者也

十七年商使伊尹來朝

箋按孫子兵書云伊尹名摯呂氏春秋本味篇有佚氏女子採桑得嬰兒于空桑之中獻之其君其君令焯人養之長而賢湯聞伊尹使人請之有佚氏有佚氏不

可湯於是請取妻爲婦有佚氏喜甚以伊尹爲媵送女湯得伊尹祓之于廟明日朝而見之說湯以至味高誘曰焯猶庖也一統志空桑城在陳留縣南一十五里帝王世紀云伊尹生于空桑

二十年伊尹歸于商及汝鳩汝方會于北門

箋按書敘曰伊尹去亳適夏既醜有夏復歸于亳入自北門乃遇汝鳩汝方孔傳曰鳩方二人湯賢臣又焦氏筆乘曰媵

說文送也史載湯塔有莘以伊尹爲媵送女故稱有莘媵臣楚辭魚鱗兮媵予爾雅亦云媵將送也然則世以媵臣爲賤者非也蓋彼有迎此有送春秋如齊逆女者迎也此以伊尹爲媵者送也胡傳引公羊三國來媵以爲媵妾者非也若以爲媵妾魚鱗兮媵予亦可爲妾乎後漢書馮衍志賦曰昔伊尹之于湯兮七十說而乃信太子賢注曰伊尹負鼎俎以干湯七十說而乃信謂年七十說湯乃得信也信音

申

二十一年商師征有洛克之

箋按周左史戎夫記曰昔有洛氏宮室無常池圍廣大工巧日進民不得休農失其時饑饉無食成湯伐之有洛以亡

遂征荊荆降

箋按商頌曰維汝荆楚居國南鄉在昔成湯自彼氏羌莫敢不來享莫敢不來王是也

二十二年商侯履來朝命囚履于夏臺

箋按夏本紀桀乃召湯而囚之夏臺索隱曰獻名夏曰夏臺皇甫謐曰地在陽翟是也太公金匱曰桀怒湯以諛臣趙梁計召而囚

之鈞臺置之重泉杜預左傳注河南陽翟有鈞臺陂一統志夏臺在河南鞏縣西南卽夏桀囚湯處是重泉亦卽夏臺之土室也楚辭天問曰湯出重泉夫何辜尤不勝心伐帝誰使挑之朱子集注曰重泉地名在左馮翊史記所謂夏臺也然漢馮翊重泉縣今在西安府華州蒲城縣東南四十五里秦本紀簡公六年斬洛城重泉者也安得一之洪興祖楚辭補注亦以爲馮翊重泉皆誤

二十三年釋商侯履諸侯遂賓于商

箋按帝王世紀曰夏桀無道舉諫者湯使人哭之桀囚湯使于夏臺而後釋之諸侯由是咸叛桀附湯同日供職者五百國三年而天下

二十六年商滅温按括地志故温城在懷州温縣西三十里

二十八年昆吾氏伐商按郡國志東郡濮陽古昆吾國鄭語史伯曰己姓昆吾則商滅之是也前漢書古今人表有昆吾師古曰姒姓國也帝王世紀曰河東安邑縣有昆吾亭疑此伐

商者乃姒姓之昆吾與桀同姓故因為桀而伐商非必定是濮陽之昆吾也

商會諸侯于景亳按昭四年傳椒舉曰商湯有景亳之命郡國志梁國蒙縣劉昭注引帝王世紀曰有北亳即景亳湯所盟處又按有景山故名景亳

遂征韋商師取韋按郡國志東郡白馬縣有韋鄉鄭語史伯曰彭姓豕韋則商滅之又按古今人表有劉姓豕韋

遂征顧按古今人表有鼓師古曰即顧國也史記索隱曰郡國志顧在東郡廩丘縣北今曰顧城春秋哀二十一年公及齊侯盟于顧即是城也

太史令終古出奔商按按姓氏譜紂行亂政三旬不朝終古執圖法泣諫不聽先奔于商三年而桀乃亡淮南汜論訓夫夏之將亡太史令終古即奔商

二十九年商師取按詩韋顧既伐是湯先取韋後取顧也

三日並出按三當作二孝經緯曰夏時兩日並出讖曰桀無道兩日照荊州古曰兩日以上出天下有災夏以兩日亡京氏曰兩日並出天下爭王

費伯昌出奔商按夏后啓二年費侯伯益出就國此費伯蓋其後也王充論衡曰桀無道兩日並照在東者將起在西者將滅費昌問馮夷曰何者為殷何者為夏馮夷曰西夏也東殷也於是

費昌徙族歸殷

冬十月鑿山穿陵以通于河按按通志曰桀鑿山穿陵以通于河陳者曰鴻天氣發地藏天子失道後必有敗桀殺之耆老或諫桀又殺之

三十年瞿山崩

按通志曰瞿山崩爲大澤水深九尺山覆于谷下反在上

殺其大夫關龍逢

按通志曰桀有暴臣于辛陵讎諸侯諷臣左師曹觸龍讎賊忠夏關龍逢引黃圖以諫曰古之人君愛民節用享國之日長今君用財若無窮殺人若弗勝亡無日矣立而

不去桀曰子又妖言矣於是焚黃圖殺龍逢

商師征昆吾

按桀二十八年昆吾伐商商既征韋又征顛至是遂征昆吾

冬聆隧災

按聆當作聆音琴周語內史過曰商之亡也回祿信于聆隧韋昭曰回祿火神再宿曰信

三十一年商自陟征夏邑

按書敘曰伊尹相湯伐桀升自陟遂與戰于鳴條之野作湯誓孔傳曰夏都安邑湯升道從陟出其不意陟在河曲之南

克昆吾

按昭十八年傳二月乙卯周毛得殺毛伯過斐弘曰毛得必亡是昆吾稔之日也詩長發越曰言昆吾以乙卯日亡也

大雷雨戰于鳴條

按括地志高陲原在蒲州安邑縣北三十里南阪口卽古鳴條陌也鳴條戰地在安邑西皇甫謐按伊訓曰進攻自鳴條朕哉自亳今安邑見有鳴條陌昆吾亭左氏以爲

昆吾同以乙卯日亡韋顛亦爾故詩曰韋顛既伐昆吾夏桀於左氏昆吾在衛乃在濮陽不得與桀異處同日而亡明昆吾亦來安邑欲以衛桀故同日亡而安邑有其亭也今據古今人表有嬭姓昆吾或在鳴條則昆吾以乙卯亡未必卽濮陽之昆吾也

夏師敗績

按秦本紀若木元孫菽昌當夏桀之世去夏歸商爲湯御以敗桀于鳴條

桀出奔三股

按郡國志濟陰定陶縣有三股亭

商師征三股

按書敘曰湯伐三股俘厥寶玉誼伯仲伯作典寶孔傳曰二臣作典寶一篇

戰于郟

箋按呂氏春秋簡選篇殷湯其車七十乘必死六千人以戊子戰于郟遂禽移大轡誘注曰樂多力能推大轡因以爲號而禽克之又按郡國志濟陰成縣本國左傳杜預注東平剛父縣有郟鄉

獲桀于焦門

箋按淮南主術訓桀之力制賂仲鈞索鐵歛金然湯革車三百乘困之鳴條擒之焦門高誘曰焦或作巢一統志巢湖在巢縣西十五里一名焦湖周圍四百餘里據此則焦門當卽是

巢門也

放之于南巢

箋按周書般祝解湯將放桀于中野士民開湯在野皆委貨扶老攜幼奔國中虛桀與其屬五百人南徙千里止于不齊民往奔湯于中野

與五百人去居孔晁注不齊魯地名居南巢之地名地理志居巢縣屬廬江

重鑑注廬江六縣有居巢城桀奔此因以放之陪煬帝大業十年二月詔曰黃帝五十二戰成湯二十七征方乃德施諸侯令行

天下帝王世紀曰成湯凡二十七征而德施于諸侯

自禹至桀十七世有王與無王用歲四百七十一年

起壬子終壬戌○箋按帝王世紀自禹至桀并數有窮凡十九王合四百三十二年世史始禹甲戌終桀

年甲午共四百四十一年葉史始禹丙子終桀甲子共四百三十九年今據竹書契泥不在王數凡十有七王用歲四百七十一年

竹書紀年統箋卷之五

殷商成湯

箋按詩商頌譜曰商者契所封之地國語元王勤商十四世而興是其始稱商也竹書盤庚自奄遷于北蒙曰殷元鳥云殷受命咸宜是其兼稱殷也大明云殷商之旅蕩云杏女殷商是又

總稱爲殷商也詩補傳曰殷以澗水得名古澗水縣今陳州之商水縣也殷商兼商山澗水言之鄭氏通志曰澗水出陽城東至西華汝潁入于潁與潁水合流古人并帶潁爲殷故命以殷焉

履

湯有七名而九征

箋按湯名帝乙見易緯名天乙見世本名履見魯論名祖乙見白虎通曰成湯曰武王見詩是七名也湯始征葛次征荊征溫次征韋征顧次征昆吾征夏邑征三股戰

子廊獲樂焦放桀于南巢而還諸侯八譯而來者千八百國箋按仲應之語曰表正萬邦續禹暨服國門是九征也策顏闕曰古大禹之世時諸侯萬國及湯

之時諸奇肱氏以車至乃同尊天乙履為天子三讓遂即天子之位箋按河圖括地象曰奇肱氏能為侯三千飛車從風遠行博物志曰湯時西

風吹其車至豫州湯破其車不以示民十年東初高辛氏之世妃曰簡狄以春分元鳥至之日從帝祀風至乃復作車遺返而其國去玉門關四萬里

郊禱與其妹浴于元邱之水箋按一統志晉丘在開封府祥符縣界內一名清丘又名玄池昔原簡狄浴于晉丘之水有玄鳥遺卵吞之遂生契有元鳥銜卵而

墜之五色甚好二人競取覆以玉篋箋按淮南子曰有城在不周之北長女簡翟少女建統簡狄先得而吞之遂孕胸剖而生契

箋按白虎通曰殷姓子氏祖以玄鳥子也長為堯司徒成功于民受封于商箋按皇甫謐關駟並以爲上洛高縣後十三世生主癸主癸之妃

曰扶都見白氣貫月意感以乙日生湯號天乙豐下銳上哲而有揖箋按晏子春秋曰湯長頭而髯旬身而揚聲箋按

旬身帝王世紀作偃身長九尺臂有四肘是為成湯箋按禮別名記曰湯臂四肘是謂神翼擴去不義萬民蕃息湯在亳能修其德伊摯將應

湯命夢乘舟過日月之旁箋按孫子兵書曰伊尹名摯庚信銘乘舟相日又詠懷詩乘舟能上月皆用此也湯乃東至于洛觀帝堯之壇沉璧

退立黃魚雙鬣黑鳥隨之止于壇化為黑玉箋按魚案典略曰湯東觀洛洛沉璧黃魚雙躍出于壇帝王世紀曰湯沉璧于洛獲黃魚黑玉之瑞又有黑

龜並赤文成字言夏桀無道湯當代之箋按沈約宋書曰玄龜洛書者天符也王者德至川泉則洛出龜書橈杙之神見于邳山箋按周語曰商

之與也橈杙次于邳山有神牽白狼銜鈎而入商朝箋按尚書璇璣鈴曰湯受金符帝籙白狼銜鈎入殷朝金德將盛銀自山溢箋按漢書郊祀志殷

得金德樂白山溢湯將奉天命放桀夢及天而砥之遂有天下商人後改天下之號曰殷箋按既宋書符瑞志作錫後漢書鄆后紀

后嘗夢捫天蕩蕩正青若有鐘乳狀乃仰嗽飲之以訊占夢占夢言真夢也
天而上湯夢及天而嘔之斯皆聖王之前占吉不可言太子賢注曰嘔音是

十八年癸亥王即位
按沈約注帝癸十五年成湯始為諸侯之元年癸在位三十一年湯放之南巢
明年湯始代夏為天子從湯為諸侯元年計之十八年也竹書起癸元年丙子至

湯十八年癸亥共五百八十八年故
孟子謂由堯舜至湯五百有餘歲也

居亳
按書敘曰湯既黜夏命復歸于亳作湯誥又周書殷祝解曰湯放桀而復薄三千諸侯大會湯退
再拜從諸侯之位湯曰此天子位有道者可以處之天子非一家之有也有道者之有也故天下惟

有道者理之惟有道者宜久處之湯以此讓三千諸侯莫敢即位然後湯即天子之位古薄與亳通此
即孟子所謂湯居亳與葛為鄰後漢郡國志梁國穀熟縣有南亳宿陔縣有葛鄉者也皇甫謐曰孟子

稱葛伯不祀湯使亳衆為之耕若湯居偃師去南陔八百餘里豈常使民往為之耕乎竹書湯即位居
亳蓋南亳也程史曰昔湯之元祀歲星順行與日合於房房宋亳分也則亦以湯代夏之元祀所居為

宋亳而非偃師之亳矣書敘曰自契至于成湯八遷從先王居作帝告沃盥此則從克夏歸亳之後復
遷于偃師之亳為帝嚳舊居故曰從先王居也孔氏疏曰序所言帝告不知告誰正未嘗帝告之告當

讀為嚳古作倍告即嚳從倍省也帝告沃盥者以其因帝借舊居沃土來遷盥亦來也若湯時代夏稱
王何由稱帝告乎史記殷本紀湯始居亳從先王居作帝誥誥乃倍字之訛傳寫者誤耳孔傳以為作

誥告先王
則已誤矣

始屋夏社
按書敘曰湯勝夏欲遷其社不可作夏社疑至臣扈孔疏曰疑至臣扈當是二人名程子曰
亡國之社遷之禮也湯存之以為後戒故湯既勝夏欲遷其社不可春秋書亳社災皆自湯之

不遷始也又按殷時立四輔有
疑承補弼疑至之疑始官名也

十九年大旱

民羌來貢
按商頌曰昔有成湯自彼氏羌莫
敢不來享莫敢不來王是其事也

二十年大旱

夏筮卒于亭山禁弦歌舞

筮按輿地志曰異縣臥牛山後有築王城晉書地理志注云築死于未詳今据竹書樂卒于亭山是即異縣之臥牛山矣

二十一年大旱鑄金幣

筮按管子曰湯七年旱民之無糧賣子者湯以莊山之金鑄幣而贖民之無糧賣子者漢書食貨志注師古曰凡言幣者所以通貨物易有無也故金之與錢皆名

為幣也若然則湯之鑄金幣者蓋鑄金以為幣也橫渠理窟曰幣金玉齒革布泉之雜名是也其後齊桓公令左司馬伯公將白徒鑄錢于莊山蓋又法湯而為之

二十二年大旱

筮按漢公孫弘傳武帝元光五年復徵賢良文學上策詔諸儒制曰禹湯水旱厥咎何由弘對曰臣聞堯遭洪水使禹治之未聞禹之有水也若湯之旱則桀之餘烈也桀紂行惡

受天之罪禹湯積德以王天下由此觀之天德無私親順之和起逆之害生此天文地理人事之紀

二十三年大旱

筮按莊子書公孫龍曰湯之時八年七旱墨子曰禹七年水湯五年旱氾勝之書曰湯有旱災伊尹為區田後漢劉般傳有區種法言區土藝禾根也區與漚同

二十四年大旱王禱于桑林雨

筮按尸子曰湯之救旱也素車白馬布衣身嬰白茅以身為牲殷本紀曰湯既放桀後大旱七年以身禱于桑林之野祝曰無以余一人之不敏傷

民之命以六事自責曰政不節與民失職與宮室崇與女禍盛與苞苴直行與讒夫昌與言未已大雨方數千里又按左傳昭二十一年宋城舊墉及桑林之門淮南修武訓湯禱于桑山之林國策張儀說韓

王曰奏東取成臯宜陽則鴻臺之宮桑林之苑非王之有矣呂氏春秋湯禱于桑林之社而雨大至又曰立湯後于宋以奉桑林

二十五年作大濩樂

筮按呂氏春秋曰殷湯即位命伊尹作為大濩歌晨露修九招六列孔氏曰晨露九招六列蓋大濩之別曲名也左傳襄十年宋公享晉侯于楚丘請以桑林杜注桑林

殷天子之樂名是大濩因桑林之禱而作也熊氏曰濩護也言湯之寬仁能救護生民也

初巡狩

筮按鄭志答孫皓曰唐虞之禮五載一巡守夏殷之時天子蓋六年一巡守今湯以連年大旱故七年初巡狩也

定獻令

按周書曰伊尹朝獻商書湯問伊尹曰諸侯來獻或無馬牛之所生而獻遠方之物事實相反不利吾欲因其地勢之所有獻之必易得而不費其爲四方獻令伊尹受命於是爲四方令曰

正東符世仇州伊盧溫深九夷十蠻越鬻鬻髮文身請令以魚支之鱗鳥鱗之鱗較敵利劍爲獻正南

鄧桂國捐子產里百濮九函請令以珠璣瑇瑁象齒文犀翠羽繭短狗爲獻正西崑崙狗國兔親

棋已關耳其胸雖離工漆齒請令以丹青白旄執蜀江歷龍角神龜爲獻正北空同大夏莎車姑他

且略貌胡戎翟阿奴樓煩月兵熾烈共龍東胡請令以橐駝白玉野馬詢駝駝良弓爲獻湯曰善

二十七年遷九鼎于商邑

按墨子曰昔夏后使飛廉折金于荆山鑄鼎于昆吾使翳難雉乙灼白若之龜龜曰鼎成四足而方不炊自亨不舉自藏不遷自行乙又言兆之龜曰嚶矣

蓬蓬白雲一南一北一西一東九鼎既成遷于三國通鑑會編曰夏后禹四歲鑄九鼎說文曰禹鑄九鼎

荆山之下在馮翊懷德縣南王子年拾遺記曰禹鑄九鼎五者以應陽法四者以象陰數使工師以雌金

爲陰鼎以雄金爲陽鼎鼎中常滿以占氣象之休否又張華博物志曰著一千歲而三百董明夷曰昔夏

后堯乘龍而登于天而枚占史華陶陶曰吉昔啓董徒九鼎啓果徙之則是夏后啓時已有遷鼎之事矣

左傳宣三年楚子問鼎王孫滿曰桀有昏德鼎遷于商漢書郊祀志禹收九牧之金鑄九鼎象九州夏

德衰鼎遷于殷帝王世紀曰湯卽天子位遂遷九鼎于亳至大坳而有慚德是湯遷鼎之事也詩商邑

翼翼集傳商邑王都也

二十九年陟

按書誓于桐宮密遷先王孔安國曰桐湯葬地杜預曰蒙縣西北有亳城中有湯冢皇覽曰湯冢在濟陰亳縣北東郭去州三里漢綱向傳殷湯無葬處師古曰謂不見傳記也蓋是

時孔傳未出故向亦不知也

外丙

按殷本紀湯崩太子太丁未立而卒于是乃立太丁之弟外丙 名勝

元年己亥卽位居亳命卿士伊尹

按己亥誤當是乙亥湯十八年爲癸亥二十九年爲甲戌則外丙元乙亥

二年陟

仲壬

箋按殷本紀外丙卽位三年崩立外丙之弟仲壬竹書二年陟與孟子同史云三誤

名唐

元年丁丑王卽位居亳命卿士伊尹

箋按商彝器有丙寅卣銘曰丙寅王錫博古錄曰商建國始于庚戌歷十七年而有丙寅正在仲壬卽位之二年今據竹書仲壬二年乃

丙寅非

四年陟

箋按趙岐注孟子外丙立二年仲壬立四年與竹書合邵子經世史不載二王之名程子伊川以古人謂歲爲年外丙方二歲仲壬方四歲張氏經世紀年謂邵子以數推知去外丙仲壬之年乃

合於尙書成湯既沒太甲元年之說唐孔氏正義謂班固不見古文譌從史記而張衡通載乃云以紀年推之外丙仲壬合於歲次尙書缺略而正義之說謬

太甲

箋按殷本紀帝仲壬卽位四年崩伊尹適立太丁之子太甲太甲成湯嫡長孫也

名至

元年辛巳王卽位居亳命卿士伊尹

箋按書敘曰成湯既沒太甲元年伊尹作伊訓肆命徂后書曰惟元祀二月乙丑伊尹祀于先王奉鬯王祇見厥祖伊尹乃明言烈祖之

成德以訓于王是也史記正義曰湯卽位都南亳後徙西亳書三亳阪尹偃師爲西亳蒙爲北亳卽景毫穀熟爲南亳也括地志亳故城在偃師縣西十四里又唐志大衍歷推太甲二年壬午歲冬至應在女六

度今據竹書太甲元年辛巳則二年爲壬午不爽也

伊尹放太甲于桐乃自立

箋按書太甲上曰惟嗣王不惠于爾衡伊尹曰予弗狎予弗順營于桐宮密邇先王其訓無傳世誅王徂桐宮居憂蔡仲默引吳氏曰太甲既卽位于仲壬之

概前方居憂于仲壬之殯側是也殷本紀帝太甲既立三年不明暴虐不遵湯法亂德於是伊尹放之于桐宮三年伊尹攝行政當國以朝諸侯孔傳曰桐湯葬地鄭氏曰有王離宮焉太康地記曰尸鄉南有亳

坂東有桐城太甲所放處也正義曰尸鄉在偃師西南五里通鑑太甲卽位不明厥德顛覆湯之典聖伊尹放之于桐宮注曰桐湯墓所在平陽府曲沃縣西南有桐鄉城世傳伊尹放太甲于桐卽此按是時太

甲居亳在河南偃師豈有遠之曲沃之理自當從太康記也

附約按伊尹自立蓋誤以攝政爲真爾箋按陳氏越石曰臣之忠有幸而患者也君之立有幸而立者

其後翦取于西魏取于東司馬之有天下其始也未嘗不伊不周其後也未嘗不伊不周

七年王潛出自桐殺伊尹箋按文選陸士衡豪士賦注引紀年太甲潛出自桐殺伊尹考竹書紀年事事與經史扶同獨太甲潛出自桐殺伊尹一事敢立異議不顧事之有無者彼見夫

三首處晉君子媼氏田和遷康公于海上往往託伊尹放太甲之美名明示其可以潛爲之謀而殺之故設爲太甲殺伊尹之說所以塞奸臣之膽而壯我君之氣也如春秋外傳褒姒與伊尹比而亡夏姬己

與膠高比而亡周豈必實有是事哉

天大霧三日乃立其子伊陟伊奮命復其父之田宅而中分之箋按書敘曰太甲既立不明伊尹放諸桐三年後歸于亳思庸伊尹作太甲三篇夫

豈有七年而仍在桐者此疑爲後人所闖入也爾雅地氣發天不應曰霧霧謂之晦郭注言晦冥邢昺曰霧又名晦春秋傳十五年己卯晦震夷伯之廟公羊穀梁皆云晦冥也

附約按此文與前後不類蓋後世所益

十年大饗于太廟箋按月令季秋大饗帝注以禘祭爲大饗是也書咸有一德伊尹曰七世之廟可以觀德孔傳曰天子立七廟有德之王則爲祖宗其廟不毀故可觀德禮王制天子七廟三

昭三穆與太祖之廟而七鄭注曰此周制七者太祖及文王武王二祧與親廟四殷則六廟契及湯與二昭二穆夏則五廟無太祖禹與二昭二穆而已孔疏曰其由不見古文故爲此謬說此篇乃商書已

云七世之廟則天子立七廟王者常禮非獨周人始有七廟也今天子大饗太廟蓋合羣廟之主于太祖之廟而禘祭之故曰大饗也又按商頌詩序曰長發大禘也王肅以大禘爲殷祭謂禘祭宗廟非祭

天也則此所云大饗者其卽商頌之大禘乎

初祀方明箋按漢律歷志伊訓篇曰惟太甲元年十有二月乙丑朔伊尹祀于先王鬻賁有牧方明雖有成湯太丁外丙之服以冬至越菟祀先王于方明以配上帝是朔且冬至之歲也孟康曰方明

者神明之象也以木爲之方四尺畫六采東青西白南赤北黑上
玄下黃今据竹書太甲十年初祀方明則漢志云元年者誤也

十二年陟

箋按郡國志濟陰歷城縣皇
覽曰太甲有冢在歷山上

沃丁

箋按殷本紀帝太甲稱
太宗太宗崩子沃丁立

名綱

元年癸巳王卽位居亳命卿士咎單

箋按書敘曰咎單作明居孔傳曰咎單臣名主土地之官作明居民
法一篇馬融曰咎單爲湯司空是歷仕四世至沃丁命爲卿士與尹

爲左
右也

八年祠保衡

箋按書君奭篇公曰在太甲時則有若保衡說命曰昔先正保衡作我先王佑我烈祖鄭氏
曰此三公之官當時爲之號也闕顯曰殷帝沃丁之時伊尹卒葬于亳皇甫謐曰伊尹爲湯

相號阿衡沃丁八年伊尹卒卒年百有餘歲大霧三日沃丁葬之
以天子禮書敘曰沃丁既葬伊尹于亳咎單遂訓伊尹事作沃丁

十九年陟

小庚

附注史記作太庚○箋按
殷本紀沃丁崩弟太庚立

名辨

元年壬子王卽位居亳

箋按小庚小甲雍己元年卽位皆
不言命卿士者並咎單爲相也

五年陟

小甲

箋按殷本紀帝太庚崩子小甲立
徐廣曰世表云帝小甲太庚弟也

名高

元年丁巳王卽位居亳

十七年陟

雍已按本紀帝小甲崩弟雍已立

名佃按佃一

元年甲戌王卽位居亳

按史記曰雍已之時殷道衰諸侯或不

十二年陟

太戊

按本紀帝雍已崩弟太戊立据孔氏書傳太戊沃丁弟之子陸氏釋文曰太戊馬云太甲子蓋太庚爲沃丁弟而釋文引馬融所云太甲子甲誤當作庚

名密

元年丙戌王卽位居亳命卿士伊陟臣扈

按書敘曰太戊贊于伊陟作伊陟原命周書君奭曰在太戊時則有若伊陟臣扈是也孔傳伊陟伊尹子伊陟原命二篇皆亡今

据竹書伊陟始見于太甲七年至此凡六十二年命爲卿士

七年有桑穀生于朝

按書敘曰亳有祥桑穀共生于朝伊陟贊于巫咸作咸父四篇孔傳曰二木合生七日大拱贊告也巫咸臣名皆亡又按小雅鶴鳴篇爰有樹檀其下維穀朱注穀一

名椿惡木也焦氏筆乘曰史記桑穀共生穀樹名皮可爲紙穀从木音構穀从禾音谷穀从米音叨今多混

十一年命巫咸禱于山川

按離騷經巫咸將夕降兮王逸注巫咸古神巫也當殷中宗之世史記封禪

神事太戊使咸釀群桑之災所以謂巫咸之興自此始也今按尚書孔氏傳以巫咸爲巫氏書明言巫咸父王家其非巫覡可知莊子天運篇巫咸招曰天有六極五常注巫咸殷相招名越絕書曰虞山者

巫咸所出也去縣百五里

二十六年西戎來賓

按西戎西方之戎禹貢西戎卽敘是也殷本紀曰帝雍已立殷道衰諸侯或不至弟太戊立伊陟爲相殷復興諸侯歸之今西戎來賓諸侯可知又按漢書匈奴傳隴

西有懸諸吠戎狄獯之戎岐梁涇漆之北有義渠大荔烏氏陶衍之戎而晉北有林胡樓煩之戎燕北有東胡山戎各分散豁谷自有君長往往而聚者百有餘戎

王使王孟聘西戎

箋按山海經丈夫國在維鳥北其爲人衣冠帶劍郭璞曰殷帝太戊使王孟採藥從西王母至此絕糧不能進食木實衣木皮終身無妻而生二子圖贊曰丈夫之國王孟是

始卽此聘西戎事也

三十年命費侯仲衍爲車正

箋按秦本紀女華生大費是爲柏翳舜賜姓高氏大費生子二人一曰大廉二曰若木大廉元孫曰中衍鳥身人言帝太戊聞而卜之使御吉遂致使御

而妻之又按定元年傳奚仲居薛以爲夏車正杜注爲夏掌車服大夫則車正自夏始也

三十五年作寅車

箋按詩小雅六月疏曰夏后氏曰鈞車殷曰寅車周曰元戎司馬法文也是寅車始大戊也

四十六年大有年

箋按春秋宣十六年大有年左氏公羊皆無傳

五十八年城蒲姑

箋按郡國志下邳取慮縣有蒲姑陂左傳昭十六年齊師至蒲隧杜預曰縣東有蒲姑陂

六十一年東夷來賓

箋按後漢東夷傳注王制云東方曰夷夷有九種曰吠夷于方夷黃夷白夷赤夷元夷風夷陽夷

七十五年陟

箋按周書無逸曰昔在殷王中宗熾恭寅畏天命自度治民祗懼不敢荒惰歸中宗之享國七十有五年孔傳曰太戊也殷家中世尊其德故稱宗

太戊遇祥桑側身修行三年之後遠方慕明德重譯而至者七十六國商道復興廟爲中宗

附注竹書作太宗○

箋按商頌詩序曰烈祖祀中宗也鄭箋曰中宗商王太戊史記曰殷道衰諸侯或不至帝太戊伊陟相殷復興諸侯歸之故稱中宗

仲丁

箋按殷本紀中宗崩子帝仲丁立仲丁書闕不具書敘曰仲丁遷于囂作仲丁今亡

名莊

元年辛丑王卽位自亳遷于囂于河上

箋按殷本紀仲丁遷于囂索隱曰囂亦作瀉水經注瀉水東遷故山在鄆州河陰縣西北二十里秦時狄氏築倉其上因以名山非矣

括地志囂陽故城在鄆州蔡澤縣西南十七里殷時囂地也一統志敘

六年征藍夷

箋按後漢東夷傳桀爲暴虐諸夷內侵殷湯革命而定之至于仲丁藍夷作寇太丁賢曰仲丁殷太戊之子也竹書紀年仲丁卽位征于藍夷也

九年陟

外壬

箋按殷本紀帝仲丁崩弟外壬立

名發

元年庚戌王卽位居囂

邳人姚人叛

箋按昭元年傳趙孟曰虞有三苗夏有觀扈商有姚邳周有徐奄杜注姚邳二國商諸侯邳下邳縣括地志古仇城在陳留縣東五里

十年陟

河亶甲

箋按殷本紀帝外壬崩弟河亶甲立河亶甲時殷復衰

名整

元年庚申王卽位自囂遷于相

箋按書敘曰河亶甲居相作河亶甲孔傳曰相地名在河北括地志故殷城在相州內黃縣東南十三里卽河亶甲所築都之故名殷城也王伯厚

地理通釋曰河亶甲居相在河北相州安陽本盤庚所都卽北冢殷墟南去朝歌城百四十六里竹書紀年盤庚自奄遷于北冢曰殷墟南去鄆四十里此皆全抄史記正義注誤也史記漢高祖紀項羽王趙將

司馬卽爲殷王都朝歌正義曰以商帝盤庚國殷中之地改商爲殷在相州安陽縣卽北冢殷墟南去朝歌百三十六里故號殷王殊不知書敘以河亶甲居相卽乙始目相遷歌故世以朝歌北爲殷墟若盤庚

所徙改商爲殷在梁國蒙縣殷有三亳蒙爲北亳曰北蒙非北冢也正義說謬而通釋據之非也

三年彭伯克邳

箋按鄆語史伯曰大彭豕韋爲商伯矣韋昭曰陸終第三子曰錢封于大彭彭城是也時大彭爲商伯故稱彭伯也

四年征藍夷

箋按藍夷卽前仲丁所征者至是復叛故征之鄆國志南陽隸陽有藍鄉東海伊盧亦有藍鄉南郡編縣有藍口聚不知誰是其地也

五年佻人入于班方彭伯韋伯伐班方佻人來賓

箋按外壬元年邳佻同時而叛越十有三年彭伯克邳則佻人勢孤而入于班方彭伯韋伯共伐之韋昭曰豕

章彭姓之別封二國相繼爲商伯漢韋賢傳以詩諫楚王戊曰肅肅我祖國自家韋彤弓斯征撫寧遐荒總齊羣邦以夏大商迭彼大彭勳績維光當卽謂彭伯韋伯同伐班方時事也

九年陟

箋按商彝器有足跡彝薛尚功曰此器在涇水之濱宣甲墓旁得之銘作亞形中有左足跡是河宣甲之陟彝此也

祖乙

箋按殷本紀河宣甲崩帝祖乙立商彝器有祖乙卣薛用敏曰祖乙者河宣甲之子也

名滕

元年己巳王卽位自相遷于耿

箋按閔元年傳晉滅耿杜注平陽皮氏縣東南有耿鄉水經注汾水西遷耿鄉城北書敘曰盤庚遷于耿也尙書祖乙遷耿腳注云盤庚遷耿誤也

通鑑注耿古耿國在蒲州城東北今河津縣是

命彭伯韋伯

箋按韋昭曰二國相繼爲商伯今據竹書祖乙元年命彭伯韋伯則是同時爲二伯如周召之分陝也

二年圮于耿自耿遷于庇

箋按書敘曰祖乙圮于耿作祖乙孔疏曰祖乙居耿今爲水所毀更遷他處故言毀于耿耳又尙書盤庚云不常厥邑于今五遷及其數之惟有毫鄆相耿四

處而已史記祖乙遷于邢皇極經世祖乙圮于耿徙于邢今據竹書祖乙又自耿遷庇則是盤庚前五遷祖乙自兩遷也邢與庇當是一地帝王世紀封自朝歌北築沙工臺沙工在鉅鹿東北七十里括地

志在邢州平鄉東北二十里則史記謂祖乙遷邢者當卽爲竹書所云遷庇者也蓋是時宋有邢國邢自周公子靖淵始封商時謂之庇也

三年命卿士巫賢

箋按書君爽篇周公曰在祖乙時則有若巫賢孔傳曰賢巫咸子巫氏殷本紀云帝祖乙時殷復興巫咸任職咸誤當作賢

八年城庇箋按祖乙時數被河患遷庇八年始城之書疏曰鄒玄云祖乙居耿後奢侈禮土地迫近山川嘗圯焉今据竹書祖乙二年便自耿遷庇八年城庇當是居庇後奢侈踰禮時汲冢古文未

出故鄭亦不知也

十五年命邠侯高圉

箋按世紀曰周后稷始封邠今扶風縣是也及公劉徙邑于豳詩稱于豳斯館今新平漆之東有豳亭是也郡縣志古豳城在邠州三水縣西三十里公劉始都之處地

理志曰扶風鞠邑有豳鄉詩豳國公劉所都鞠邑故城在三水縣東北二十五里周本紀不窋失官而犇戎狄之間卒子鞠立卒子公劉立公劉復修後稷之業自漆沮度渭故詩人歌之公劉卒子慶節立國於豳自是而後歷皇僕差弗毀隴公非皆國于豳殷王祖乙錫高圉命為邠侯魯展禽曰高圉太王能率稷者也周人報焉韋昭曰高圉后稷後十世公非之子也据漢書古今人表高圉辟方子夷頡高圉子則史記實多遺缺而韋注仍未考也又按鬻子曰揚得慶誦伊尹皇里且東門虛南門蠕西門統北門側七大夫人表有慶節公劉子湯時人或曰即譜計后稷長于豳在位百年舜五十年夏自禹為天子至桀亡夏歷四百四十一年共五百九十一年而謂公劉為后稷曾孫止四五代可乎昔所謂周十五王不過如漢七制唐三宗之說而以爲世數止此非也

十九年陟

祖乙之世商道復興廟為中宗

附注曰史記與無逸皆無之○箋按周書酒誥曰自成湯至于帝乙成王畏相多士曰自成湯至于帝乙罔不明德恤祀當即謂祖乙也

祖辛

箋按殷本紀祖乙崩子帝祖辛立商彝器有祖辛卣薛尚功曰祖辛沃甲之兄祖丁之父也

名巨

元年戊子王卽位居庇

十四年陟

開甲

附注史記作沃甲○箋按殷本紀帝祖辛崩弟沃甲立世本作開甲與竹書同

名踰

元年壬寅王卽位居庇

箋按祖乙二年庚午遷庇至開甲元年壬寅三十三年

五年陟

祖丁

箋按股本紀帝沃甲崩立沃甲兄祖辛之子祖丁

名新

元年丁未王卽位居庇

九年陟

南庚

箋按股本紀帝祖丁崩立弟沃甲之子南庚

名更

元年丙辰王卽位居庇

箋按祖乙二年遷庇至南庚二年共四十七年居庇自此以後乃遷于奄

三年遷于奄

箋按南庚遷奄舊未有言奄地所在者郡國志魯國卽奄國昭四年傳說館曰因商奄之民命以伯禽其曰商奄者或以商嘗遷此故遂謂商奄手

六年陟

陽甲

一名和甲○箋按股本紀帝南庚崩立弟祖丁之子陽甲

名和

元年壬戌王卽位居奄

三年西征丹山戎

箋按山海經有始州之國有丹山郭璞注引竹書紀年曰和甲西征得一丹山

四年陟

箋按史記帝陽甲之時殷衰自中丁以來廢適而更立諸弟子弟子或爭相代立比九世亂于是諸侯莫朝

盤庚箋按本紀帝陽甲崩弟盤庚立

名旬

元年丙寅王卽位居奄

箋按經世紀年曰盤庚元以己亥自祖乙以乙未踐位歷祖辛沃甲祖丁南庚陽甲而後及盤庚凡七世居耿已一百二十五年今据竹書祖乙元年己巳二年紀

于耿自耿遷庇歷祖辛開甲祖丁皆居庇南庚三年自此遷奄後陽甲及盤庚皆居奄盤庚十四年自奄遷般經世紀年以爲七世居耿者非也又盤庚之立元年丙寅南軒以爲己亥非

七年應侯來朝

箋按地理志潁川父城縣應鄉故國周武王弟所封臣瓚曰汲郡古文殷時已自有應謂此也杜預注左傳謂應國在襄陽城父縣初身之曰襄陽無城父杜讓也括地志故應城

在汝州魯山縣東三十里

十四年自奄遷于北蒙曰般

箋按書敘曰盤庚五遷將治亳般民咨胥怨作盤庚三篇鄭氏曰商家自此徙而改國號曰般般本紀曰盤庚之時般已都河北盤庚渡河南復居成湯

之故居郡國志梁國蒙縣有北亳昭四年傳椒舉曰商湯有景亳之命括地志曰宋州北五十里大蒙城爲景亳湯所盟地因景山爲名皇甫謐曰蒙爲北亳卽景亳商頌陟彼景山在曹縣東南四十里蔡氏書傳以盤庚遷般在於偃師又以自祖乙都耿圮于河水盤庚欲遷于般据竹書南庚三年自庇遷奄陽甲亦居奄至是凡二十二年盤庚又自奄遷于北蒙則非自耿并非偃師矣其他又有譌北蒙爲北冢爲北蒙爲此遷者水經注洹水又東北遷鄴縣南洹水出山連遷般虛北竹書紀年盤庚卽位自奄遷于此遂曰般則是北譌爲此蒙譌爲遂也史記索隱曰汲郡古文盤庚自奄遷于北冢則般虛去鄴三十里是般虛南舊地號北冢則是蒙譌爲冢也殊不審北蒙之亳在梁國蒙縣書敘曰盤庚將治亳般鄴豈有亳之名乎種種謬誤殊屬可笑不有竹書烏從而證之

十五年營股邑

箋按盤庚曰天其永我命于茲新邑卽紀年所謂營股邑也周希聖曰商人稱般自盤庚始据竹書夏后帝杼十三年商侯冥死于河帝芒三十三年商侯遷于般帝微十二年般

侯子亥賓于有易世本冥往河治水子亥遷般是商之稱般始自夏世般土芒芒登謂盤庚已後手

十九年命邠侯亞圍

箋按世本曰亞圍雲都皇甫謐曰雲都亞圍字据漢書古今人表雲都亞圍弟則實爲二人非一人名與字也仁山金氏曰堯封樂于邠世爲后稷以服事虞夏及夏之

衰不啻失官自竄于戎獲之間不啻生鞠鞠生公劉始遷于幽荒史謂稷生蔡璽蔡璽生叔均蔡即
古邠字也自后稷至公劉十餘世世本自公劉歷慶節皇僕差弗毀踰公非辟方高圉侯牟亞圉雲都
太公祖紺諸蓋十餘世史記以不啻爲后稷子而又缺辟方侯牟雲都諸蓋四世遂謂后稷至文王爲
十五世且稷契同時受封契至湯四百餘年而十四世稷至文王十五世其亦誤矣據人表及此則以
雲都爲亞圉
字者誤也

二十八年陟

小辛

箋按殷本紀帝盤庚崩弟小辛立殷復喪百姓思之適作盤庚三篇索隱曰由不見古文故也

名頌

元年甲午王卽位居殷

三年陟

小乙

箋按殷本紀帝小辛崩弟小乙立

名斂

元年丁酉王卽位居殷

六年命世子武丁居于河學于甘盤

箋按書說命王曰來汝說台小子齊學甘盤既乃遷于荒野入宅于河無逸曰其在高宗舊勞于外爰暨小人楚語白公子張曰昔殷武

丁能變其德以入于河自河徂亳此蓋言武丁未卽位時出居河上就學于甘盤既乃自河而往于亳殷爲天子也韋昭謂武丁遷于河內從河內往亳都蓋非也當是時武丁尙爲世子何得自遷於河內乎

十年陟

竹書紀年統箋卷之六

武丁箋按殷本紀帝小乙崩子帝武丁立名昭

元年丁未王即位居殷命卿士甘盤箋按書君爽篇周公曰在武丁時則有若甘盤漢書古今人表有甘盤師古曰武丁師也

三年夢求傳說得之箋按書敘曰高宗夢得說使百工營求諸野得諸備嚴作說命三篇孔傳曰傅氏之嚴在虞虢之界通道所經有澗水壅道常使胥靡刑人築護此道說賢而隱代胥靡

築之以供食王子年拾遺記曰傳說實為賴衣者春於深巖以自給夢乘雲繞日而行筮得利建侯之卦歲餘以玉帛聘為阿衡括地志傳說版築之處在今陝州河北縣北七里即虞虢之界水經注沙澗

水北虞山南經傅巖傳說巖室前俗名聖人窟或問高宗之于傳說文王之于太公知之熟矣恐民之未信也放假之夢卜以重其事程子曰然則是偽也聖人無偽

六年命卿士傳說視學養老箋按墨子曰傳說彼稱帶索庸築備嚴武丁得之舉以為三公禮記明堂位曰晉宗殷學也王制曰凡養老般人以食禮又曰般人養國老于右學養庶

老于左學又曰般人縞衣而養老文王世子曰大合樂必遂養老鄭氏注曰大合樂謂春入學舍菜合舞秋頒學合璧於是非也天子則視學焉孔氏疏曰月令季春大合樂天子親往明天子亦親視學也

又孔氏王制疏曰養老必在學者以學教孝弟之處故于中養老李氏曰養老之禮五十養于鄒六十養于國七十養于學虞夏殷周莫之改也然則視學養老皆七十以上之人故天子亦親往焉武丁以

命傳說者書所謂夢帝實予其朝其代予言者也

十二年報祀上甲徵箋按夏后帝泄十六年般侯徵以河伯之師伐有易般道復興故般人報焉魯語展禽曰上甲徵能帥契者也商人報焉韋昭曰上甲徵契後八世湯之先也

二十五年王子孝己卒于野箋按秦策陳軫曰孝己愛其親天下欲以為子尸子曰般高宗之子曰孝己有孝行事親一夜五起視衣之厚薄枕之高下也其母早死高宗感後妻言

故之而死又按家語曰曾參既出妻終身不娶其子元喆焉曾子曰高宗以後妻殺孝己尹吉甫以後妻放伯奇吾上不及高宗中不比吉甫所能免于非乎遂不娶

二十九年彫祭大廟有雉來

箋按書敘曰高宗祭成湯有飛雉升鼎耳而雉祖已訓諸王作高宗彫日高宗之訓孔疏曰高宗之訓所以訓高宗也蔡仲默曰于彫日有雉鐘之異蓋

祭禰廟也序言祭湯廟者非是接二說皆蓋高宗武丁之廟號也若是書作于武丁未陟之前豈可云高宗之訓乎竹書殷武丁二十九年彫祭太廟有雉來五十九年陟廟號高宗祖庚元年卽位居殷作高宗之訓殷本紀帝武丁崩子祖庚立祖己嘉武丁之以祥雉爲德立其廟爲高宗遂作高宗彫日及訓意是時祖庚釋祭于高宗之廟每過于豐故戒以無豐于昵因作高宗之訓以訓祖庚耳孔疏以爲訓高宗謬矣書序高宗祭成湯竹書武丁祭太廟並有證據而祭傳云祭禰廟以序言祭湯廟非意以豐于昵昵爲近廟則不得爲湯廟也不審豐于昵者祖庚也祭湯廟者高宗也書曰惟先格王正厥事乃訓于王格王者至道之王高宗也訓于王者訓于祖庚也何轉以敘爲非又按格王成帝建始元年詔作假王師古曰高宗彫日載武丁之臣祖己之辭也假至也以祖己爲高宗之臣時所作亦誤豈乎竹書未出天下之以不在爲狂者將胡底也

三十二年伐鬼方次于荆

箋按後漢西羌傳武丁伐西戎鬼方詩大雅蕩云內巽于中國覃及鬼方毛傳鬼方遠方也世本陸終娶于鬼方氏之妹曰女嬃注鬼方于漢則先零戎也要

之武丁伐鬼方則鬼方自是國名不得以遠方槩之竹書言伐鬼方次于荆大抵卽商頌所云奮伐荆楚者也孔氏詩疏曰周有天下始封熊繹爲楚子于武丁之世不知楚君是何人今按彝器款式所載曾侯鐘銘曰惟王五十有六祀徙自西陽楚王謂章薛氏曰背有兩商字商癸父丁彝銘曰惟王六祀兄癸卣銘曰惟王九祀商稱祀也商自太戊外惟高宗享國五十九年此鐘銘稱五十六祀者應自高宗伐鬼方之後而荆楚亦遠徙西陽也

一統志西陽城在黃州府黃岡縣境

三十四年王師克鬼方

箋按易未濟九三高宗以鬼方三年克之

氏羌來賓

箋按詩商頌殷武箋曰氏羌夷狄國在西方者也孔疏曰氏羌之種漢世仍存其居在秦隴之西氏羌遠夷一世而一見于王前漢地理志隴西有氏道羌道後漢西南夷傳七羌九氏各有

部落是漢世尙存也尙書大傳曰武丁內反諸己以思先王之遺三年編髮重譯來朝者六國漢書曰三年之後蠻夷重譯而朝者七國

四十三年王師滅大彭箋按鄭語史伯曰彭姓彭祖家韋諸稱則商滅之矣韋昭曰彭祖大彭也

五十年征豕韋克之箋按鄭氏詩箋曰韋豕韋彭姓也計祖乙元年命彭伯韋伯至此歷一百四十八年先後八年間而相繼滅韋昭謂後世失道商復興而滅之

五十九年陟箋按周書無逸曰肆高宗之享國五十有九年石經曰高宗之享國百年漢杜欽曰高宗享百年之壽

王殷之大仁也力行王道不敢荒甯嘉靖殷邦至于小大無時或怨是時與地東不過江黃箋按郡國志故南安

陽有江亭弋陽有黃亭西不過氏羌南不過荆蠻北不過朔方而頌聲作箋按商頌詩序曰殷武祀高宗也禮廢而復興廟號高

宗箋按漢書嚴助傳高宗殷之盛天子也孔安國尚書傳曰德高可尊故號高宗

祖庚箋按殷本紀帝武丁崩子帝祖庚立名暉

元年丙午即位居殷作高宗之訓箋按書敘祖己訓諸王作高宗之訓孔氏傳曰所以訓也亡今據竹書祖己作高宗之訓在祖庚元年則高宗之崩已踰年矣孔疏以爲訓高

宗失其旨矣又按商彝器有祖己爵尊尚功曰商之君有雍己無祖己據書敘祖己訓諸王作高宗之訓商器又有祖己尊疑卽此祖己也

十一年陟

祖甲附注曰國語作帝甲○箋按殷本紀帝祖庚崩弟祖甲立名載

元年丁巳王即位居殷箋按書無逸其在祖甲不義惟王嘗爲小人鄭氏曰祖甲武丁子帝甲也有兄禔庚賢武丁欲廢兄立弟祖甲以此爲不義逃于人間故云嘗爲小人金仁山曰禔

庚崩而國人卒立之接高宗既廢孝己又欲廢祖庚大抵德感于後妻之言

十二年征西戎

附注曰祖甲西征得一丹山○箋按竹書陽甲二年征丹山戎郭璞注山海經亦引竹書曰陽甲西征得一丹山沈注以爲祖甲蓋誤也

冬王返自西戎

箋按武丁之世其地西不過兵羌則祖甲西征當亦在隴西左右故卽于是年冬而返也

十三年西戎來賓

箋按殷太戊二十六年西戎來賓距祖甲十三年凡二百五十八年始因祖甲親征而來賓想其負恃荒遠王師罕至正不羈夜郎自大已也

命邠侯組紺

箋按世本云太公紺諸鬻三代世表稱叔類皇甫謐云公祖一名組紺諸鬻字叔類號曰太公也今據竹書命邠侯組紺則組紺諸鬻非連名也金仁山以諸鬻別一人

二十四年重作湯刑

箋按昭五年傳叔向誥子產書曰夏有亂政而作禹刑商有亂政而作湯刑周有亂政而作九刑杜注夏商之亂著禹湯之法周之衰亦爲刑書謂之九刑文十八年傳

太史克曰先君周公制周禮作誓命曰毀則爲賊掩賊爲燕竊賄爲盜盜器爲姦主姦之名類姦之用爲大凶德有常無舍在九刑不忘注曰誓命以下皆九刑之書九刑之書今亡按汲冢周書嘗夢解曰太史箋刑書九篇以升授大正則九刑之名本此故史克以爲周公作也叔向曰周有亂政而作九刑亦謂重作者耳

二十七年命王子囂王子賈

箋按禮記王制注鄭氏曰王子王之庶子也西京雜記曰霍將軍妻產二子疑所爲兄弟或曰前生爲兄後生爲弟或曰居上者宜爲兄居下者宜爲弟

時霍光聞之答書曰昔殷王祖甲一產二子曰囂曰賈以卯日生囂已日生賈則以囂爲兄以賈爲弟今霍氏亦宜以前生爲兄焉請此也

三十三年陟

箋按書無逸曰肆祖甲之享國三十有三年

王誓在野及卽位知小人之依能保惠庶民不侮鰥寡迨其末也繁刑以攜遠殷道復

附注曰國語云立王號商

十有四世帝甲亂之七世而隕○箋按殷本紀帝甲淫亂殷道復衰與國語同據書無逸周公曰嗚呼自殷王中宗及高宗及祖甲及我周文王茲四人迪哲則祖甲不當有淫亂之事矣大抵殷之祖甲猶周之宣王周宣不再傳而有幽王之敗况祖甲後七世乎

馮辛

附注史記作厲辛○箋按殷本紀帝甲崩子帝
厲辛立絜歷古今人表及帝王世紀皆作憑辛

名先

元年庚寅王卽位居殷

箋按庚寅一
本作庚申誤

四年陟

箋按書無逸自是厥後亦罔或克壽或五六年或四三年
如沃甲五年南庚六年小辛三年仲壬易甲馮辛皆四年

庚丁

箋按殷本紀帝厲
辛崩弟庚丁立

名壽

元年甲午王卽位居殷

箋按紀年篇祖甲庶子祖
甲二十七年命爲王子者

八年陟

武乙

箋按殷本紀帝庚
丁崩子武乙立

名瞿

箋按商有瞿父鼎薛用敏曰商器
以父名多矣瞿則不知其爲誰

元年壬寅王卽位居殷

箋按武乙元年周文王昌始生而世紀以爲當殷王祖甲二十八祀庚寅生昌殊
不審祖甲在位三十三年乃陟則是時文王六齡又歷馮辛四年庚丁八年武乙

三十五年則是時文王五十三齡又歷文丁十三帝乙九年則是時文王七十五齡又加紂四十一年
而文王薨則是時文王年百十六齡安得爲九十七乎計文王之生適當武乙元年壬寅歲其年太王

自邠而遷于岐周故孟子謂文王生于岐周也若祖甲
二十八年未遷岐之前十九年安得云生于岐周乎

邠遷于岐周

箋按漢書匈奴傳戎狄攻太王賣父賣父亡走岐山下地理志右扶風美陽西北中水鄉周
太王所邑林氏曰邠在岐西北四百餘里括地志故周城一名美陽城雍州武功縣北七里

郡縣志岐山一名天柱山在鳳翔府岐山縣
東北十里徐廣曰邑於周地故始改國曰周

三年自殷遷于河北

箋按殷本紀武乙立殷復去亳居河北相州圖經曰安陽
在淇澗二山之間本殷墟也史三代世表武乙徙河北

命周公賈父賜以岐邑

箋按詩疏引中候棖起注云賈父以字爲號今據竹書命賈父則賈父是名也書傳說大王遷岐民東脩奔而從之者三千乘止而成三千戶之邑則是岐山之下

始未有邑至是成邑而武乙因賜之也魯頌曰至于太王居岐之陽實始翦商毛傳曰翦齊也鄭箋曰翦斷也說文作翦商翦福也三說皆非也爾雅釋詁曰勞來強事謂翦無勤也實始翦商蓋謂實始勤商耳與周周書太王其勤王家之意正自符合齊斷勤三訓皆見爾雅注詩者未之考也

十五年自河北遷于沫

箋按武乙三年自殷遷河北至是復濟河北徙朝歌紂仍都之蓋武乙之時其地名沫至紂時其地乃名朝歌水經注曰朝歌本沫邑紂有新聲靡樂號邑朝歌也

周書酒誥王若曰明大命于妹邦孔傳曰妹地名紂所都朝歌以北是孔疏曰妹與沫一也詩有云沫之東矣沫之鄉矣括地志朝歌本沫邑武乙始都之是也

二十一年周公賈父薨

箋按自組緝以上皆曰邪侯至賈父遷于岐周始命爲公故曰周公賈父也武乙元年文王生至是年二十一矣太王以文王生有聖德欲傳位季歷以及文王此

也

二十四年周師伐程戰于畢克之

箋按穆王時左史戎夫記曰昔有畢程氏損祿尊爵羣臣說隱比而屨民畢程氏以亡周師伐程戰于畢蓋卽爲畢程也地理志扶風安陵縣

師古曰闕駟以爲周之程邑也書敘惟王季宅程史記正義引周書惟王季宅鄧鄧卽程也鄧故城在雍州咸陽縣東二十里戰于畢畢隨在程西北莊十一年傳凡師得高曰克

三十年周師伐義渠乃獲其君以歸

箋按左史戎夫記昔者義渠氏有兩子異母皆重君疾大臣分黨而爭義渠以亡周師所伐者蓋卽此也地理志北地有義渠道括地志

甯原慶三州本義渠戎國之地

三十四年周公季歷來朝王賜地三十里五十穀馬十疋

箋按莊十八年傳說公晉侯朝王王享禮命之宥皆賜玉五穀馬三匹非禮也王命諸侯名位

不同禮亦異數不以禮假人杜氏曰侯而與公同賜是借人禮雙玉爲穀又作羶今武乙賜季歷者乃公禮也王制曰有功德于民者則加地進律是也

三十五年周公季歷伐西落鬼戎

按後漢書西羌傳注武乙三十五年伐西落鬼戎俘二十羣王

王畋于河渭大雷震死

按地理志渭水東至船司空入河因名爲河渭也殷本紀曰帝武乙無道爲異人謂之天神與之搏人爲行天神不勝乃僇辱之爲革囊盛血仰而射之命曰射

天獵于河渭之間疊雷震死漢書郊祀志曰帝乙嬖神而震死

文丁

附注曰史記作太丁非○按按殷本紀武乙震死子帝太丁立

名托

元年丁丑王卽位居殷

附注曰自涿蹄殷邑○按按帝乙十五年自河北遷於涿至文丁又自涿蹄殷邑史項羽本紀期涇水南殷虛上地理通釋曰殷虛南去朝歌城百四十六里是文

丁自涿而北徙也

二年周公季歷伐燕京之戎敗績

按淮南子汾出燕京高誘曰燕京山在太原汾陽縣水經注曰濕水運陰館縣故城西又東北流左會桑乾水耆老云其水潛承太原汾陽

北燕京山之天池燕京亦管啓之異名也都縣志天池在嵐州靜樂縣北燕京山上週週八里陽旱不耗陰霖不涸燕京之戎蓋居此山也

三年涇水一曰三絕

按水經涇水出涇山逕殷虛北又東北逕鄠城南魏土地記曰鄠城南四十里有安陽城有涇水東流者也皇甫謐曰鄠有上司馬殷太甲常居之太甲當卽太丁之

也

四年周公季歷伐余無之戎克之

按左傳閔二年晉申生伐東山臯落氏上黨記東山在壺關縣城東南今名無臯成八年劉康公敗績于徐吾氏上黨記純留縣有余吾城

在縣西北三十里余無之戎當卽是余吾及無臯二戎也

命爲牧師

按周禮太宗伯以九儀之命正邦國之位八命作牧鄭注曰謂侯伯有功德者加命得專征伐於諸侯又按鄭注王制曰殷之州長曰伯虞夏及周皆曰牧今據天問曰伯昌號喪乘輶作

牧竹書殷命季歷爲牧師是殷亦稱牧也又按虞書益稷篇州十有二師釋文引鄭注曰師長也路史十國而有長長帝師五長而一師師五十國州十有二師州有牧牧稟命于上京弼成五服至于五千

五年周作程邑筭按武乙二十四年周師伐程至是十有七年而周始營之以作邑括地志安陵故城在雍州咸陽縣東二十一里周之程邑也

七年周公季歷伐始呼之戎克之筭按山海經有始州之因此云始呼未詳也

十一年周公季歷伐翳徒之戎獲其三大夫來獻捷

筭按後漢書西羌傳殷室中衰諸夷皆叛至于武丁征西戎鬼力三年乃克及武乙暴虐犬戎寇邊周古

公踰梁山而避于岐下及子季歷遂伐西落鬼戎太丁之時周人復伐燕京之戎戎人大敗周師後二年周人復克余無之戎於是太丁命季歷爲牧師自是之後更伐始呼翳徒之戎昔克之並據竹書爲文也又按春秋提要曰獻者下奉上之詞軍獲曰捷莊三十一

年傳凡諸侯有四夷之功則獻於王王以警于夷中國則否

王殺季歷筭按呂氏春秋首時篇王季因而死文王苦之有不忘姜里之醜時未可也高誘曰季歷勤勞國事以至薨沒故文王哀思苦痛也時竹書未出誘不知有文丁殺季歷事也劉知幾史通雜

說上曰竹書紀年出于晉代學者始知后啓殺益太甲誅伊尹文王殺季歷則與經典所載乖刺甚多李氏維禎曰羣書燕巖典訓陵遲殺益誅尹猶曰頗刑季歷之獄古今大惡而之以之污穢至聖不愛舌過鼻乎是皆不知史記太丁卽文丁誤以文丁爲文王由不見竹書本文故也又按晉書東晉傳亦言文丁殺季歷王嘉季歷之功賜之圭瓚秬鬯九命爲伯按

大雅旱麓詩傳曰九命然後賜以圭瓚秬鬯周禮冬官玉人職裸圭尺有二寸有瓚以祀廟鄭氏曰裸開始獻酌奠也瓚如盤其柄用圭有流前注禮記曰君賜圭瓚然後爲鬯未賜者實鬯于天子說文曰秬黍也一稔二米所以釀鬯鬯金香草也周禮大宗伯九命作伯注上公有功德者加命爲二伯得

征五侯九伯者孔叢子羊容問於子思曰周自后稷封爲王者之後至太王王季文王此爲諸侯矣奚得爲西伯乎子思曰吾聞諸子夏曰殷王帝乙之時王季以九命作伯于西受圭

瓚玉鬯之賜故文王因之得專征也據竹書則王季爲西伯在帝乙之前三年既而執諸塞庫季歷因而死故曰文丁殺季歷執王季于塞庫羈文王于玉門按尼之情辭以作歌其傳久矣按非子

于玉門正與此合庚信齊王憲碑因箕子于塞庫纒文玉于玉門以王季爲箕子疑塞庫因季歷處紂囚箕子于此所未詳也

十二年 周文王元年○箋按晉語晉臣曰文王之卽位也詢于八虞咨于二虢度于闕天謀于南宮譏于蔡原訪于辛尹

有鳳集于岐山箋按周語內史過曰周之興也鸞鷟鳴于岐山草蟲經鸞鳳離爲鸞鷟

十三年 陟

帝乙箋按殷本紀帝太丁崩子帝乙立

名駿

元年 庚寅王卽位居殷箋按帝王世紀曰帝乙復濟河北徙朝歌則自帝乙而後遂名朝歌爲殷也

三年 王命南仲西拘昆夷城朔方箋按小雅出車云王命南仲往城于方毛傳曰王殷王也南仲文王之屬方朔方近獫狁之國也繇云混夷貳矣鄭箋混夷夷狄國陸氏混音

昆夷書大傳四年伐犬夷注卽昆夷也汲冢周書序文王立西距昆夷北備獫狁謀武以昭威懷作武稱朔方漢武帝元朔二年開以爲郡郡有集搜縣王莽更郡曰溝搜卽今之甯夏衛也

夏六月 周地震箋按鄭樵通志曰文王卽位之八年六月癸疾五日而地震竹書則文王卽位之四年

九年 陟箋按文二年傳宋祖帝乙猶上祖也杜預曰帝乙微子父宋不以帝乙爲不肖而猶尊尙之

帝辛箋按殷本紀帝乙長子曰啓啓母賤不得嗣辛母爲正后辛爲嗣帝乙崩子辛立 名受附注卽紂也曰受辛○箋按周書克殷解尹逸笑曰殷末孫受德迷先成湯之明侮滅神祇不祀孔

晁注云紂字受德也又按呂氏春秋常務篇紂之同母三人長曰微子啓次曰仲衍三曰受德乃紂也

元年 己亥王卽位居殷箋按國策吳起對魏武侯曰商紂之國左孟門右太行常山在其北大河經其南史記正義曰竹書紀年云自盤庚徙殷二百五十二年更不徙都紂時積大其邑

南距朝歌北據邯鄲及沙丘皆爲離宮別館殊不審紂所居殷乃紂父帝乙所徙
皇甫謐曰帝乙徙朝歌是也正義以此殷爲盤庚所徙之亳殷謬矣

命九侯周侯邳侯

附注周侯爲西伯昌○箋按戰國策魯仲連曰昔者鬼侯鄂侯文王紂之三公也鬼一作九徐廣曰鄆縣有九侯城春秋繁露曰紂刑九侯取其指環字皆作九廣又曰鄂一

作邳今本紀年作邳侯蓋因廣誤史稱九侯進女子紂女不喜淫紂殺之而醢九侯鄂侯爭之併殺鄂侯韓子曰文王說紂而紂囚之翼侯夾鬼侯腊比于剖心梅伯醢翼侯卽鄂侯也左傳隱五年曲沃伐

翼侯奔隨晉人納諸鄂翼與鄂近是韓子翼侯卽鄂侯也黃云一作邳非矣

三年有雀生鷓

箋按陸璣曰鷓似鷓青黃色燕頰句喙因風飛急擊鷓鷃食之家語孔子曰昔殷王帝辛之世有雀生大鳥于城隅占之曰以小生大國家必王名必昌於是帝辛介雀之德

不修國政殷國以亡注曰介助也以雀之德爲助也

四年大蒐于黎

箋按楊士勳穀梁疏曰言大者器械過常春秋昭公十一年大蒐于比蒲二十二年大蒐于昌間之類是也又按昭四年傳曰商紂爲黎之蒐東夷叛之服虔曰黎東夷國名也子

姓漢志魏郡黎工縣晉灼曰黎山在其南韓非子曰紂爲黎工之蒐而戎狄叛之由無禮也

作炮烙之刑

箋按淮南似其訓迨至殷紂燔生人辜諫者爲炮烙鑄銅柱漢書莽作焚如之刑猶是也

五年夏築南單之臺

箋按水經注南單之臺卽鹿臺之異名也劉向新序曰鹿臺其大三里高千尺臣瓚曰今在朝歌城中

雨土于亳

箋按墨子曰商紂不德十日雨土于亳天雨土君失封

六年西伯初禴于畢

箋按天保云禴禘烝嘗孔疏曰自殷以上則禴禘烝嘗王制文也至周公則去夏禘之名以春禴當之更名春曰禘故禘禴云宗廟之祭春曰禴周公制禮乃改夏爲禴

今據竹書文王初禴于畢易未濟九五東鄰殺牛不如西鄰之禴祭本義曰常文王與紂之事則改夏祭爲禴者自文王始矣杜佑通典曰畢王季初都之後畢公封焉汲冢古文曰畢西于豐三十里又按

史記曰武王卽位九月上祭于畢東觀兵于孟津亦卽是畢也後漢蘇竟傳畢爲天網主網羅無道之君故武王將伐紂上祭于畢求助天也若然則文王初禱于畢亦可謂禱祭于畢星乎知不然矣

九年王師伐有蘇獲妣己以歸

箋按晉語史蘇曰殷幸伐有蘇有蘇氏以妣己女焉妣己有寵于是乎與膠鬲比而亡殷唐書世系表曰鄴西蘇城是又按秦誓曰作奇技淫巧以

悅婦人蔡氏引列女傳曰紂齊銅柱下加炭令有罪者行觀墮炭中妣己乃笑皇甫謐謂紂二年納妣己皆誤也今据竹書紂四年作炮烙九年獲妣己則炮烙非爲妣己設也世紀謂武王伐紂紂自焚于宣室而死二嬖妾與妣己亦自殺抑猶爲賢于齊嬖故特爲考其事而原之

作瓊室立玉門

箋按說文曰瓊赤玉也六韜曰紂作瓊室鹿臺飾以美玉通鑑外紀曰紂爲瓊室立玉門其大三里高千尺七年乃成韓非子曰文王見嘗于玉門而顏色不變國策希寫曰昔者

文王拘于羑里而武王羈于玉門似當以韓子爲是又按賈子曰紂死乘玉門之外觀者皆過隙之

十年夏六月王畋于西郊

箋按詩譜曰鄆鄭南者紂畿內方千里之地其封域在冀州太行涇山之東孔疏曰河內卽紂都而西不踰太行者以其國近西也戰國策曰紂聚衆百萬右

飲置水不流則紂畋西郊蓋在太行涇水之東矣

十七年西伯伐翟

箋按王符潛夫論白狄婚姓地理通釋曰翟隗姓白狄有延安府鄜丹綏廓銀石州之地漢匈奴傳西河圖洛之間有赤翟白翟師古曰春秋所書晉師滅赤狄潞氏却缺獲

白狄子者西伯伐翟殆卽此與

冬王遊于淇

箋按山海經沮洳之山淇水出焉南流注于河郡縣志出衛州共城縣西北沮洳山至衛縣入河謂之淇水衛古朝歌也水經注淇水逕朝歌北又屈逕頓丘西太和泉水入焉水有二

源一水出朝歌城西北東南老人晨將渡水而沉吟難濟紂問其故左右曰老者憫不實故晨寒也紂乃于此斷脛而視體也秦誓新朝涉之脛蓋謂此也

二十一年春正月諸侯朝周

箋按文王卽位之二十二年諸侯始朝周也

伯夷叔齊自孤竹歸于周

箋按史伯夷列傳伯夷叔齊孤竹君之二子也索隱曰韓詩外傳云孤竹君是殷湯三月丙寅日所封相傳至夷齊之父名初字子朝伯夷名允字公信叔齊

名致字公難蔣勣曰孤竹之國君姓墨貽氏据殷本紀史公曰襄後分封以國爲姓有目夷氏卽此也地理志遼西令氏有孤竹城括地志孤竹古城在平州盧龍縣南十二里

二十二年冬大蒐于涓

箋按昭十一年公羊傳大蒐者何簡車徒也地理志隴西首陽縣禹貢鳥鼠同穴山在西南涓水所出東至船司空入河過郡四行千八百七十里此言大蒐于涓

者隨涓水所經之地蒐之不止于一處也若扶風涓城之名起于漢武古未有也

二十三年囚西伯于羑里

箋按趙策魯連子曰紂醜鬼侯脯鄂侯文王聞之喟然而嘆故拘之于羑里之庫又淮南道應訓崇侯虎曰周伯昌行仁義而善謀若與之從則不堪其殃縱

而敵之身必危亡及未成請圖之屈商乃拘文王于羑里高誘曰屈商紂臣也皇甫謐云紂二十年囚文王少三年也又按地理志河內蕩陰縣西山羑水所出至內黃入蕩有羑里城西伯所拘也水經注曰昔

紂王納崇侯虎之言囚西伯于此散宜生南宮括見文王乃演易用明否泰終始之義焉漢書曰文王重易六爻作上下篇陸佃埤雅曰伏義重卦重三畫于前文王重卦重六爻于後何用知伏義重三畫于前

以書曰卜五占用二曰貞曰悔周官曰太卜掌三易之法其經卦皆八其別皆六十有四知之也故曰八卦成列象在其中矣因而重之爻在其中矣何用知文王重六爻于後以司馬遷曰伏義至純厚作易八

卦蓋西伯拘而演易揚雄曰易始八卦而文王六十四故曰易之興也其當殷之末世周之盛德邪當文王與紂之事邪据周易正義曰伏義重卦周公作爻辭則伏義重卦但已有爻無辭耳

二十九年釋西伯

箋按襄二十一年傳衛北宮文子曰紂囚文王七年諸侯皆從之囚紂于是乎懼而歸之此言爲得其實殷本紀紂囚西伯西伯之臣問天之徒求美女奇物善馬以獻紂紂

乃赦西伯亦傳聞之辭也

諸侯逆西伯歸于程

箋按文丁五年周公季歷作程邑居之文王又居之周書程典解惟三月既生魄文王合六州之侯奉勳于商商王用宗譏震怒無疆諸侯不親迎諸程文王弗忍乃作

程典以

命三忠

三年十春三月西伯率諸侯入貢

箋按左傳襄四年韓獻子言于朝曰文王帥殷之叛國以事紂惟知時也

三十一年西伯治兵于畢

箋按括地志畢原在萬年縣西南二十八里王氏曰畢原無山川陂湖井深五十丈秦謂之池陽原漢謂之長平坂其地南北數十里東西二三百里西伯治

兵于此習戰也

得呂尙以爲師

箋按六韜曰文王卜田史編爲卜田于渭之陽將大得焉非熊非羆非虎非狐非龍非雉得公侯天遺汝師王乃齋戒三日田于渭之陽卒見呂尙坐茅以漁一統志呂城在南渠府城西

三十里虞夏時封呂尙先祖於此齊太公世家曰呂尙者東海上人先祖嘗爲四嶽佐禹平水土甚有功虞夏之際封于呂尙其後苗裔也本姓姜氏從其封姓故曰呂尙蓋嘗窮困年老矣以釣魚于西伯

西伯出獵遇太公于渭之陽與語大說載與俱歸爲文武師詩維師尙父劉向別錄曰師之尙之父之故曰師尙父

三十二年五星聚于房

箋按春秋元命包曰殷紂之時五星聚于房房者蒼龍之精周據而興隋天文志曰周王之興五星聚房赤雀銜書止于王居

有赤鳥集于周社

箋按墨子曰赤鳥銜珪降周之岐社曰命周文王伐殷呂氏春秋曰文王之時天光見火有赤鳥銜書集于周社文王曰火氣勝故其色尙赤傳玄晉鏡歌曲赤鳥銜書至天

命瑞周文

密人侵阮

箋按大雅皇矣曰密人不共敢距大邦侵阮徂共毛傳曰國有密須氏侵阮遂往侵共應劭曰密須結姓之國臣瓚曰安定陰密縣是左傳桓十年虞公出奔共池張氏曰今涇州有共池黃

帝使伶倫之阮隴之陰取嶢谷之竹又按阮無所考據漢成帝陽朔元年詔關東大水流民欲入函谷天井壺口五阮闕者勿苛留陸友仁研北雜志梁四公子有仇啓五阮人或卽是阮之故地也

西伯帥師伐密

箋按大雅皇矣云王赫斯怒愛整其旅以遏徂旅是其事也皇甫謐曰文王問太公吾用兵孰可太公曰密須氏疑于我我可先伐之遂侵阮徂共而伐密須密須之伐書傳以爲

在文王受命之四年今據竹書是在殷未錫命文王之前一年也

三十三年密人降于周師

箋按周書大開武解曰維王一祀王在鄆密命訪于周公旦曰烏呼余夙夜維商密不顯誰和若歲之有秋今予不獲其落若何孔晁注密人及商紂謀周大

命不得其落恐將亡皇甫謐曰密須人自縛其君而歸文王昭十五年傳密須之鼓與其大路文所以大策也杜注密須結姓國也在安定陰密縣東故密城是也又周書言一祀三月者是年爲文王受命

得專征伐之年故周書稱爲一祀如所謂文王受命九年大統未集皆以是年爲始一祀者時從殷稱祀也

遂遷于程

箋按孔氏詩疏曰周書稱文王在程作程寤程典今周書程寤解闕據大開武解周公旦對武王曰茲順天降寤于程程降因于商商今生葛葛右有周孔晁注曰言天寤周以和商謀商朝

生葛是補助周也程寤解亡其義略見于此矣

王錫命西伯得專征伐

箋按韓非子曰文王侵孟克宮舉鄆三舉事而紂惡之文王乃懼請入洛西之地赤壤千里以請解炮烙之刑天下皆說史記殷本紀曰西伯獻洛西之地以請除

炮烙之刑紂時之賜弓矢斧鉞得專征伐爲西伯徐堅曰周禮雍州其川洛納洛一名漆沮出馮翊此關輔之洛非河南洛也

約按文王受命九年大統未集蓋得專征伐受命自此年始

箋按大雅文王篇序曰文王受命作周也鄭箋曰受命受天命而王天下制作周邦

孔疏引無逸曰文王受命惟中身厥享國五十年注云受命謂受殷王嗣立之命彼謂文王爲紂侯受天子命也此述文王爲天子故云受天命也漢和帝時應劭著風俗通曰論語文王率殷之叛國以服事殷時尙臣殷何緣便得列三王哉俗儒新生不能採綜多其辯論至於訟閔太王王季皆見追號豈可復謂已王乎今據竹書殷錫西伯命得專征伐沈休文附注以受命爲受得專征伐之命較應氏更

爲明快真可以破千古之疑矣

三十四年周師取耆及邶遂伐崇

箋按殷本紀西伯伐飢國滅之徐廣曰飢一作肌又作者是耆卽饑國也左傳僖二十九年祝鮀曰分康叔以殷民七族有饑氏是也周本紀

謂西伯敗耆國正義曰卽黎國也然尙書西伯伐黎乃武王襲封西伯後三年事也安在文王所伐之耆卽黎乎又按地理志河內墜王縣孟康曰故邶國今邶亭是也又大戴記曰紂不說諸侯之聽于周

昌別嫌于死乃退伐崇許魏以客事天子注許魏不在五伐蓋時小伐也客事者謂忍而臣之也尙書大傳曰文王既受命專征一年斷虞芮之質二年伐邶三年伐密須四年伐大夷五年伐耆六年伐崇

今據竹書取耆伐邶遂伐崇皆一年事也明堂位曰崇鼎天子之器也鄭注曰文王伐崇遷其重器

崇人降箋按僖十九年傳子魚謂宋襄公曰文王聞崇儻亂而伐之軍三旬而不降退修教而復之因壘而降又襄三十一年傳北宮文子言于衛侯曰文王伐崇再虜而降爲臣

冬十二月昆夷侵周箋按帝王世紀曰文王受命四年春正月丙子朔昆夷氏侵周一日三至周之東門

三十五年周大饑箋按周書大匡解維周王宅程三年遭天之大荒作大匡以詔牧其方三州之侯咸率謂此也又文傳解文王召太子發曰天有四殃水旱飢荒其至無時非務積聚何以備

之夏箴曰小人無兼年之食遇天飢妻子非其有也大夫無兼年之食遇天飢臣妾與馬非其有也戒之哉弗思弗行至無日矣蓋亦有鑒于此也春秋襄公二十有四年大饑穀梁傳曰五穀不升爲大饑

西伯自程遷于豐箋按僖十九年左氏傳宿莊子曰昔周饑克殷而年豐蓋謂此也孔晁曰程地名在岐州左右初王季之子文王因焉而遭饑乃徙豐焉師古曰文王作豐今長安西北界靈

臺豐水上是

三十六年春正月諸侯朝于周遂伐昆夷箋按漢書匈奴傳周西伯昌伐吠夷師古曰即吠戎也又曰昆夷

西伯使世子發營鎬箋按周書文傳解文王受命九年惟暮春在鎬召太子發曰吾語汝所保所守初學記引周書曰文王在鄜召太子發曰吾括柱而茅茨爲人愛費是鎬爲文王時所營

也其後武王徙都之文王有聲曰考卜維王宅是鎬京是也

三十七年周作辟雍箋按莊子曰古之禮樂黃帝有咸池堯有大章舜有大韶禹有大夏湯有大濩文王有辟雍之樂武王周公作武是辟雍爲樂名也說文曰辟雍也厚天子享宴麻廡也

魯詩解辟雍文王宮名古鼎銘惟三月初吉王在和宮大夫始錫作彝又王在辟宮獻工錫章是辟雍爲宮名也或文王當日作樂于辟雍之宮奏之故樂亦名爲辟雍也周有天下欲廣文王周公之制于

天下故國學謂之辟雍鄉學謂之泮宮禮記王制曰天子命之教然後爲學小學在公宮之左大學在郊天子曰辟雍諸侯曰泮宮史記曰國中立四代之學辟雍居中北虞學東夏學西殷學是爲大學又建虞庠于西郊夏序于州殷序于黨是爲小學大雅云於論鼓鐃於樂辟雍毛傳云水施工如璧曰辟雍以節觀者大戴禮盛德篇明堂者凡九室室四戶八闕以茅蓋屋上圓下方所以朝諸侯外水曰辟雍封禪書天子辟池索隱曰卽周天子辟雍之池漢平帝紀安漢公奏立明堂廟應劭曰黃帝曰合宮有虞曰總章殷曰景館周曰明堂廟應者象壁圓雍之以水象教化流行

三十九年大夫辛甲出奔周

箋按劉向別錄曰辛甲事紂七十五諫而不聽之去周文王以爲公卿襄四年傳魏莊子曰辛甲之爲周太史也命百官官箴王闕漢書藝文志辛甲二

十九篇地理志上黨長子縣周史辛甲所封

四十年周作靈臺

箋按詩含神霧曰文王作邑于豐起靈臺淮南子道應訓曰紂拘文王文王歸乃爲玉門築靈臺紂聞之曰周伯昌改道易行吾無憂矣詩序曰靈臺民始附也孔疏曰始附

謂心附之也據中候雜師謀曰惟王既誅崇侯虎王在豐豐人一朝扶老至者八十萬戶又宋書索虜傳曰昔周道方隆靈臺初構民之附化八十萬家是詩序云始附者謂歸附之衆於是而始若以爲心附民之心附文王者豈始于是日乎左傳僖二十五年秦伯獲晉侯以歸乃舍諸靈臺杜氏曰在京兆杜縣周之故臺也

王使膠鬲求玉于周

箋按王嘉拾遺記帝堯在位聖德光洽河洛之濱得玉版方尺圖天地之形韓非子曰周有玉版紂令膠鬲索之文王不予費仲來求因予之是膠鬲賢費仲無道也周

惡賢者之得志也故予費仲

四十一年春三月西伯昌薨

附注周文王葬畢畢西于豐三十里○箋按漢書絢向傳文武周公葬于畢臣瓚曰汲郡古文畢西于豐三十里師古非之曰畢陌在長安西北四十里

也禮文王世子文王九十七而終尙書無逸文王受命惟中身厥享國五十年孔傳曰文王卽位年四十七言中身舉全數今據竹書文王生武乙元年庚寅以文丁十二年戊子嗣父卽位年四十六故曰

受命惟中身又接通典曰文王葬畢初王季都之後畢公高封焉後漢蘇竟傳武王上祭于畢注以爲古無墓祭此蓋上祭于畢星若然文王初禱于畢亦可謂上禱于畢星乎知不然矣又成湯自帝癸十

五年始爲諸侯十八年而代夏有天下至帝辛四十一年而文王卒共計五百零二年故孟子云由湯至文王五百有餘歲通鑑前編謂始湯終紂共六百六十一年與孟子殊舛當依竹書爲是

四十二年箋按周武王元年

西伯發受丹書于呂尙

箋按大戴禮踐阼篇曰武王踐阼三月召師尙父而問焉黃帝顓頊之道存乎師尙父曰在丹書王欲聞之則齋矣三日王端冕師尙父亦端冕奉書而入而道丹

書之言曰敬勝怠者吉怠勝敬者滅義勝欲者從欲勝義者凶云云王聞書之言惕若恐懼退而爲戒書于席四端以戒後世子孫

有女子化爲丈夫

箋按春秋潛潭巴曰賢人去位天子獨居則女子化爲丈夫

四十三年春大閱

箋按周禮大司馬中冬教大閱司常掌九旗之物名及國之大閱贊司馬頒旗物鄭注曰大閱王乘戎路及太常焉然則大閱乃冬時教戰之禮此云春大閱未必卽殷禮也

見紂之大閱爲不勝耳

嶠山崩箋按淮南倣其訓述至殷紂嶠山崩三川涸覽冥訓嶠山崩而薄落之水涸史留侯世家沛公欲以兵二萬人擊秦嶠下軍魏土地記藍田縣南有嶠關地名嶠柳方輿紀勝嶠關在藍田縣東南

二十八里一統志嶠山在藍田縣南二十里初學記引淮南子作嶠山

四十四年西伯發伐黎

箋按書敘曰殷始咎周周人乘黎祖伊恐奔告于紂作西伯戡黎孔傳黎近王圻之諸侯在上黨東北鄭氏曰西伯文王也大全引朱子曰看來文王只是不伐紂

耳其他事亦是都做了如伐崇戡黎之類或問西伯戡黎惟陳少南呂伯恭薛季隆以爲武王吳才老亦言戡黎恐是伐紂時事然史記又謂文王伐崇伐密須伐耆國耆卽黎也音相近二說未知孰是曰

此等無證據姑且闕之今據竹書殷帝辛三十四年周師取耆四十一年西伯昌薨四十四年西伯發伐黎則是戡黎者武王無可疑也郡國志上黨靈關有黎亭古黎國劉昭注文王戡黎卽此蓋又以鄭

氏誤也

四十七年丙申向擊出奔周

箋按帝王世紀曰紂政彌亂殷太史向擊載其圖書而歸周又淮南子泄論訓太史令向擊先歸文王壽年而紂乃亡以擊為壽武王為文王皆誤

四十八年夷羊見

箋按周禮度邑解王曰嗚呼且惟天不享于殷發之未生至于今六十年夷羊在牧飛鴻遍野又周語內史過曰商之興也檣柝次于丕山其亡也夷羊在牧韋昭注夷羊神

獸牧商郊牧野續博物志曰武王既勝殷登邢之阜以望商邑曰自發未生六十年麋鹿在牧飛鴻滿野徐廣引內史過之言曰夷羊在牧張華以為文王之詞曰水潦東流飛鴻滿野與竹書所紀微有不

同但夷羊不知何物史記貨殖傳其民羯羶不均徐廣類音咒一音囚几反皆健羊名當即是夷羊也

二日並出

箋按荊州占曰兩日俱出以上是謂亂明亂明出天下大亂

五十一年冬十一月戊子周師渡盟津而還

箋按是年己丑周武王即位之十年也唐天文志云武王十

商正也一統志孟縣在懷慶府城南六十里周武王會諸侯於孟津即此史記正義曰孟津在洛州河屬縣南門外孔氏書傳曰武王觀兵孟津以下諸侯伐紂之心諸侯會同乃退以示弱是渡盟津而還

之事也王充論衡曰武王與八百諸侯咸同此盟故曰盟津又水經注曰河南有鉤陳壘世傳武王伐紂八百諸侯所會處河水至此有盟津之目

王囚箕子

箋按秦誓曰囚奴正士孔傳曰箕子正諫而以為囚奴世紀曰武王命召公釋箕子之囚賜貝千朋又按書敘曰武王勝殷殺紂立武庚以箕子歸作洪範司馬彪注莊子曰箕子名胥餘漢

官儀曰紂時胥餘為大師又按廣信周齊王憲神道碑囚箕子於塞庫據紀年附注塞庫紂祖文丁囚季歷處紂因以囚箕子耳

殺王子比干

箋按宋微子世家王子比干者亦紂之親戚也直言諫紂紂怒遂殺比干而剖視其心水經注曰淇水逕頓丘縣故城西北通任人山東隋地理志曰汲郡黎陽有任人山國經曰任

人山谷名也或曰紂殺比干于此因以為名世紀曰武王命閔天封比干之墓命宗祀享祀于軍寰宇記比干墓在汲縣十里世族譜殷比干子堅逃難長林山因以林氏唐書地理志江陵府有長林縣

微子出奔

箋按史記曰紂殺比干囚箕子太史疵少師驅微子抱其祭器歸周左傳楚克許許而縛銜璧逢伯曰昔武王克商微子啓如是假令微子先抱祭器歸周必禮之何至今日始持祭器而

歸遠于軍門如宋世家所云者據竹書商紂二十九年太史辛甲出奔周四十七年內史向與奔周此
書微子出奔不云奔周者知微子無執祭器歸周之事而遂伯夸張其說以動楚子太史又據之而
誤也觀武王克商卽反商政釋箕子之囚對比干之墓立紂子武庚而不一及于微子以是時微子出
亡未獲故也微子適周未知其何時追武庚以叛詎而後封微子于宋則從前未嘗歸周可知一統
東昌府城東北有微子城是微子在殷封于微漢志梁國睢陽縣故宋國微子所封是武庚既滅微
子不忍殷王之祀始受封于宋也蔡邕朱公叔鑿銘曰有殷之胄微子啓以帝乙元子生公子朱其
孫氏焉未遷于荒野始終未嘗適周故微子舍
孫暉而立衍安有以微子之賢而先歸于周乎

五十二年庚寅周始伐殷

箋按是年庚寅周武王卽位十一年矣周始伐殷蓋始果于伐殷也書敘曰惟
十有一年武王伐殷一月戊午師渡孟津作泰誓三篇書曰惟十有三年春大

會于孟津陸氏釋文曰惟十有三年或作十有一年後人妄看序文輒改之今據竹書則書敘十有一
年是也張子南軒曰書敘稱十有一年而書復稱十有三年者字之誤也又唐志曰度議曰竹書十一
年庚寅周始伐商先儒以文王受命九年而崩至十年武王觀兵盟津十三年復伐商推日月不爲相
距四年所說非是武王十年夏正十月戊子周師始起於歲差日在箕十度則析木津也屢初月在房
四度房與歲星實相經緯后稷感之以生故國語曰月之所在辰馬農祥我祖后稷之所經緯也又三
日得周正月庚寅朔日月會南斗一度故曰辰在斗柄壬辰辰星夕見在南斗二十度其明日武王自
宗周次于師所故武成曰維一月壬辰旁死魄翌日癸巳王朝步自周于征伐商是時辰星與周師俱
進由建星之未歷牽牛須女涉顛頊之虛戊午師渡孟津而辰星伏于天龜所以告顛頊而終水行之
運且木帝之所繇生也故國語曰星與日辰之位皆在北維顛頊之所建也帝倍受之我周氏出自天
龜有建星及牽牛焉是歲歲星始及鶉火直軒轅之虛以爰稼穡稷星蠶焉而成周之大萃也以此較
之則書序稱惟十有一年實相
符合而泰誓稱十有二年謬也

秋周師次于鮮原

箋按大雅皇矣云度其鮮原居岐之陽
爾雅小山別大山曰鮮高平曰原是也

冬十有二月周師有事于上帝

箋按王制天子將出征類于上帝禱于所征之地泰
誓曰予小子夙夜祗懼受命文考類于上帝是也

庸蜀羌髳微盧彭濮從周師伐殷

伐殷至邢工更名邢工曰懷○箋按孔氏書傳曰八國皆蠻夷戎狄國文王者國名羌在西蜀髳髳微在巴蜀盧彭在西北庸濮在江漢之南

括地志云房州竹山縣及金州古庸國也益州及巴利等州皆古蜀國隴右岷洮叢等州以西羌也姚府以南古髳國之地戎府以南古微盧彭三國之地濮在楚西南左傳昭九年趙孟曰吳濮有蠻杜注

建清郡南有濮夷是也

湯滅夏以至于受二十九王用歲四百九十六年

附注起癸亥終庚寅